

ପ୍ରେମ ଓ ପ୍ରାୟାଜନ

উত্তর কলিকাতার এক অপরিচয় গঙ্গির এক প্রান্তে যে পতনোন্মুখ বাড়িখানি তাহার হাড়-পাজরা-সার দেহখানি লইয়া দীর্ঘকাল একই অবস্থায় টিকিয়া আছে, তাহারই রোগাকের উপর বসিয়া সকালের রৌদ্রে পিঠ দিয়া কয়েকটি যুবক উদ্দাম তর্কের ঝড় তুলিয়াছিল।

তর্কের বিষয়বস্তু যাহাই হউক সাদা বাংলায় ইহাকে আড্ডা দেওয়াই বলে এবং দেখিলে বুঝিতে বিলম্ব হয় না যে—যুদ্ধের চাহিদায় বেকার-সমস্যার অনেকটা সমাধান ঘটিলেও ইহাদের কাছে সমস্যাটা সমস্যাই রহিয়া গিয়াছে।

সিমেন্ট চট্টয়া যাওয়া, খাপ্রি ওঠা, ভাঙ্গা রোগাকে বসিয়া আধ-ময়লা ব্যাপার গায়ে জড়াইয়া ইহার কথা কয় বড় বড়, আদর্শ গড়ে বিরাট, আর স্বপ্ন দেখে অসম্ভবের।

ইহাদের মধ্যে প্রবীর বলিয়া ছেলেটিই শুধু অবস্থাপন্ন ঘরের ছেলে; তাহার বেশভূষার বৈশিষ্ট্য বাদ দিলেও, চেহারার লাবণ্য, মুখের সৌকুমার্য, সহজেই তাহার আভিজাত্যের প্রমাণ দেয়।

তাহারই দিকে লক্ষ্য করিয়া সময় কহিল—তোমার কথা বাদ দাও না, সোনার চামচ মুখে দিয়ে জমেছ, দুনিয়ার হালচাল তো কিছু জানলে না; তোমাদের যত নাডুগোপালদেরই বিয়ে করা মানায়।...আমরা—যারা লোহা পিটবো, কুলি খাটবো, রিকুশা টানবো, তাদের জন্তে বিয়ে নয়।

প্রবীর মুহু হাসিয়া কহিল—~~তোমরা~~নি বাসন মাজবে, সাবান কাচবে, বাটনা বাটবে, এমন মেয়েরও তেঁাঅভাব নেই।

—অভাব হয়তো নেই, কিন্তু আমি চাই না যে আমার স্ত্রী এসে বাসন মাজবে, সাবান কাচবে, বাটনা বাটবে।

—কিন্তু তুমি যদি লোহা পিটতে পারো, তোমার স্ত্রীই বা কেন বাসন মাজতে পারবে না শুনি?

কথাটা অপর কেহ বলিলে হয়তো সাধারণ তর্কের পর্যায়ে ফেলা হইত, কিন্তু প্রবীর ধনী সন্তান বলিয়াই বোধ করি ইহার মধ্যে অহঙ্কারের গন্ধ আবিষ্কার করিয়া সময় বাঁজালো গলায় উত্তর দিল—ভালবাসার জিনিস সকলেরই সমান, বুঝলে প্রবীর? অবস্থার গতিকে আমাদের ছোট কাজ করতে হতে পারে, তাই বলে—ভালবেসে যাকে ঘরে আনবো তাকে উপযুক্ত মর্যাদা দিতে না পারলে, স্বাচ্ছন্দ্য দিতে না পারলে, মনের শান্তি অক্ষুণ্ণ থাকবে এটা কি করে আশা করছো তুমি? স্ত্রীকে 'দাসী' বলবার যুগ চলে গেছে বলেই আমরা আজ বিয়ে করতে ভয় পাই, কুণ্ঠিত হই।

প্রবীর হঠাৎ হাসিয়া উঠিয়া কহিল—তোমার ভাষার ছটা আর কথার ঝাঁজ দেখে মনে হচ্ছে ভয় কেটে এসেছে।

—অর্থাৎ ?

চাপা কপাল আর উদ্ধত চোয়ালের জন্তু সময়ের মুখটার আনিয়াছে একটা পৌষের ছাপ, ঋতুখণ্ডাও তেমনি তাহার উদ্ধত। সারা পৃথিবীর বিক্রেদে যুদ্ধ ঘোষণা করিয়া যেন খাড়া দাঁড়াইয়াছে অজ্ঞে শান দিয়া।

পাড়ার ছেলে প্রবীর, ছেলেবেলা হইতেই একত্রে খুলে গিয়াছে, ঝুল পলাইয়াছে, লাট্টু ঘোরাইয়াছে, মার্কেল খেলিয়াছে, কিন্তু তবু—প্রবীরকে দেখিলে সময়ের রাগে গা জালা করে, কথা শুনিলে বিষ লাগে। সময়ের ক্রুদ্ধমুখের “অর্থাৎ” শুনিয়া কিন্তু প্রবীরের হাসি বন্ধ হইল না, সে তেমনি হাসিমুখে কহিল—অর্থাৎ মনে হচ্ছে যাকে ভালবেসেছ তাঁকে ঘরে আনতে বিলম্ব হইছে না।

—তার মানে ভালবাসাটা তোমাদের মত বড়লোকের নাড়ুগোপালদের একচেটে, কি বল ?

মানেটা অবশ্য প্রাজ্ঞল নয়, এবং কেবলমাত্র কলহ বাধাইবার জন্তু “ধান ভানতে শিবের শীতের” মত একটা অপ্রাসঙ্গিক কথা আনিয়া ফেলায় উপস্থিত সকলেই সময়ের উপর বিরক্ত হইল।

আবহাওয়াটা হালকা করিয়া ফেলিবার উদ্দেশ্যে অমরেশ একটু আড়ামোড়া ভাঙ্গিয়া কহিল—
—ভালবাসার রাইট নিয়ে যদি তর্কই ফাঁদতে হয় তো রোসো এক পেয়লা করে চা খেয়ে দেওয়া যাক।

অমরেশ এই বাড়ীরই ছেলে, এবং ইহাদের রোয়াকে আড্ডাটা বসে বলিয়া মাঝে মাঝে চায়ের খরচটাও বোগাইতে হয় তাহাকেই। আবার ভাঙা ~~কোয়াল~~ কোয়াকে ছেঁড়া মাছর বিছাইয়া বেদিন ত্রিঞ্জের আসর বসে, সেদিন ঘন ঘন চায়ের ফরমাসে ~~ক~~ কর্তী উত্যক্ত হইয়া উঠেন।

অমরেশ যে তাহা না জানে এমন নয়, তবু বাড়ীর ভিতরের অনেক রকম কথা হজম করিয়াও সে বন্ধ মহলে নিজের যথার্থ অবস্থাটা গোপন রাখিতে চেষ্টা করে।

শীতের সকালে সহনীয় রৌদ্রটা তখন ধীরে ধীরে মাত্রা ছাড়াইতে শুরু করিয়াছে, তাহারই প্রতি লক্ষ্য করিয়া প্রবীর কহিল—ধাকনা, আবার এখন চায়ের হালান্না কেন অমরেশ ? শুধু শুধু বৌদিকে জ্বালাতন করা। ভালবাসার তর্কটা না হয় মূলতুবী থাক এখনকার মত। সর্কবাদিসম্মতিক্রমে সভা ভঙ্গ হোক।

—না না, বৌদি মোটেই জ্বালাতন বোধ করেন না, খুব খুশি হ'ন—বলিয়া অমরেশ বাড়ীর ভিতর ঢুকিয়া গেল।

অমরেশের বৌদি আরতি কোলের ছেলের আহ্বানপর্ক সমাধা করাইয়া সর্কাকে ভাতমাখা ছেলেটিকে টানিয়া কলতলায় লইয়া চলিয়াছিল, অমরেশকে দেখিয়া বিব্রতভাবে হাতের উল্টা-পিঠে মাথার কাশড়টা টানিবার ব্যর্থ চেষ্টা করিয়া হাসিয়া ফেলিয়া কহিল—দেখেছ ঠাকুরপো, কি দুট্টে ? খাওয়ার বেলায় বেশ ওস্তাদ, অথচ এখন শীতের ভয়ে খাঁচাতে রাঙ্গী নয়।...এই গাধা, শীপদির চলু নইলে কাকা মারবে।

ওস্তাদটি বাড়ীর মধ্যে সকলকেই অবজ্ঞার চোখে দেখেন, কিন্তু কোন অজ্ঞাত কারণে বলা শব্দ কাকাকে অপেক্ষাকৃত সমীহ করিয়া চলেন। কাজেই অনিচ্ছুক গতিটা মুহূর্তে পরিবর্তন করিয়া বাধ্য ছেলের মত তিনি গুটিগুটি মায়ের অঙ্গসরণ করিলেন।

আরতি ফিরিয়া আসিতেই অমরেশ মিনতির স্বরে কহিল—বৌদি লক্ষ্মীটি, চুপি চুপি পেয়ালা চার-পাঁচ চা করে দিতে পার ?

—চা ? এখন ? অনেক বেলা হয়ে গিয়েছে না ?

—আরে চায়ের আবার বেলা-অবেলা ! উঠুনে আগুন নেই ?

—ও মা কী কাণ্ড, আগুন থাকবে না কেন ? কিন্তু—

এদিক ওদিক চাহিয়া আরতি গলা নামাইয়া কহিল—পিসীমা না দেখতে পান। এই ধানিক আগেই বকাবকি কচ্ছিলেন।

—কি জন্তে শুনি ?

—অমরেশের রুক্ষ প্রশ্নে কুণ্ঠিত হইয়া আরতি কহিল—কারণ সেই একই, ‘খবচ আর খবচ’, ‘এরকম উড়নচণ্ডে বাড়ীতে মা লক্ষ্মী টিকতে পারেন না—’ এই সব।

অমরেশের মুহূর্তের জল্প মনে হইল, থাক প্রয়োজন নাই, কিন্তু এইমাত্র বন্ধুমহলে বড়মুখ করিয়া বলিয়া আসিয়াছে—এখন কোন মুখে আবার বলিতে যাইবে সামান্য ছ’চার পেয়ালা চায়ের ব্যবস্থা করিবার স্বাধীনতাও তাহার নাই, নিজের বাড়ীতে নিতান্ত পরের মতই থাকিতে হয় তাহাকে।

আরতি বোধ করি তাহার মুখের ভাবে মনের অবস্থা অনুমান করিয়া লইল, তাই ঝাঁচলে ছেলের মুখ মুছাইয়া কোল থেকে নামাইয়া দিয়া কহিল—আজ্ঞা আঁধার ভাবতে হবে না, দিচ্ছি চুপি চুপি, একে একটু ধরো দেখি।

—তা ধরছি, কিন্তু পারবে তো ? না কি তোমায় আবার বকুনি খেতে হবে ?

—না না, ঠিক হয়ে যাবে।

লবু ক্ষিপ্রপদে রন্ধনশালার দিকে অগ্রসর হইয়া গেল আরতি।

ছেলেটিকে ব্যাপারের মধ্যে জড়াইয়া লইয়া অমরেশ আবার বাহিরে আসিয়া বসিল। হাসিমুখে কহিল—হচ্ছে ব্যবস্থা, একটু বোস ভাই।

ভিতরবাড়ীর রৌদ্রলেশ-শূন্য দালানে, সঁয়াতসেঁতে ঘরে, ছোট ছেলেটি যেন এতক্ষণ শীতে নীল হইয়া গিয়াছিল, রৌদ্রের আঁচে তাজা হইয়া কাকার কোল হইতে মুক্তিলাভের চেষ্টায় ঝুলোঝুলি স্বপ্ন করিল।

“কালো গোরাক” ঠিক পাশের বাড়ীতেই থাকে, খোকার সহিত তাহার যথেষ্ট সৌহার্দ্য আছে, তাহার ছটুকটানি দেখিয়া কহিল—এই অমরেশ, ছেড়ে দেনা ওকে, আটকে রেখেছিস কেন ?

—তার কারণ এটি এখন বাবা আদমের সেকেন্ড এডিশন।...এই শয়তান খবরদার নড়বি না।

কিন্তু শয়তান ততক্ষণে মুক্তিলাভ করিয়াছে।

ছেলেটির রং খুব ফরসা নয়, কিন্তু নিখুঁত মুখশ্রী ও নিটোল ঠঠনভঙ্গী দেখিবার মত। তাছাড়া বয়স্কদের কাছে শিশুর মত লোভনীয় খেলনা আর কিছুই নাই, টানিয়া পিটিয়া নানা ইয়া দুঃস্থ ছেলেকেও নাকাল করিয়া তুলিতে বিলম্ব হইল না।

অবশেষে কাঁদাইয়া ক্লেস্ত হইয়া বিজয় হাসিয়া কহিল—যাই বল অমরেশ, তোমার দাদার তুলনায় ছেলেটি যেন গোবরে পদ্মফুল।

—তার কারণ খোকা ঠিক গুর মার মত—ঈশ্বং গর্বিভভাবেই অমরেশ কহিল—বৌদির চেহারা বাস্তবিকই দেখবার মত ছিল, খোকায় রংটা তবু তার মায়ের মত নয়, কিন্তু সংসারের চাপে আর অমরেশ বৌদি বেচারার এখন আর কিছুই নেই।...ভালবাসার তর্ক তুলেছিলে সময়? আমাদের দাদা-বৌদির বিয়েও তো শুনেছিলে বোধ হয় 'লাভ ম্যারেজ'। জামালপুরে মেজ-পিসীর বাড়ী দাদা গিয়েছিলেন চেঞ্জ—আর বৌদি এসেছিলেন মামার বাড়ী বেড়াতে—তারপর প্রজ্ঞাপতির নির্বন্ধ। কিন্তু এখন? এখন, এই বছর সাতকের মধ্যেই বৌদি একটি সংসারভার প্রপীড়িতা বৃদ্ধা, আর দাদা ইহলোকের অনিত্য মুখ ত্যাগ করে পরলোকের চিন্তায় মন দিয়েছেন, সারাদিনে দুটো গল্প করবারও সময় হয় না তার।

প্রবীর এতক্ষণ খোকায় কান্না থামানোর চেষ্টায় ব্যস্ত ছিল, শেঙ্গিল রুমাল প্রভৃতি পকেটস্থিত ষাণ্ডীয় বস্ত্র ঘুস দিয়া যখন প্রায় বাগে আনিয়াছে তখন সহসা অমরেশের শেষ কথাটা কানে যাইতেই মুখ ফিরাইয়া সর্কোতুল প্রশ্ন করিল—পরকালের চিন্তাটা কি অমরেশ?

—শোননি বৃষ্টি, দাদা এক গুরু করেছেন? ইয়া জটাজুটধারী অবধূত বাবা! তাঁর নির্দেশে রাত তিনটে থেকে উঠে সাধনা করতে হয়, এবং এই সাধনার ফলে মনে হচ্ছে প্রায় আধ-সিন্ধ হয়ে এসেছেন, আর কিছুদিন গেলেই পুরোপুরি সুসিন্ধ হয়ে পড়বেন। ব্যাস্ তখন আর তাঁকে পায় কে? একেবারে শ্রীমৎ অখিলেশানন্দ স্বামী—শ্রী পূজ পরিবার সব তখন তাঁর কাছে তুচ্ছ—জগৎটা শেফ্ ভুয়ো।

গলির ভিতর গায়ে গায়ে বাড়ী, মেয়ে মহলে যাতায়াত আছে, কাজেই তাঁদের মারফৎ বিজয় মল্লিক, কালো গৌরাক্স, সময় প্রভৃতির এসব তথ্য জানা ছিল, ছিলনা শুধু প্রবীরের; কারণ তাহার মা-খুড়িমা নিজেদের প্রেষ্টিজ তুলিয়া পাড়া বেড়াইয়া ঘুরিয়া বেড়াইতে নারাজ এবং এ পক্ষও বড়লোকের ছায়া মাড়াইতে রাজী ছিলেন না।

কাজেই প্রবীর উৎসুক প্রশ্ন করিল—হঠাৎ এ রকম হবার মানে?

—মানে? দাদা বলেন—গুরু যখন যাকে রুপা করেন—ও সব তোমার-আমার বুদ্ধির অগম্য প্রবীর!

—বৌদির তো তা'হলে খুবই কষ্ট?

—হিসেব মত তাই হওয়াই উচিত, কিন্তু এও আমার বুদ্ধির অগম্য প্রবীর, আজ পর্য্যন্ত কখনো দেখলাম না—মুখে তাঁর হাসির অভাব, কখনো দেখলাম না—দাদার ওপর এতটুকু

বিরক্তি। শেষ রাত্রে উঠে দাদার পুঞ্জের গোছ করে দেন, মাঝ রাত্রি পর্যন্ত দাদার খাবার নিয়ে বলে থাকেন।

—অর্থাৎ একদা যে বিবাহকে ‘লাভ ম্যারেজ’ বলে উভয়ে আত্মপ্রসাদ লাভ করেছিলেন, আসলে সেটি মায়ামুগ।—প্রবীর মন্তব্য প্রকাশ করিল।

সমর জরুজিত করিয়া কহিল—কেন, তোমার তো মতে গরীবের স্ত্রীর কিছুতেই কষ্ট হওয়া উচিত নয়—বাসন মাজতে, ধান ভানতে—

—সে মত আমার বদলায়নি সমর, যদি ভালবাসা থাকে।

সমর ক্রুদ্ধ ভঙ্গীতে কহিল—এটা কি উর্নো কথা হ’ল না? কত বড় ভালবাসা থাকলে মাহুয এমন আত্মহার্য হয়ে, নিজের সত্তা হারিয়ে আপনাকে বিলিয়ে দিতে পারে—সে আইডিয়া আছে?

—বল যে কতখানি ‘ঘোড়ার ডিম থাকলে’—একটা তীক্ষ্ণ হাসির রেখা মুখে আনিয়া প্রবীর কহিল—নিঃস্বার্থ ভালবাসা হচ্ছে ‘সোনার পাথববাটি’, বুঝলে সমর? যেখানে অভিমানে নেই, সেখানে ভালবাসা আছে এটা সম্পূর্ণ অসম্ভব। আজও নেই, কোনদিনও ছিল না।

আলোচনাটা নিতান্তই ব্যক্তিগত বলিয়া অমরেশ একটু অস্থিত্তি বোধ করিতেছিল, উদ্ধার করিলেন আলোচ্য ব্যক্তি স্বয়ং—ভিতব বাডী হইতে দরজার শিকলটা নড়িয়া উঠিল।

চা প্রস্তুত হইয়াছে তাহারই সঙ্কেত।

ট্রের পরিবর্তে একখানি কাঠের পীড়ির উপর গুটি পাচেক চায়ের কাপ লইয়া অমরেশ ফিরিয়া আসিল। অবশ্য সব কয়েকটিকে কাপের মর্যাদা দিলে সত্যের অপলাপ হয়, অমরেশের নিজের চা ছিল চটা-ওঠা একটি এনামেলের গ্লাসে, এবং কালো গৌরাক ঘরের ছেলের মত বলিয়া তাহার জন্ম একটি পিরিচ-বিহীন একাকিনী পেয়ালা।

তবু মহোৎসাহে চা খাওয়া শুরু হইল, বৌদির চায়ের হাতটা যে বাস্তবিকই প্রাংশনার যোগ্য সে বিষয়ে নতুন করিয়া আর একবার সার্টিফিকেট দেওয়া হইল।

বেলা রীতিমত বাড়িয়া উঠিয়াছিল বলিয়া তর্কের ঝড় ঠেং মন্দীভূত হইয়া আসিতেছিল, প্রবীরের ভৃত্য আসিয়া ডাক দিতেই সভা ভঙ্গ হইল।

সমর সবিক্রপ হাশ্বে কহিল—যাও নাড়ুগোপাল, বেলা হলে পিত্তি প’ড়ে সোনার অঙ্গ কালি হয়ে যাবে, ননীর শরীর গলে পড়বে—সকাল সকাল খেয়ে নিয়ে যুম দাওগে।

জামার আন্তিন গুটাইয়া—সত্যই সোনার মত রঙের সুপুষ্টি বাহুখানি সম্মুখে বাড়াইয়া বসিয়া যুজ হাসিয়া প্রবীর কহিল—গলে পড়বে? এত সহজে নয়, তবে ডিসিপ্লিন ভাঙা আমি পছন্দ করি না।

খোকাকে আবার ব্যাপারের ভিতর চাপিয়া ধরিয়া বাড়ীর ভিতর ঢুকিতেই অমরেশ দেখিল পিসীমা বধুকে লইয়া পড়িয়াছেন।

অমরেশকে দেখিয়া জুলিয়া উঠিয়া কহিলেন—ওই যে নোহাপের বেগর এসেছেন, যাও এখন চোখে নোনাপানি বসিয়ে লাগাও সে সাতখানা করে?

—কি হ'ল পিসীমা ?

—হ'ল আমার পিণ্ডি ছেরাদ। বলি—এত কিসের আশ্পর্কা ? পই পই করে বারণ করিনি—স্নানঘরের কাপড়ে ভাঁড়ারে ঢুকোনা, হাঁড়ি কলসী নেড়ো না—কথা গেরাছি হয় না ? খপ্ করে গিয়ে ভাঁড়ারে হাত দিয়ে চিনি নেওয়া ? কিসের অস্ত্র ? দফে দফে চা চাই—কেন ? এত লবাবি কি অস্ত্র ? দুধ-চিনি অমনি আসে ? পয়সা লাগে না ?

অমরেশ উত্যক্ত হইয়া কিছু বলিতে যাইতেছিল, আরতি অলঙ্কিতে দুই হাত জোড় করিয়া ইচ্ছিতে মিনতি জানাইল। তাহার সপক্ষে কিছু বলিতে যাওয়া বিড়ম্বনামাত্র, লাহনা বাড়িবে বই কমিবে না।

অমরেশও তাহা না জানে এমন নয়, তাই নিজেকে সামলাইয়া লইয়া কহিল—চা আমি করতে বলেছিলাম পিসিমা।

—তা জানি বাছা, তুমি বলবে না তো কি আমি বলবো ? আমার 'সই' 'গলাজল' এলে দুটো পান দিয়েও মান রাখতে যাবে না তোমাদের বৌ তা জানি—কিন্তু তুমিই বা কোন আক্কেলে যখন-তখন চায়ের ফরমাস করে পাঠাও শুনি ? বয়েস তো কম হয়নি, বোঝ তো সব, জিনিস তো গাছে ফলে না—মাথার ঘাম পায়ে ফেলে আনতে হয়।

অবশ্য মনে করিবার হেতু নাই যে পিসীমাকেই মাথার ঘাম পায়ে ফেলিয়া সাংসারিক প্রয়োজনীয় বস্তু সংগ্রহ করিতে হয়, কিন্তু পিসীমার বাক্য-রচনা প্রণালীই এইরূপ।

শৈশবে মাতৃহারা শিশুদের ভার লইতে তিনি যে দিন এ সংসারে পদার্পণ করিয়াছিলেন, সে দিন অমরেশের পিতা অবিলাস অক্ষয়জল কণ্ঠে কহিয়াছিলেন—আজ থেকে ছেলে দুটোর সঙ্গে এ সংসারের সব ভারই তোঁর ওপর পড়ল কেউ, এর ভালোমুহুর দেখতেও তুই, খরচ-পত্তর ~~দেখতেও~~ তুই, তোঁর বৌদি তো নিজের বোঝা হালকা করে চলে গেলেন।

তদবধি কুম্বালা এই দুই বোঝা মাথায় লইয়া দাদার উপদেশের মর্ধ্যাদা রক্ষা করিয়া আসিতেছেন।

সেকাল হইলে এবং স্ত্রীলোক না হইলে বোধ করি ইহার প্রবল দাপটে বাঘে-গরুতে একঘাটে জল খাইত, এবং এই ক্রটিটুকুর জন্যই শুধু সেই প্রবল দাপটের ঝাপটুটা খাইতে হয় সংসারের বেচারী কর্তি প্রাণীকে।

কিন্তু আরতিকে বস্তটা পোহাইতে হয় এমন আর কাহাকেও নহে।

অমরেশকে স্নানের ভাগিদ দিবার ছুতায় তাহার ঘরে গিয়া আরতি ফিস্ফিস্ করিয়া কহিল—আর একটু হলেই তুমি পিসীমার কথায় লবাব দিয়ে বসেছিলে ! কী কাণ্ডটা যে হ'ত তা'হলে—লক্ষ্মীটি ভাই একটু সয়ে যেও, অস্ত্রত: আমার মুখ চেয়ে।

—ঠিক সেই অস্ত্রই সয়ে যাই বৌদি, কিন্তু বলতে পারো কেন ? কোনকালে অজ্ঞানে কি উপকার করেছিলেন বলে—চিরকাল পমানত হয়ে থাকতে হবে ? এ কী 'কর্ডার কুত' এ সংসারের ঘাড়ো চেপে বসে আছে বলতো ? কেন মানবো, কেন ভয় করবো, তার কার্য থাকবে না ?

পিসী মা যে নিঃশব্দে কখন আসিয়া দাঁড়াইয়াছিলেন কে জানে, সহসা উভয়কে চমকাইয়া দিয়া তাঁহার কণ্ঠ বাজিয়া উঠিল—

—ওগো নাই বা মানলে, নাই বা চিনলে, আমি তো তোমাদের গলগ্রহ হতে এ বাজীতে পা দিইনি? পায়ে ধরে নিয়ে এসেছিল দাদা, তাই এসেছিলাম। এখন মাহুঘ হয়েছ, বৌদি চিনেছ, বৌদি ‘ঠাকুরপো ঠাকুরপো’ বলে গদগদ হয়ে কোলের গোড়ায় ভাতের খালি ধরে দিতে শিখেছে, এখন আমার দরকার কি? দাওনা, লাখি মেরে দূর করে দাও—মুড়ো খ্যাংরায় ঝেঁটিয়ে আপন ধিদের করো—একবেলা একমুঠো আলোচাল, তাও তোমাদের সংসারে অমনি খাইনে, বসে খাইনে, যেখানে গতির খাটাবো সেখানেই পাবো।

ব্যাকুলভাবে আরতি পিসীমার হাত ধরিয়া সাহুনেয়ে কহিল—দোহাই পিসীমা, আপনায় পায়ে পড়ি আমার মাথা খান, চূপ করুন, ঠাকুরপো ছেলেমাহুঘ, কি বলতে কি বলেছে—

পিসীমা জিহ্বা ও তালু সংযোগে একটা অবজ্ঞাসূচক ধ্বনির সৃষ্টি করিয়া তীক্ষ্ণকণ্ঠে কহিলেন—মরে যাই লো, কি আমার ছেলেমাহুঘ, বহুসে বে হলে, সাতটা ছেলেমাহুঘের বাপ হতেন। এক পয়সার মুরোদ নেই, চক্কিশঘন্টা গায়ে হাওয়া দিয়ে বেড়াচ্ছেন, আর খোকায় মতন ‘বৌদি বৌদি’ করে সাতবার রান্নাঘরে উঁকি দিচ্ছেন, তাই ছেলেমাহুঘ, কচি খোকা! তাও বলি বৌমা—তোমারই বা অতবড় দেওরের সঙ্গে হরঘড়ি এত ফুসফুস গুঞ্জগুঞ্জ কিসের? কথায় বলে—সোমত্ত ছেলে-মেয়ে আশুন আর ঘী, শাস্তর তো আর গায়ের জোরে মিথ্যে হয়ে যাবে না।

অমরেশ কথার প্রারম্ভেই চলিয়া গিয়াছিল, আরতিও ধীরে ধীরে সরিয়া আসিল।

—যাই, ওদের ছোট বৌটা আমার হাতের কণ্ঠবেলের আচার খেতে চেয়েছিল, দিয়ে আসি এক ফোটা—বলিয়া পিসীমা ‘ওদের বাড়ীর’ উদ্দেশে যাত্রা করিলেন।

প্রবীর বাড়ীর ভিতর পা দিতেই মন্দির অভিমানে ঠোট ফুলাইয়া কহিল—বারে দাদাভাই, তুমি এত বেলা করলে যে বড়? আমার বুঝি খিদে পায় না?

—খিদে পেয়েছিল, খেয়ে নিলেই পারতিস, আমার সঙ্গে এক টেবিলে বসতেই হবে এমন কিছু মাথার দিব্যি দিয়ে যাইনি তো?

ক্রটি স্বীকারের পরিবর্তে প্রবীরের মুখে এইরূপ স্তম্ভনীয় মত নিষ্ঠুর কথা শুনিয়া অভিমানিনী মন্দিরার দুই চোখ ছলছল করিয়া আসিল। সে আশ্রয়িণী, সর্বদা সকলে তাহাকে আদর করিবে ইহাই এ বাড়ীর রীতি, তাহার এতটুকু ব্যতিক্রম হইলেই সর্বনাশ।

প্রবীর একবার ভাবিল ক্ষমা প্রার্থনার ছুতা করিয়া একটু আদর করিয়া যায় কিন্তু মনটা কেমন অশ্রমনস্ক হইয়া গিয়াছিল তাই সাবান-তোয়ালে লইয়া স্নানের ঘরে ঢুকিয়া গেল।

প্রবীরের মা জ্যোতির্ষ্ময়ী দেবী যতীন মুখুজ্যের দ্বিতীয় পক্ষের স্ত্রী, বিবাহের বৎসরখানেক পরেই একটি সন্তান প্রসব করিয়া তিনি সেই যে ইন্তফা মিলেন, ষষ্ঠীদেবী আর তাঁহার পাত্তা পাইলেন না।

অনেকে তাঁহাকে নিঃসন্তান বলিয়াই মনে বয়ে, প্রশ্ন করিলে তিনিও হাসিয়া বলেন—
পাগল, আমার আবার ছেলে কই? ছেলেমেয়ে সবই ওপক্ষের।

তাছাড়া তাঁহার অপূর্ণ রূপ ও অটুট স্বাস্থ্য দেখিলে প্রবীরের পিঠোপিঠি দিদি বলিয়া ভ্রম হয়। অসময়ে যতীন মুখুয্যে যখন পাকাচুলের উপর চোপের চাপাইলেন, ঘরে-পরে সকলেই-চোখ টেপাটেপি করিয়াছিল, কিন্তু বৌ দেখিয়া সকলের চোখের তারা বিক্ষলিত হইয়া উঠিল। এমন রূপ দেখিলে যে বুড়ারও মাথা ঘুরিয়া যাওয়া বিচিত্র নয়, একথা সকলকেই স্বীকার করিতে হইয়াছিল।

প্রথম পক্ষের বড় মেয়ে সতীরাণী জ্যোতির্ষ্ময়ীর চাইতে বয়সে বেশ কিছু বড়, তাহারই দৌহিত্রী এই মন্দিরা। অনেকগুলি ভাইবোনদের ভিতর হইতে একটিকে শৈশবাবস্থাতেই জ্যোতির্ষ্ময়ী চাহিয়া লইয়াছিলেন—মাঝুব করিবার সখে, মন্দিরা অনেকদিন অবধি তাঁহাকে নিজের মা বলিয়াই বিশ্বাস করিত।

এ বাড়ীতে তাহার একচ্ছত্র আধিপত্য।

যতীন মুখুয্যে কারবারি লোক, আনাহারের নিয়ম যথাযথ মানিয়া চলা তাঁহার পক্ষে সম্ভব নয়। বৃদ্ধ হইলেও তাঁহাকে কাজকর্ম দেখাশোনা করিতে হয়। ইদানীং ধূয়া তুলিয়াছেন বটে প্রবীর সব বুঝিয়া লউক, কিন্তু প্রবীর সভয়ে পাশ কাটাইয়া সরিয়া পড়ে। বাবা, বাবার অকিস, বাবার হিসাবের খাতা—এমন কি দোকানের কর্মচারীদিককে পর্যন্ত সে সম্বন্ধে ভয় করে।

ছোট অতীন মুখুয্যে উকিল মাঝুব, তাহার সব নিয়ম বাধা। তত্ত্ব গৃহাণী অরুণপ্রভাও তাই। প্রায় আধ-কুড়ি সন্তান সম্ভতির জননী হইয়াও তিনি ডিসিপ্লিন রক্ষা করিয়া চলেন। মেদ বাহুল্যে নীচে নামা কষ্টকর বলিয়া তাঁহাদের টেবিল পড়ে উপরেই। বয়সে ছোট অথচ মাঝে বড়, বড় জামের সহিত ঠিক কোন সম্পর্ক রাখিয়া চলা উচিত সেটা বুঝিতে না পারার জন্যই বোধ করি উক্ত গোলমালে বস্তুটিকে সমস্তে আঁজও পরিহার করিয়া চলেন।

আহারের স্থানে মন্দিরাকে না দেখিয়া জ্যোতির্ষ্ময়ী বিম্বিত হইলেন। টিলে পায়জামার উপর হাফসার্ট চাপাইয়া আঁচড়ানো চুলের উপর সাবধানে হাত বুলাইতে বুলাইতে প্রবীর আসিয়া কহিল—কই, তৃতীয় ব্যক্তিটি কই?

—তাই তো দেখছি, আমি বলি ছ'জনেই আসছিল বুঝি একসঙ্গে।...ও শ্রীপতি, দেখতো বাবা দিদিমণি কোথায় গেল ৯.

প্রবীরের বুঝিতে বিলম্ব হইল না মন্দিরার রাগ ভাঙে নাই। হাসিয়া কহিল—রোসো মা, আমি ডেকে আনছি, খুকুমণি বিষম চটেছে।

পড়ার ঘরে একখানি ইতিহাসের বই খুলিয়া মন্দিরা গম্ভীর মুখে বলিয়াছিল, প্রবীর তাহার ধ্যাননিরত মুষ্টি দেখিয়া সশব্দে হাসিয়া উঠিল।

মন্দিরা অবশ্য ইহারই প্রতীক্য করিতেছিল, তাই কিছুমাত্র না চমকাইয়া ধীরভাবে বইয়ের পাতা উল্টাইল।

হাতের বইখানা টানিয়া লইয়া প্রবীর কহিল—নাতনি, রাগটা কি খুব বেশী?

—আঃ! ভাল হবে না বলছি, বই দাও।

তাহারই অল্পকরণ করিয়া প্রবীর কহিল—বারে তুমি এখন বই পড়বে, আর আমার বুকি খিদে পায়না?

—খিদে পায় খেয়ে নাওগে না—আমার সঙ্গে এক টেবিলে খেতেই হবে এমন কিছু মাথার দিব্যি মেই।

—হয়েছে, আমার অস্ত্রে আমাকে সংহার। বেশ এখন কান্ মূলছি, মানভঞ্জন হোক।

হাসি চাপিয়া রাখা দুষ্কর। অতএব মুখটা আরো ভারী করিতে হয়।

—বাঃ চমৎকার হাঁড়িমুখ করতে পারোতো—ফার্স্ট প্রাইজ পাবার যোগ্য, কিন্তু চল্ এখন খেয়ে নিবি, মা অনেকক্ষণ বসে আছেন। শোন্ তোর সঙ্গে একটা পরামর্শ আছে। একটা কাজ করতে হবে তোকে।

বিবাদ ভুলিয়া মন্দিরা সোৎস্বকে কহিল, কি?

—বলছি পরে।

—না, এখনই বল।

—এখন বলব না।

—না, এখুনি শুনবো।

—আহ্লাদী! আচ্ছা অমরেশকে চিনিস তো?

—চিনি না আবার? আগে তো সে-ই কত আসতো ক্যারম্ খেলতে। বিক্রী রকমের ভাল খ্যালে, সকলকে হারিয়ে দেয়, সেই জন্তেই তো আর খেলি না।

—ওদের বাড়ী বেড়াতে গেলে পারিস।

—কী দায় পড়েছে? যা ওর পিসী, বাব্বা! গঙ্গা নাইতে যায় আর রাস্তার ছেলেদের খা-তা গালাগাল দিতে দিতে যায়, কে যাবে ও বাড়ী?

—ওর বৌদি কিন্তু খুব ভালো মেয়ে। একটু গল্পটল্প করবি গিয়ে—কিংবা ডেকে এনে মার সঙ্গে আলাপ করিয়ে দিতেও পারিস।

—হঠাৎ?

—এমনি, বেচারী বড় দুঃখী। সত্যি আমাদের বাঙালীর ঘরের মেয়েরা মুখ বুজে কত কষ্ট সহ করে কেই বা তার সন্ধান রাখে?

—খুব বুকি কষ্ট, দাদাভাই?

—কষ্ট? তাই তো মনে হয়—কেমন অল্পমনস্ক ভাবে প্রবীর যেন নিজের উদ্দেশ্যই কথা কয়, মেয়েরা কষ্টকে হাসিমুখে সহ করে কেমন করে দেখতে ইচ্ছা করে তার।

—দিদিমনি, মা বলছেন আপনারা কি আজ থাকেন না?

শ্রীপতি আসিয়া তলব দিল।

—যাচ্ছি যাচ্ছি, চল।

ব্যাপক অর্থে 'ও বাড়ী' অর্থাৎ কালো গৌরাজ ও অমরেশদের বাড়ী।

পরিবাসের সম্পর্ক ছিল কিনা বলা যায় না—কিন্তু গৌরাজের নামকরণকালে যিনি উক্ত কাজেব ভার লইয়াছিলেন পরিবাস প্রবৃত্তিটা তাঁহার তখন বোধ করি অত্যন্ত প্রবল হইয়া উঠিয়াছিল।

কাজেই সম্বোধন কালে কেমন করিয়া যেন গৌরাজ নামের পূর্বে একটি উপসর্গ আসিয়া জুটিল। শিশুকাল হইতে গৌরাজ উক্ত উপসর্গটি অগ্রে লইয়া সংসারে চরিয়া বেড়াইতেছে।

অমবেশের বাড়ীর এক দেয়ালেই ইহাদের বাড়ী। এ বাড়ীও কম জাঁপ নয়, কিন্তু একতলা বলিয়া অপেক্ষাকৃত কম ভয়ঙ্কর দেখায়। পুরুষাত্মকমে এই দুইটি পরিবার পাশাপাশি বাস করিয়া আসিতেছে।

সন্দেহ আছে বলিয়াই যে বিবাদের অভাব আছে এমন নয়। কখনো দুই পরিবারে কথা বন্ধ হইয়া যায়, মুখ দেখাদেখি থাকে না, দুই বাড়ীর যাতায়াতের সহজ পথটায় তাল-চাবি পড়ে, ছোট ছেলের ঠ্যাং ভাঙিবার ভয় দেখাইয়া অপরাপকের এলাকায যাওয়া নিবারণ করিতে হয়, বাড়ীর মেয়েরা শ্রুতিগোচর স্থান হইতে শুনাইয়া শুনাইয়া ও পক্ষের নিন্দাবাদ করে, বাড়ীর পুরুষরা গলির মোড়ে দেখা হইলে না-দেখার ভান করিয়া ঘাড় গুঁজিয়া সরিয়া পড়ে।

আবার এক সময়—স্বখে দুঃখে বিপদে আপদে যাবের দরজার তালাচাবি খুলিয়া যায়, মেয়েরা অন্তরঙ্গ সখীতে গদগদ হইয়া আলাপ কবে, ছোট ছেলেরা হাঁক ছাড়িয়া বাঁচে, পুরুষরা দীরে ধীরে এ বাড়ীর তাগের আড্ডায় আসিয়া উকি দেয়।

ছোটবাঁ বড় হয়, বড়রা বৃড়া হইয়া পড়ে, বধূবা গৃহিণীপদ পায় গৃহিণীদের শিথিল-মুষ্টি হইতে রাজ্যপাট খসিয়া পড়ে। সকলের শিক্ষা দীক্ষা আচার ব্যবহার সমান নয়, এক একজনের আমলে এক এক রকম ভাবের আদান প্রদান চলে।

বর্তমানে উভয় পরিবারে বিশুদ্ধ বাংলায় বাহাকে বলে—গদায় গদায় ভাব।

যাবের দরজাটা খুলিয়া কেটবালা কণ্ঠে যবু ঢালিয়া কহিলেন—অ ছোট বো, কই লা কোথায় ?

ছোট বো অর্থাৎ গৌরাজর মা ত্র্যম্বক্যন্তে ছুটিয়া আসিয়া কহিলেন—ঠাকুরঝি ডাকছো নাকি ?

—এই যে এককোঁটা কংবলের আচার এনেছিলাম, বলি পোয়াতি মাছষ মুখ ফুটে সোদিন বললি।

ছোট বো লজ্জিত ভাবে হাত পাতিয়া পাপরবাটিটা লইয়া কহিল—তোমার যেমন বাতিক,

বলেছিলাম বলেই অমনি ছুটে দিতে এসেছ ? আর ভাই বুড়ো বয়সে এই সব কাণ্ড, লজ্জায় মরে যাচ্ছি, এখন আর—

—মরণ আর কি, তোরাও যদি বুড়ো হলি তা'হলে আমরা কোথায় আছি লো ? এই তো কাচ্চা বাচ্চা পাঁচটা হবার বয়স।

সাতটি সন্তানের জননীর পক্ষে এতটা ভালবাসা বরদাস্ত করা শক্ত, তবু তোষামোদের মোহিনীশক্তিতে মুগ্ধ ছোট বৌ গলিয়া গিয়া কহিল—আশীর্বাদ করো ঠাকুরবি, আর না। আমার গোরা এই ষেঠের কোলে পঁচিশে পা দিলো, এখন ছেলের বিয়ে দিয়ে বৌ আনবো কবে তাই ভাবছি, ঝাঝখান থেকে আবার এই—

—তা হোক, এয়োঙ্গী মানুষ ও কথা বলতে নেই। তা গোয়ার বিয়ের কি করছিস ?

—আর বিয়ে ! ছেলে তো একেবারে বাড়ী জবাব দিচ্ছে বিয়ে করবে না বলৈ। কি যে এখনকার ফ্যাসান হ'ল !

—ও মা ! বিয়ে করবে না কি ? ছেলে বললেই শুনতে হবে ? জোর করে দিবি। উচক্সা বয়স, বিয়ে না করে স্বভাব চরিত্তির ঠিক রাখতে না পারলে ? কোনদিন কি বদনাম শুনবি, তখন ঘেমায় মরে যাবি।

নিজের সন্তান সত্বে এ হেন আলোচনাটা শ্রুতিমধুর ও নয়, গৌরবজনকও নয়। গৌরাঙ্গ-জননী নিস্পৃহভাবে উত্তর দিল—তোমরা সব বলে কয়ে দেখনা ঠাকুরবি, আমায় তো ছাই মানে।

—বলবো, একেবারে মেয়ে নিয়েই বলবো—গঙ্গার ঘাটে একটি মেয়ে দেখেছি সেদিন, খাসা ছিবি ছাঁদ, সন্ধান নিয়ে দেখলাম তোদেরই পালটি ঘর। বড় বৌকে নিয়ে একদিন যাবো তাদের বাড়ী গঙ্গাচানের ছুতোয়।...কই কোথায় গেল বড় বৌ ?

—দিদি এই গেলেন ছাতে, চারটি বাড়ি দিতে।

—বড়ির কথা আর বলিসনে ছোট বৌ, বারো আনা এক টাকা সের ভাল, চৌদ্দ আনায় এমনি এতটুকু একটা ছাঁচি কুমড়ো—কোথেকে পাবি বাড়ি ?

—তা যা বলেছ ঠাকুরবি,—প্রসঙ্গের পরিবর্তনে ছোট বৌ একটু স্বাচ্ছন্দ্য বোধ করে।

—আর আমাদের বাড়ীর নবাব নন্দিনীটি হয়েছেন তেমনি—দুটো ভাল ভাত শেদ্ধ করতেই তাঁর দিন কেটে যায় তো বাড়ি আচার করবে কখন ? আমি বুড়ো মাগী যদি করলাম তো হ'ল।

ছোট বৌ সোৎসাহে কহিল—হরি বল, ওইটুকু সংসারের রামা, তাতেই বৌমা সময় পায় না ? আমাদের মতন হলে টের পেত। হ্যা ঠাকুরবি, অখিল নাকি সত্যিই সম্যাসী হবে ?

—কি জানি ভাই। ছেলের ধরন ধারণ দেখলে তো গায়ে জর আসে। ওই পুঞ্জো-আচ্চা জপতপ নিয়েই আছে, বলে নাকি চাকরীও ছেড়ে দেবে।

গোপন করিবার কারণ না থাকিলেও ছোট বৌ ফিস্ফিস্ করিয়া কহিল—আচ্চা ঠাকুরবি, বৌমার সঙ্গে বুঝি তেমন 'ইয়ে' নেই ? নইলে—ব্যাটা ছেলে, সোমস্ত বয়স, অমন সোনার প্রতিমা ঘরে থাকতে ধন্দ ধন্দ বাত্বিক কেন ?

তাচ্ছিল্য ও বিরক্তির সংমিশ্রণে উদ্ভূত একটি উৎকট মুখভঙ্গী করিয়া কৃষ্ণবালা কহিলেন—তবে আর বলছি কি? মেয়েমানুষ, একটু নেটিপেটি একটু গায়েপড়া ভাব দেখা—চকিশ ঘটা কাছে কাছে থাক, কান্নাকাটি কর—তা না ঠিকরে ঠিকরে বেড়াচ্ছে। পোড়ার মুখে হাসিরও কামাই নেই এক দণ্ড।

ছোট বৌ একটা নিঃশ্বাস ফেলিয়া কহিল—কে জানে কেমন মন, আমরা তো এই বুড়ো হয়ে মরতে যাচ্ছি, তবু লজ্জার মাথা খেয়ে বলছি তোমার কাছে—একদিন এদিক উদিক হবার জো নেই।

—তবে? তোরাই বল? ওই সর্বনাশীর খিষ্টানী মেজাজের গুণেই বাছা আমার বৈরাগী হ'ল—বলিয়া কৃষ্ণবালা চোখের উপর আঁচল চাপিয়া ধরিলেন।

—ওখানে কে?

—উঠানের ওপার হইতে সময়ের বিধবা দ্বিদি উষারাগী উত্তর করিল—আমি গো কেষ্টপিসী। তুমি কতক্ষণ?

কেষ্টবালা ইহাকে দেখিতে পারেন না—স্পষ্টবক্তা বলিয়া ইহার দুর্নাম আছে।

উত্তরে মুখটা ঘুরাইয়া অবহেলার ভঙ্গীতে কহিলেন—আমার আবার দিন ক্ষণ, সর্বক্ষণই আসছি যাচ্ছি, তোমাদেরই সঙ্গে গুঞ্জে বেড়াতে আসা।

উষারাগী গায়ের রূপারটা ভাল করিয়া জড়াইয়া লইয়া কহিল—এই একাদশী নইলে তো সময় হয় না—ভাবলাম যাই একবার এ-বাড়ী ও-বাড়ী বেড়িয়ে আসি, বেলা ছোট হয়েইছে তেমনি, এক মিনিট সময় পাবার জো নেই।

—কি জানি মা তোমাদের কিসে এত সময়ের অভাব। এই তো সকাল বেলা গঙ্গায় গেছি, আঙ্গিক পূজা করেছি—

উষারাগী বাধা দিয়া কহিল—তোমার তো বাবু বৌটাই সংসারের সব কাজ করে—তুমি আর সময় পাবে না কেন?

কৃষ্ণবালা ক্রোধে গর্জন করিয়া উঠিলেন—হ্যাঁ লো হ্যাঁ, তোরা তো তাই দেখিস? কথায় বলে না—“ছুঁড়ির তরে সোনার বাটা বুড়ির তরে মুড়ো ঝাঁটা”—বৌ যদি হেঁটে যায় তো পাঁচ আবাগীর বুক বাজে, আর আমি বুড়ো মাগী দিনরাত চাকরাণীর মত খাটিছি চোখখাগীদের চোখে পড়ে না।

উষারাগী এ পাড়ার বৌ নয়, ঝিউড়ি মেয়ে, অন্তএব গায়ে-পড়া গালি-গালাজ সহ করিয়া যাইতে রাজী হইল না।

বিক্রপ হান্তে মুখ রঞ্জিত করিয়া কহিল—হুগ্গা হুগ্গা, সকাল বেলা কার মূখ দেখে উঠেছিলাম—ভর হুপুয়ে চোখের মাথা খেয়ে মলাম।

ছোট বৌ খণ্ড প্রলয়ের আভাসে ভীত হইয়া কহিল—ও কি কথা উবা, ছি! ঠাকুরঝি তো তোমার নাম করে বলেন নি কিছু।

—নাই বা বললেন, ঘাসের বিচি তো খাই না, বুঝি সবই। বৌটাকে যা সুখে রেখেছেন তা তো আর কারুর জ্ঞানেতে বাকী নেই, বললেই দোষ।

অতঃপর কুম্ভবালাকে ঠেকাইয়া রাখা দায় হইল।

পাড়ার লোকের কুম্ভগণ্যতেই যে বৌ বিগড়াইয়া গিয়াছে, সে বিষয়ে নিঃসন্দেহ মত্ত প্রকাশ করিয়া সগৰ্জ্জনে কহিলেন—ঠাঁহার ছাগল তিনি ল্যাঙ্কের দিকে কাটলেই বা কাহার কি আসিয়া যাইতেছে?—কথায় কথায় আরো কথা বাড়িল।

উষারাগীর একটি আধটি তীক্ষ্ণ মস্তব্য ও কুম্ভবালার প্রবল গালি-গালাঞ্জের শব্দে শীতের দুপুরের অখণ্ড শান্তি খণ্ড খণ্ড হইয়া ভাঙিয়া পড়িল।

বড় বৌ বড়ির ডালবাটা মাথা হাত লইয়া নামিয়া আসিলেন। বড়-বৌয়ের বিবাহিতা কণ্ঠা মেনকা চিঠির প্যাড্‌চাপা দিয়া রঙ্গস্থলে আসিয়া দাঁড়াইল।

আশপাশের অনেক বাড়ীর ছাদে, বারান্দায়, জানলায়, স্কন্দরীদের সকৌতূহল মুখপদ্ম ফুটিয়া উঠিল। একটা মুখরোচক আলোচনার স্বেযোগ পাইয়া সকলেই যে পুলকিত হইয়া উঠিয়াছে, সে বিষয়ে সন্দেহ করিবার কিছু থাকে না, তাহাদের তৃপ্ত মুগ্ধচিবি দেখিয়া।

এমনি করিয়াই ইহাদের দিন কাটে।

আনন্দ নাই, বৈচিত্র্য নাই, ভবিষ্যতের উজ্জ্বল আশা নাই, দিনের পর দিন একই দিনের পুনরাবৃত্তি।

সরু গলির মধ্যে গায়ে গায়ে লাগা ঘিজিবাড়ীর জীর্ণ দেওয়াল ভেদ করিয়া বাতাস উদারতার বাণী বহিয়া আনেনা, আকাশ আলোর আমন্ত্রণ পাঠায় না। শীত, গ্রীষ্ম, বুর্বা, বসন্ত, দিনের হিসাবে আসা যাওয়া করে মাত্র।

মাহুষের পঙ্কিল নিঃশ্বাসে মাহুষের জীবন দুর্কহ হইয়া উঠে।

বঞ্চিত বলিয়াই ক্ষুধাতুর জর্বায পরম্পরকে আঘাত করে।

অল্প লইয়া জীবন কাটাইতে হয় বলিয়াই অত্যন্তের জন্ত হানাহানি করিতে কৃষ্টিত হয় না। অন্তরের ঐশ্বৰ্য্যের সন্ধান রাখে না বলিয়াই অন্তরের দৈন্ত উলঙ্গ করিয়া দেখাইতে লজ্জা বোধ করে না।

তবু ইহারই মধ্যে চলিতে থাকে জন্ম-মৃত্যু-বিবাহের চিরন্তন লীলা, যুবক-যুবতীর প্রেমের খেলা।

পতিগৃহ-বঞ্চিতা মেনকা প্রত্যহ অন্তর্ক বানান আর অপূর্ক হস্তাকর সম্বলিত দীর্ঘ প্রেমপত্র রচনা করিয়া নিত্যনূতন লোক ধরিয়া স্বামীয় ঠিকানা লিখাইয়া পাঠায়।

অখিলেশ মুক্তির স্বপ্ন দেখে।

বিজয় মল্লিক দেশোদ্ধার করে।

ঘড়িতে স্বাক্তি বারোটা বাজিয়া গিয়াছে

ব্ল্যাক-আউটের মহিমায় কলিকাতা নগরীকে আর চিনিবার উপায় নাই। বিমুখ রাজ্য-লক্ষ্মীই যেন প্রদীপ নিভাইয়া দিয়া অজ্ঞত পথ খুঁজিতে গিয়াছেন। রাজ্যের কলিকাতা, ভাগ্য-দেবতার পাদপীঠে যে অজস্র দীপমালার অর্ঘ্য সাজাইয়া আরতি করিত, দেবতার অস্থানের সঙ্গে সঙ্গেই সে মাল খসিয়া পড়িয়াছে।

তাই আজ ঘরে বাহিরে এত অন্ধকার।

মানুষ আর পথ দেখিতে পায় না।

শীতের স্বাক্ষরে সচরাচর এমন সময় পাড়া নিস্ততি হইয়া পড়ে, অন্ধকারের জঘ্ন আন্ধকাল আরো তাড়াতাড়ি লোকে পথের কাজ সারিয়া আপন আপন আশ্রয়স্থলে আশ্রয় লয়। যে অসংখ্য লোক ফুটপাথে পড়িয়া রাত্রি কাটাইত, তাহাদের চিহ্নমাত্র দেখিতে পাওয়া যায় না।

কদাচিত্ত এক-আধটা মানুষ আপাদমস্তক শীতবস্ত্রে মুড়ি দিয়া, বেহুলা স্বরে সিনেমার গানের এক-কলি গাহিতে গাহিতে চলিয়াছে—বোধকরি ভয় ভাঙিতে।

দৈবাৎ এক-আধটা গরুরগাভী কপি বেগুন বোঝাই দিয়া চলিয়াছে বাজারের অভিমুখে।

জানলা দিয়া শীতের কনকনে হাওয়া আসিয়া হাডের ভিতর পর্যন্ত ছুঁচের মত বিঁধিতে-ছিল, তাই কপাটটা বন্ধ করিয়া দিয়া আরতি সারিয়া আসিয়া একটা ট্রাঙ্কের উপর বসিল।

বিছানায় বসিতে ভয় করে, সারাদিনের শ্রমক্লান্ত শরীর যদি বিছানার প্রলোভনে বিশ্বাসঘাতকতা করিয়া বসে। অখিলেশ এখনও গুরু-আশ্রয় হইতে ফিরে নাই, কড়া নাড়িলে দুয়ার খুলিয়া দিতে হইবে। বই থাকিলে সময়টা জলের মত কাটিয়া যায়, আজ একখানিও বই নাই।

আরতি মনে মনে ভাবে আবার কাল ঠাকুরপোকে খোসামোদ করিয়া খানবয়েক বই আনাইতে হইবে। কোথায় বা পায় বেচারি! আগে লাইব্রেরী হইতে আনিয়া দিত, কিন্তু অখিলেশের নিষেধে লাইব্রেরীর বই বন্ধ হইয়া গিয়াছে! অসার উপভাস পড়িয়া উচ্ছন্ন যাইবার জঘ্ন অর্থ নষ্ট করা নাকি অত্যন্ত গর্হিত ব্যাপার।

অমরেশ বই আনিয়া দেয় লুকাইয়া, আরতি লুকাইয়া পড়ে। এই একটি বিষয়ে সে বিবেকের বিরুদ্ধে আপনাকে ছাড়িয়া দেয়। দীর্ঘদিন কাটিয়া যায় সংসারের তুচ্ছ কাজে, কিন্তু দীর্ঘ রাত্রি কাটিবে কি লইয়া?

কৃষ্ণালা এক ঘুম হইতে উঠিয়া আরতির ঘরে উঁকি মারিয়া ঘুম-ভাঙা ভারী গলায় কহিলেন—অখিল এখনও বাড়ী আসেনি?

আরতি মাথা নাড়িয়া জানাইল, না।

—হুঁ—বলিয়া একটিমাত্র শব্দে অখিলেশের অবিবেচনার সমস্ত অপরাধ নির্দোষ আরতির স্বন্ধে চাপাইয়া তিনি সারিয়া গেলেন। অধিক কথা কহিলে ঘুমের আমেজ ভাঙিয়া যাওয়ার ভয়েই বোধ করি ফাঁড়াটা অল্পে কাটিল।

অখিলেশ আসিল সাড়ে বারোটায়।

বিদ্যুতের আলোর ব্যবহার নাই, হারিকেন ধরিয়া স্বামীকে সিঁড়ি পার করাইয়া দ্বিতলে উঠাইয়া দিয়া আরতি আবার নীচে নামিয়া আসিল।

অখিলেশের রাত্রে আহাৰ্ধ্য ফল, দুধ ও মিষ্টান্ন নীচে গোছান আছে। আনিতে হইবে তসরের শাড়ী পরিয়া। আহাৰ্ধ্যের শুচিতায় অখিলেশের তীক্ষ্ণ দৃষ্টি।

কাঠকয়লার আঁচে দুধ গরম করিয়া, আসন জল প্রস্তুতি আনিয়া নামাইতেই অখিলেশ গম্ভীরভাবে কহিল—রাতের খাওয়াটা এবার থেকে ছেড়ে দেব মনে করছি।

আরতি শঙ্কিত দৃষ্টিতে চাহিল।

—না না, তোমার কিছু দোষ হয়নি, আমার ভুলে যে কেউ অকারণ কষ্ট পায় এটা আমি গৃহন্দ করি না।

আরতি শাস্তকণ্ঠে কহিল, কে বললো কষ্ট হয় ?

তা কষ্ট হয় বৈকি। দেখেই বোঝা যায়।

আরতি মুহূ হাসিয়া কহে, এসব তুচ্ছ জিনিস বুঝতে পারো তুমি ?

—এ ধরণের মান অভিমানের পালা না গাওয়াই ভালো। বলিয়া অখিলেশ খাবারের খালাটা টানিয়া লইল।

আরতি ধীরে ধীরে কহিল—শীত বেশী পড়েছে, পিসীমা বলছিলেন ঠাণ্ডা লাগে, একটু সকাল করে আসতে পারলে—

—এর চেয়ে আগে আসা সম্ভব নয়, গুরুদেব বলেন—সাধন-ভজনের শ্রেষ্ঠ সময় হচ্ছে রাত্রি। গৃহস্বাস্থ্যে থেকে অবশ্য কিছুই হয় না।

আরতির এবার ইচ্ছা হইল বলে—এ আশ্রমটা ছাড়িলেই তো পারো—কিন্তু প্রতিবাদ না করিয়া এমনই অনভ্যাস হইয়া গিয়াছে যে, কিছু বলিতে তাহার যেন মন ওঠে না।

আহাৰ্য্যান্তে আরতির শয্যার প্রতি একবার দৃষ্টি পড়িতেই অখিলেশ কহিল—খোকা কই ?

—সে আজ তার কাকার কাছে গুয়েছে।

সন্ন্যাসীর পক্ষে অধিক কথা কওয়া নিষেধ, তাই অখিলেশ আর দ্বিতীয় কথা না কহিয়া আপনার শয্যায় আগাগোড়া কঞ্চল মুড়ি দিয়া শুইয়া পড়িল।

আরতি আলো নিভাইবে, দুয়ার দিবে, আশ্রয় লইবে আপনার একক শয্যায়। শিশুর উষ্ণতা তবু বিছানাটাকে সহনীয় করিয়া রাখে, আজ মনে হইতেছে কে যেন জল ঢালিয়া রাখিয়াছে তাহার শয্যায়—এমনিই হিমেল ঠাণ্ডা।

উভয়ের নিশ্বাস-প্রশ্বাসে ক্রমশঃ ঘরের বায়ুমণ্ডল উত্তপ্ত হইয়া ওঠে, একসময় ঘুম আসেই—হয়তো ঘুমাইয়া উভয়েই স্বপ্ন দেখে মুক্তির।

বিজয় মল্লিক রিলিফ কমিটি গঠন করিতেছে।

বোমায় বাহারা মারা গিয়াছে বা যাইবে তাহাদের দুঃস্থ পরিবারবর্গের সুখ-স্বাচ্ছন্দ্যের ভায় লইবে বিজয় মল্লিক।

তাই বিজয় মল্লিকের স্বাচ্ছন্দ্য ঘুচিয়াছে। বেচারা জন্মদুঃখী। বন্ধ্যায়, মহামারিতে, দুর্ভিক্ষে, ভূমিকম্পে, যত সমস্তার সৃষ্টি হয় বিজয় মল্লিকের মস্তিষ্ক সেই দুঃস্বপ্নগীষ সমস্তার পূর্ণের চেষ্টায় খাটিয়া মরে। যত লোক মারা পড়ে, প্রত্যেকের জন্ত শোকগ্রস্ত হয় তাহার মন।

কিছুদিন আগে পর্যন্ত বিজয় মল্লিকের নাওয়া খাওয়ার অবকাশ ছিল না। বাঁধ-ভাড়া নদীপ্রান্তের মত অকস্মাৎ যে নরদেহধারী প্রেতের দল একটি মাত্র 'মাটির হাঁড়ি'র ভরসায় কলিকাতার রাজপথে জীবনযুদ্ধে নামিয়াছিল, তাহাদের ভাল করিবার দুঃশেষ বেচারার দিন-রাত্তির ঘুম ঘুচিতে বসিয়াছিল।

অকস্মাৎ যে সমস্তার উদ্ভব হইয়াছিল, অকস্মাৎই তাহার অবসান ঘটিল। যুদ্ধের জন্ত নির্ধারিত এমন প্রশস্ত ক্ষেত্র ত্যাগ করিয়া তাহার সহসা ছায়াবাজির মত কোথায় মিলাইয়া গেল, কেন গেল, তাহার সম্যক রহস্যের সন্ধান অজ্ঞাত থাকিতে থাকিতেই পড়িল বোমা।

কলিকাতার লোকের স্নায়ু সবল হইয়া গিয়াছে। বাহারা একদা রেগুনে বোমা পড়ার গল্প শুনিয়া প্রাণভয়ে দিগ্বিদিকে জ্ঞান হারাইয়া ছুটাছুটি করিয়াছিল, তাহারাই এখন ফুলকপি আর ভেটুকী মাছের খলি দোলাইতে দোলাইতে বাজারের মোড়ে দাঁড়াইয়া পাশের বাড়ীতে বোমা পড়ার বিবরণ লইয়া খোশগল্প করে।

শুধু বিজয় মল্লিকের মত বাহারা জন্মদুঃখী তাহাদেরই আবার একটা নূতন অশান্তির সৃষ্টি হইয়াছে।

বোমারূত দুর্ভাগাদের দুঃস্থ স্ত্রীপুত্রের জন্ত বিজয় মল্লিক রিলিফ কমিটি গড়িতেছে।

অমরেশ নিজেই ইচ্ছায় বোগ দেয় না—দেয় বিজয় মল্লিকের তীক্ষ্ণ শ্লেষে, নিদারুণ দিক্কারে। চাঁদার খাতা হাতে লোকের দরজায় দাঁড়াইতে তাহার মাথা কাটা যায়, তবু বিজয় তাহাকে টানিয়া লইয়া বেড়ায়।

এইখানে আছে অমরেশের দুর্বলতা।

সেদিনও বৈকালে অমরেশ তাড়াতাড়ি বাহির হইতেছিল কমিটির মিটিঙের উদ্দেশ্যে, কিন্তু সহসা গলির মোড়ে ধাক্কা খাইতে-খাইতে ঝাঁচিয়া গেল মন্দিরার সঙ্গে।

যোড়ের মাথায় মন্দিরাদের বাড়ী বটে কিন্তু গলির ভিতরে কখনো পদার্পণ করিতে দেখা যায় না তাহাদের—তাই অমরেশ ঈষৎ বিস্মিত হইয়া থমকিয়া দাঁড়াইল।

ভারী অজুতভাবে হাসে মন্দিরা, অকারণ এমন ভঙ্গীতে হাসে, মনে হয় যেন কী এক গ্লেশন রহস্য লুকানো আছে তার হাসির আড়ালে।

হয়তো টুকটুকে ঠোঁটের উপর চাপিয়া ধরা ঈষৎ উচু দাঁত ছাটির জুই এইরূপ দেখায়।

—অমরেশ দা, চিনতে পারছেন না বুঝি ?

—পারবো না কেন, বাঃ।

—বেরিয়ে যাচ্ছেন বুঝি ? আপনাদের বাড়ীই যাচ্ছি।

—আমাদের ভাগ্য। চল।

ছেলেবেলায় যাহাকে ফ্রক পরিয়া ঘুরিয়া বেড়াইতে দেখিয়াছে তাহাকে আপনি বলিতে কেমন আড়ষ্ট লাগে।

—কই জিগেস করলেন না তো কেন যাচ্ছি ?

—প্রশ্নের উত্তর তো আমি নিজেই দিলাম, আমাদের ভাগ্য।

—আপনি বড় বাঞ্ছা কথা বলেন, যাচ্ছি বৌদির সঙ্গে ভাব করতে।

বৌদির কথা মনে পড়িতেই অমরেশ অস্বস্তি বোধ করে, হয়তো বেচারী একখানা-আধ-ময়লা মোটা শাড়ী পরা অবস্থায় রান্নাঘরে বন্ধ আছে, নয়তো পিসীমার কাছে বকুনি খাইতেছে, এমন ফিটফাই কেতাদুরস্ত তরুণীটিকে দেখিয়া আপনার দৈন্তে কতই বিব্রত বোধ করিবে হয়তো।

অমরেশকে বিমনা দেখিয়া মন্দিরা চলিতে চলিতে গতি মন্থর করিয়া কহিল—আপনি বুঝি রাগ করলেন ?

কেন ?

—আপনাদের বাড়ী যাচ্ছি বলে ?

—কী আশ্চর্য্য ! এ কি একটা কথা হ'ল ?

—তবে কথা কইছেন না যে ?

অমরেশ হাসিয়া ওঠে।—আমাদের বাড়ীই তো যাচ্ছো, রান্নাঘর দাঁড়িয়ে কথা কয়ে দরকার ?

যাওয়াটা আপনি এপ্রিসিয়েট করেন কি-না সেটাও দেখা দরকার তো ?

—যাচ্ছো তো বৌদির সঙ্গে ভাব করতে ?

—আপনার সঙ্গে করবো না বলেছি ?

অমরেশের বুঝিতে বিলম্ব হয় না ফ্রক ছাড়িয়া শাড়ী ধরিলেও বড় হইতে ইহার এখনো বাকী আছে। গৃহস্থবরের সুখ দুঃখে মানুষ হওয়া মেয়েরা অবশ্য এ বয়সেই যথেষ্ট পরিপক্ব হইয়া ওঠে, কিন্তু ধনীর ঘরের আদরের ছলানীদের বয়স বাড়ে অপেক্ষাকৃত বিলম্বে।

—আচ্ছা দেখা যাবে মতের পরিবর্তন হতে কতক্ষণ লাগে।

—কেন, আপনি বুঝি কারুর সঙ্গে মিশতে ভালোবাসেন না ?

—বরং উল্টো।

—না না, আপনার সঙ্গে আমার অনেক দরকারি কথা আছে, আগে তো কত যেতেন, এখন আর যান না কেন ?

—কেন, বলতে গেলে অনেক কথা বলতে হয়, কিন্তু দরকারি কথাটা কি শুনি ?

—আপনাদের রিলিফ কমিটির মেম্বর হবো আমি।

—তুমি !

—কেন আমি কি মাহুষ নই ? পরোপকারটা বুঝি ছেলেদেরই একচেটে ? মেয়েদের শরীরে বুঝি দয়াধর্ম থাকতে পারে না ?

—খুব পারে, কিন্তু বাড়ীতে এ্যালাউ করবেন ?

—ইস্!

এই একটিমাত্র সগর্ভ উক্তিতে নিজের প্রতিপত্তির প্রমাণ দিয়া মন্দিরা অমরেশের সন্দেহের নিরসন করিয়া দিল।

বাড়ীর দরজায় আসিয়া পড়িয়াছিল বলিয়া আলোচনা স্থগিত থাকিল। পথ চলিতে চলিতে কোঁতুক আলাপে যে পুলকের আমেজে ভারাক্রান্ত মনটা লঘু হইয়া আসিয়াছিল, বাড়ীর দরজায় আসিয়া তাহা লোপ পাইল অমরেশের।

সহসা মনে হইল বাড়ীটা বড় বেশী জীর্ণ, ভিতরে দৈত্যের ছবি বড় বেশী নয়। নিজেদের এই শ্রীহীন সাজ-সজ্জা যে এতদিন চোখে পড়ে নাই কেন সেইটাই আশ্চর্য লাগে।

উঠানের দেওয়াল ভরিয়া পিসীমা গোবর কুড়াইয়া আনিয়া খুঁটে লাগাইয়াছেন। দালানের আধখানা জুড়িয়া কয়লার গুঁড়ার গুল, পোড়া কয়লা, নারিকেলের ছোবড়া আর ডাবের মালায় ভর্তি। সিঁড়ির দেওয়ালে দড়ি টাঙাইয়া ভিজা কাপড় মেলিয়া দেওয়া হইয়াছে, শোবার ঘরে বস্তাবন্দা করিয়া সংগ্রহ করা আছে চাল, ডাল, আটা—ভবিষ্যতের খোরাক।

এসব পিসীমার রাজ্য, কোন জিনিস এতটুকু এদিক-ওদিক করিবার জো নাই, ঘর বাড়ী সাজাইয়া গুছাইয়া রাখার চেষ্টাকে তিনি খুঁটানীপনা বলিয়া ঘণা করেন।

—আমাদের বাড়ী ঢুকলে বেশীক্ষণ বসবার ইচ্ছে হবে না।

সবল দৃষ্টি তুলিয়া মন্দিরা শাস্চর্য্যে প্রশ্ন করিল—কেন ?

—এত অপরিচ্ছন্ন ! গরীবের ভাঙ্গা কুঁড়ে।

—আচ্ছা বেশ, জানলাম আপনি বিনয়ের অবতার, কিন্তু বৌদি কই ? ও বৌদি, আমি আপনার সঙ্গে ভার করতে এলাম, আর আপনি বেরোচ্ছেন না ?

আরতি নূতন কণ্ঠস্বরে আকৃষ্ট হইয়া বন্ধনশালা হইতে উঁকি মারিতেছিল, ডাক শুনিয়া বাহিরে আসিল। মন্দিরা যে তাহার সম্পূর্ণ অপরিচিত এমন নয়, ছাদে দাঁড়াইলে 'লাল বাড়ী'র অনেক কিছুই দেখা যায়, মাহুষগুলিও প্রায় মুখ চেনা, কিন্তু নিজেদের বাড়ীতে তাহাদেরই এই মেয়েটিকে দেখিয়া সে একটু অবাক হইয়া গেল।

—কি আপনিও বেগে যাচ্ছেন বুঝি ? অমরেশ দা তো রাগ করে কথাই বন্ধ করে দিলেন।

আরতি মুহূর্ত্তে তাহার হাত ধরিয়া কহিল—এমন মুখ্য কেউ আছে নাকি ? খুব আনন্দ হচ্ছে আমার, প্রবীর ঠাকুরপোর ভায়ী তো তুমি ?

—ভাগ্নী হতে যাবো কি দুঃখে? নাতনী—নাতনী। আমার মা হচ্ছেন গিয়ে ভায়া।

—ওঃ তা'হলে তো আমাদের সঙ্গেও সম্পর্কটা খুব মিষ্টি হ'ল।...যাও ঠাকুরপো, ওপরে নিয়ে গিয়ে বসাওগে।

—কেন আপনি?

আমিও যাচ্ছি ভাই, রান্না চাপিয়েছি—ঈশ্বর কৃষ্টিতভাবে উত্তর দেয় আরতি।

—তবে চলুন রান্নাঘরেই বসা যাক, শীতকালে রান্নাঘর বেশ মজার জায়গা। আপনার ঠাকুরপোর সঙ্গে ওপরে গিয়ে বসে থাকতে দায় পড়েছে আমার।

অমরেশ ছদ্ম-গান্ধীধ্বজের স্বরে কহিল—একটা প্রচলিত প্রবাদ আছে, “নদী পার হয়ে নৌকায় লাথি”—কথাটার অন্তর্নিহিত অর্থটা হৃদয়ঙ্গম হচ্ছে।

—আহা আপনি যেন কাণ্ডারী হয়ে আমায় নদী পার করে আনলেন। কোন দিন তো বলেনও নি বেড়াতে আসতে।

আরতি তাহার কোমল হাতখানা চাপিয়া ধরিয়া রান্নাঘরের দিকে যাইতে যাইতে কহিল—আমাদের কি অত সাহস হয়?

—আপনিও ওই ‘টানে’ কথা শুরু করেছেন? তা'হলে কিন্তু পালাবো। আমরা কি বাব-ভালুক? দাদাভাই তো কতদিন আসে, খেয়ে ফেলে বুঝি হালুম করে?

তাহার ছেলেমানুষি ধরনধারণে উভয়ে না হাসিয়া পারে না।

অমরেশ এদিক ওদিক চাহিয়া কহিল—খোকা কোথায় বৌদি?

—পিসীমা নিয়ে বেরিয়েছেন, আসবেন এখনি।

খোকা আসিলে অমরেশ একটু স্বাচ্ছন্দ্য বোধ করিতে পারে, শিশু বড় মাল্লবদের অনেকটা অবলম্বন, চকুলজ্জার আড়াল। একটি শিশুকে কেন্দ্র করিয়া আগাপ আলোচনার পথ সরল হইয়া যায়।

তাছাড়া—দেখাইয়া গর্ব করিবার মত বস্তু যে তাহাদের একটিও আছে তাহা জানাইতে ইচ্ছা হয় বৈকি।

পিসীমার গতিবিধি কোথায় কোথায় তাহা অনেকটা জানা আছে, খোজ নিতে দোষ কি?

—রান্নাঘরে বসলে তোমার কিন্তু ভালো শাড়ীখানা নষ্ট হয়ে যাবে—আরতি অহুযোগ করে।

একখানা ছোট পিঁড়ির উপর চাপিয়া বসিয়া মন্দিরা কহিল—

—ভারী শাড়ী! কিন্তু আপনার ঠাকুরপো চটে মটে গেলেন কোথা?

আরতি স্নেহস্নিগ্ধ স্বরে কহিল—আমার ঠাকুরপো চটবার ছেলে নয়।

দেখা গেল ঠাকুরপো সন্ধ্যা মন্দিরার কোঁতুহল কম নয়।

গল্পে গল্পে এতশীঘ্র দুইটি অসমবয়সী মেয়ের মধ্যে কেমন করিয়া একটা নিবিড় সৌহার্দ্য গড়িয়া উঠিল বলা কঠিন। আরতি যেন দীর্ঘদিনের পর খোলা আকাশের মুখ দেখিয়াছে।

ইহার অভিসন্ধিলেশহীন সহজ কথা, প্রাণখোলা মুক্ত হাসি, সরল পরিহাসের ভঙ্গী, সর্বোপরি মধুর প্রগল্ভ স্বভাব মুহূর্ত্তে আকৃষ্ট করিয়া তোলে।

এ বাড়ীতে সচরাচর আনাগোনা করেন—কুম্ভবালার সখীমণ্ডলী। তাঁহাদের দেখিলে আরতির প্রাণ শুকাইয়া আসে। তাঁহাদের অভ্যর্থনার ক্রটি হওয়াও যতটা নিন্দনীয় ব্যাপার, ততটাই নিন্দনীয় সহজভাবে আলাপ করা।

বৌ মালুৰ লঙ্কা সবমের মাথা খাইয়া গিন্নীদের কথায় যোগ দিবে—এটা কুম্ভবালার অত্যন্ত না-পছন্দ ব্যাপার। উষারাগী আসে মাঝে মাঝে, তাহাকে দেখিলেও হৃৎকম্প হয়, স্পষ্টবস্ত্রের গৌরবরক্ষা করিতে সে বধুর দিক টানিয়া পিসীমার সহিত বচসা করিয়া যায়—তাহার তাল সামলাইতে হয় আরতিকে।

আর আসে মেনকা।

তাহার হাবভাব দৃষ্টিকটু, কথাবার্তা অমার্জিত, পরিহাসের ভঙ্গী অশ্লীল, মোটের মাথায় সম্বয়সী হইলেও মেনকার সখীত্ব বাহুনিয়ও নয়, প্রীতিকরও নয়।

তাই মন্দিরার মত সরল কিশোরীর সঙ্গ আজ আরতির কাছে যেন কোন বিশ্বস্ত সঙ্গতের হাওয়া বহিয়া আনিয়াছে।

খবর পাইয়া খোকাকে লইয়া পিসীমাও যে আসিয়া হাজির হইতে পারেন এটা অমরেশের খেয়াল ছিল না। পিসীমাকে আসিতে দে যেন সে ক্ষুদ্রচিত্তে চলিয়া গেল বিজয় মল্লিকের রিলিফ কমিটির মিটিঙের উদ্দেশে।

অন্যায়ীয়া বয়স্কা মেয়ের সহিত হাঙ্গ-পরিহাস পিসীমার সন্দ্বিদ্ধ চোখে যে কোন্ পূৰ্ণ্যায় পড়ে, সে জ্ঞান অমরেশের আছে বটে, কিন্তু মন্দিরার নাই। সে আপন স্বভাব-ধর্মে সহজ হইতে পারিবে কিন্তু অমরেশের পক্ষে হইয়া উঠিবে কঠিন।

অতএব সরিয়া পড়াই বুদ্ধিমানের কাজ।

ভাবিবে অভঙ্গ? ভাবুক, উপায় কি! আচ্ছা রিলিফ কমিটির প্রস্তাব লইয়া একদিন যাইলে কেমন হয়?

হঠাৎ মন্দিরার চিন্তাটাই বা এত করিয়া মনে আসিতেছে কেন? কত মেয়েই তো আছে পাড়ায়, ছেলেবেলায় কতইতো দেখিয়াছে তাহাকে।

শাজী ধরিলে মেয়েরা যেন নূতন করিয়া জন্মগ্রহণ করে।

পিসীমার কোলে খোকাকে দেখিয়াই মন্দিরা ছুটিয়া আসিয়া টানাটানি শুরু করিল।

—ও মা কী হৃন্দর, কী চমৎকার মিষ্টি খোকাটা! এসো আমার কাছে।

পিসীমা একটু সরিয়া গিয়া তাঁক্ককঁঠে কহিলেন—হ্যাঁ গা বোমা, তুমি তো আর কীটানের মেয়ে নও? রান্নাঘরে জুতো পায়ে দিয়ে ঢুকতে নেই এটুকু শিখে দিতে পারনি?

মন্দিরা অপ্রতিভভাবে তাডাতাড়ি ঘরের বাহিরে আসিয়া দাঁড়াইল।

স্মারতি যেন লঙ্কায় মরিয়া গেল। কথাটা যে তাহার মনে উদয় হয় নাই এমন নয়,

কিন্তু এই স্বদর্শনা সুসজ্জিতা তরুণীটির সম্মুখে ও-কথা উচ্চারণ করিতে তাহার বাধিয়াছে, কিন্তু পিসীমার যে ঘরে পা দিয়াই নজরে পড়িল হইয়া—আশ্চর্য্য !

—তুমি যতীন মুখুজ্যের মেয়ের দৌহিত্রী না ?

মন্দিরা মাথা নাড়িয়া সম্মতি জানাইল ।

—গন্ধাচান করতে যেতে রোজ গাড়ী চড়ে ইন্সুলে যাও দেখি কিনা । বে-খা হয়নি বুঝি এখনে—?

এ প্রশ্নের উত্তর দেওয়া প্রয়োজন আছে কি না বুঝিতে না পারিয়া মন্দিরা নীরব রহিল ।

—যতীন মুখুজ্যের এ পক্ষের বৌ তোমায় পুষ্টি নিয়েছে বুঝি ?

এই শ্রীহীন প্রশ্নে মন্দিরা অবাক হইয়া তাকাইয়া রহিল ।

কৃষ্ণালা আবার স্বগতঃ মন্তব্য করিলেন—সেই যে কথায় বলে না, “কান কাঁদে সোনা বিনে, সোনা কাঁদে কান বিনে—”, ঘরে পয়সার অবধি নেই যতীন মুখুজ্যের, এ পক্ষে দু’দশটা ছেলেপুলে হলে তারা তো খেয়ে পরে বাঁচতো? তা না আকালের ঘরে শূরোরের পাল । তবে অতীন মুখুজ্যের গুচ্ছির আণ্ডাখাচ্চা হয়েছে, না ?

মন্দিরা বিম্বিত দুই চক্ষু মেলিয়া পিসীমার বাক্যানিরত রসনার পানে চাহিয়া রহিল ।

—তুই ভায়ে এক অন্ন ? না ভেঙ্গ হাঁড়ি ?

পিসীমাকে যতই ভয় করুক, তবু এই অভদ্র প্রশ্নের বিরুদ্ধে আঁতড়িত সমস্ত মন বিদ্রোহী হইয়া উঠিল ।

—ও ছেলেমানুষ অত কথা জানে না পিসীমা ।

—কি জানি মা একটা কথারও তো উত্তর পেলাম না, অথচ এতক্ষণ তো মুখে খই ফোটাছিলে দু’জনে, আমায় দেখে বাক্য হ’রে গেল একেবারে ।...যাই অবেলায় আবার চান করে মরি, জুতো পরে ছোঁয়া গেল ।—বলিয়া দুইটি বাক্যহীন তরুণীকে প্রস্তরে পরিণত করিয়া খোকাকে লইয়া প্রশ্রয় করিলেন পিসীমা । খোকার—“মা’ল কাথে দাবো, মা’ল কাথে দাবো,—” শব্দের করুণ আবেদন গ্রাহ্যও করিলেন না তিনি ।

বিজয় মল্লিক তীব্র ভৎসনা করিতেছে অমরেশকে । মিটিং বন্ধ হইয়া আছে, মেঝাররা কেহই আসে নাই—বিজয় মল্লিক একা আর কতদিক সামলাইবে ?

চাঁদা বাহা উঠিয়াছে তাহা উল্লেখ করিতে লজ্জা করে । উচিত হইতেছে পাড়ার ছেলেদের জড় করিয়া চাল, ভাল, পুরানো কাপড় সংগ্রহ করিতে বাহির হওয়া । আবশ্যক খানিকটা লাল সালু, দু’খানা বাধারি আর ভাঙাচোরা একটা হারমোনিয়াম ।

গান বাধিয়া দিবে বিজয় মল্লিক নিজে ।

অমরেশ বাধা দিয়া কহিল - কেপে গেছিস, গান গেয়ে ভিক্ষে করতে বেরোলে গায়ে ধূলা দেবে লোকে । ও-সব কি ভজলোকের কাজ ?

—তবে ভজলোকের কাজটা কি শুনি ? শাড়ীর আঁচল দেখলেই মুচ্ছাঁ যাওয়া ?

এইমাত্র বিলম্বের কৈফিয়ৎ দিতে গিয়া! অসতর্ক অবস্থায় মন্দিরার নামোল্লেখ করিয়া ফেলিয়াছে অমরেশ। ভাবিয়াছিল মনগড়া একটা কারণ দর্শাইয়া দিবে, কিন্তু মিথ্যাকথা কেমন জিবে আটকায়।

বিজয় মল্লিক বাঁজালো গলায় কহিল—যদি বুদ্ধিমান হ'ল তো মেয়েটার সঙ্গে ভাব করে ফেলে ফুলে-ফাসলে মোটা কিছু আদায় করে নে। বড়লোকের যিঙ্গি মেয়ে, চাই কি একখানা গয়নাই খুলে দিতে পারে গা থেকে।

—মতলব নিয়ে ভাব-টাব করতে পারবো না আমি।

—তা' পারবে কেন? ভাবুক চুড়ামণি, প্রেমে পড়গে যাও। কাল যেতে হবে শ্রবীরের বাড়ী, বুড়োতো টাকার কুমীর, কিছু খসানো দরকার।

—যেতে হয় তুই একলা যা।

—কেন তোর কি হ'ল শুনি?

অমরেশ একটু চালাকী করিয়া বিজয় মল্লিকের সেটিমেন্টে আঘাত করে—কেন, বড়লোকের খোসামোদ করতে যাবো কেন? আমরা গরীব, গরীবের মত করেই আমাদের নিরন্ন ভাইবোনদের সাহায্য করবো। করবো আমাদের প্রাণ দিয়ে, মুখের অন্ন দিয়ে পরিধেয় বস্ত্রের আধখানা ছিঁড়ে দিয়ে—ধনীর দরজায় ভিক্ষা নিয়ে নয়।

বিজয় সহসা চমকাইয়া ওঠে, নুতন আলোক চোখে পড়িয়াছে তাহার। অমরেশের পিঠে একটা মুহু আঘাত দিয়া বলে—ঠিক বলেছিস অমরেশ, সত্যিই বটে, এঁা? আমরা আমাদের মুখের অন্ন দিয়ে, পরনের আধখানা দিয়ে গরীবকে বাঁচিয়ে তুলবো—কি বলিস?

—তাই তো বলছি, কিন্তু সাবধান চট করে ছিঁড়ে ফেলিস নি যেন ধুতিখানা। বারো টাকা জোড়া—মনে রাখিস সেটা।

—দূর, অত হিসেব করে কিছু হয় না।

পূর্বের আইডিয়া বাতিল করিয়া নুতন আইডিয়া করিতে থাকে বিজয় মল্লিক।

—কিন্তু তুই বোধ হয় ইচ্ছে করলেই লেকচার দিতে পারিস অমরেশ?

—সকলেই পারে।

—পাগল! ভাব থাকলেও আমার তো ভাষাই যোগায় না মুখে। কিন্তু তোর—মনে হচ্ছে ভাব-ভাষা দুইই আছে। কবিতা টবিতা লিখিস না তো? মানে ওই এখনকার কটমটে ভাষায়? “লাল আকাশ”, “লৌহ দানব”, “মরা শকুন”, আর “ভাগাড়ে গরু” নিয়ে?

- মাথা ধারাপ!—বলিয়া সমস্ত আলোচনার উপর যবনিকা টানিয়া দেয় অমরেশ।

বিজয় করুণা করিতে থাকে...অমরেশ বক্তৃতামঞ্চে দাঁড়াইয়া বাক্যের ঝড় তুলিয়াছে—হাজার হাজার শ্রোতা বক্তার যুক্তির সারবক্তা যুক্ত হইয়া পকেট উজাড় করিয়া ঢালিয়া দিতেছে বিজয় মল্লিকের বৃহৎ বাক্যটির কস্তিত গহ্বরে।...মেয়েরা দিতেছে গলায় হার, হাতের চুড়ি, ব্রোচ, কানপাশা খুলিয়া। দুর্গতের ঘরে ঘরে দুই হাতে দান করিতেছে বিজয় মল্লিক অন্নবস্ত্র, ঔষধপত্র।

হায়, এই স্বপ্ন কি সফল হইবার নহে।

এতই অসম্ভব।

অমরেশ কি বক্তৃতা দিতে রাজী হইবে?

বাহার যতো সামর্থ্য, ব্যয় করিতে সে ততো কুণ্ঠিত হয় কেন?

প্রয়োজনাত্মিক খাণ্ডের সামান্ততম অংশটুকুও দান করিতে বিমুখ হয় মাহুয কোন্ লজ্জায়?

প্রবীর হীম্মার আংটি পরিয়া বেড়ায় কিসের স্বখে?

বিজয় মল্লিকের দৃষ্টি দিয়া সকলে দেখিতে চায় না কেন?

মাহুযের উপর মাহুযের সহানুভূতির অভাব তাহাকে ক্লিষ্ট করিতে থাকে।

আর অমরেশ ভাবিতে থাকে অল্প কথা।...বোমা যদি পড়েই, এ পাড়ায় পড়িলে দোষ কি?...‘বড় বাড়ী’ ‘ছোট বাড়ী’র বিবাদ ঘুচিয়া রাজপথে আসিয়া দাঁড়াইতে হয় সকলকে। ক্ষীণ স্কুমার প্রাণগুলি রক্ষা করিতে বলিষ্ঠের সবল বাহু অগ্রসর হইবার সুযোগ পায়।... কত অসম্ভাব্য ঘটনা ঘটিতে পারে। বিপদের মুখে হৃদয়ের আদান-প্রদান সহজ হইয়া আসে। সহসা থোকর মুখ মনে করিয়া শিহরিয়া ওঠে অমরেশ।

মেনকার চিঠির উত্তর আসে না।

কিন্তু উত্তর আসিবার আশা কি সত্যই আছে?

তবুও মেনকা প্রত্যহ রঙিন কাগজে ‘প্রাণাধীকে’ সন্ধান করিয়া চিঠি লিখিবেই। মেনকার মা জুঁক হইয়া বলে—মরণ আর কি, তোর যেমন গলায় দেবার দড়ি জোটে না মেনি; তাই সেই চামারকে খোশামোদ করে মরিস। পেটে যদি ঠাই দিতে পেরে থাকি, হাঁড়িতেও ঠাই দিতে পারবো।

যেন পেটের ভাত জুটিলেই সকল প্রয়োজন মিটিয়া যাইবে মেনকার।

মেনকার মা আরও বলে—তোর ভাত-কাপড়ের যোগান দিতে পারবো মেনি, চিঠি লেখার খরচ যোগাতে পারবো না।

মেনকা তাই পাড়ার ছেলেদের ধরিয়া চিঠির ঠিকানা লেখায়, আর পোটেজের খরচ দিতে ভুলিয়া গিয়া বলে—চিঠিটা অমনি ডাক বাকসোয় ফেলে দিয়ো না ভাই।...আজও তাই জানলা হইতে অমরেশকে দেখিতে পাইয়া ডাক দেয়—ও অমরেশদা!

অমরেশ জানে মেনকার ডাকিবার কারণ কি। মেনকার এই ব্যর্থ চেষ্টায় চুঃখ হইলেও হাসি আসে অমরেশের। বলে—কি রে মেনি?

—বলছি এই চিঠিখানায় আপিসের ঠিকানা লিখে দেবে অমরেশ দা? কিকে গোলাপী-রঙের খামখানা হাতে লইয়া বাহিরের রোয়াকে আসিয়া দাঁড়ায় মেনকা।

লিখিয়া দিয়া অমরেশ প্রশ্ন করে—চিঠি দিলে উত্তর আসে না তো মিস কেন?

হঠাৎ মেনকা অমরেশের নিত্য সন্মিলনে সন্মিলিত সন্মিলিত আসিয়া ছলছল চোখে অকারণ হৃদয়ে বলে—প্রাণের ভেতর যে বড় ছ-ছ করে অমরেশ দা!

অমরেশ এই গায়েপড়া ভাবটায় অত্যন্ত অস্বস্তি বোধ করে। জন্মাবধি দেখিয়া আসিতেছে মেনিকে, লজ্জা করিবার কিছুই নাই, আপনাব বোনের মতই মনে করা চলে।

কিন্তু মেনকার ধরনধারণ কেমন বিলী। কাছে আসিলেই, সাদা কথাও কয় ফিস্‌ফিস্‌ করিয়া, নিঃশ্বাস ফেলে ক্রমত, চুলে-মাথা সস্তা কেশতলের উগ্র গন্ধটা নাকে আসিয়া গা ঘিনঘিন করে।

—কালো শ্রীরাজ গেল কোথায়?—বলিয়া তাড়াতাড়ি প্রশ্নের পরিবর্তন করে অমরেশ।

—ছোড়া গেছে কয়লার চেষ্টায়—আবার তো দু'টাকা করে মগ হ'ল।

—তাই নাকি? আমাদেরও তো তা'হলে দেখতে হয়—বলিয়া যেন এইমাত্র কয়লাই দেখিতে বাইতেছে অমরেশ, এইভাবে মেনকাদের রোগ্যক হইতে নামিয়া পড়ে।

মেনকা তাড়াতাড়ি বলে—চিঠিটা অমনি নিয়ে যাও না ভাই—ডাকে দিয়ে দিও।

উন্টাইয়া দেখিবার আবশ্যক করে না। অমরেশ ঠিক জানে, স্ট্যাম্প মারা নাই।

অমরেশ চলিয়া গেলে মেনকা ঘরে আসিয়া আরসির সামনে দাঁড়ায়। মাড়ি বার করা বড় বড় উঁচু দাঁতের পাটির উপর হাতটা চাপা দিয়া মুখের উপরের অংশটা ঘুরাইয়া দেখে।

কপালের টিপটা সাবধানে বাদ দিয়া ঝাঁচলে মুখটা মুছিয়া লয়। জ্যালজেলে খোলের রঙিন ডুয়েখানা আবার একবার গুছাইয়া পরে, বহুক্ষণ ধরিয়া আপনাকে নিরীক্ষণ করিতে থাকে।

সাম্মিতে এত ভালো লাগে কেন মেনকার? কেন ভালো লাগে ঠসক-ঠসক করিয়া বারবার আরসির সামনে তার যৌবনকে দেখিতে?

স্বামী নেয় না, তবু বিকাল হইলেই পাতা কাটিয়া চুল বাধিতে ইচ্ছা হয় কেন? রঙিন শাড়ীখানি পরিতে না পাইলে মন ওঠে না কেন? পায়ে আলতা দিয়া কপালে টিপ আর মুখে পাউডার লাগাইয়া ঘুরিয়া বেড়াইতে ভালো লাগে কেন?

বাছিয়া বাছিয়া এই সময়টাই চিঠির ঠিকানা লিখিয়া দিবার জন্ত একে-ওকে ডাকিতে ইচ্ছা হয় কেন? নিজের আচরণের অসামঞ্জস্য নিজের চোখে ধরা পড়ে না মেনকার।

বিবাহের পর মাত্র বৎসর খানেক শশুরঘর করিয়াছিল মেনকা, কিন্তু তাহার পর আজ দেড় বৎসর বাপের বাড়ী পড়িয়া আছে, আর উদ্দেশ্য করে না তাহার। মেনকার মা জামাই বাড়ীর প্রত্যেকের নামে কুঁসা রটাইয়া বেড়ায়, আর উদ্দেশ্যে শাপ শাপান্ত করে।

॥ চার ॥

প্রবীরের লেখার টেবিলের উপর জাঁকিয়া বসিয়া মন্দিরা নিজের বিজয় অভিশানের গাছপূর্ব্বিক বর্ণনা দিয়া, দুই হাত জোড় করিয়া বলে—দোহাই দাদাভাই আর ব্যক্তি। বৌদিকে খুব ভালো লাগলো সত্যি, কিন্তু শ্রীমতী পিনীমা? তাঁর শ্রীচরণে কোটি কোটি প্রণাম সে এক অদ্ভুত চিহ্ন!

—আহা বেচারী বৌদি সারাদিন ওই দুর্দান্ত শাসনের তলায় থাকে!—প্রবীর বলে।

—তা সত্যি—মমতাপূর্ণ কণ্ঠে মন্দিরা সায় দেয়—প্রায় কেঁদেই ফেলেছিল বেচারী।

—পরের ওপর কোন হাত নেই, দেখেছিল মন্দিরা? একজন আর একজনের উপর শত অত্যাচার করছে দেখেও প্রতিকারের উপায় থাকে না।

—চারটি বই পাঠিয়ে দিলে কিন্তু বেশ হয় দাদাভাই! বলছিলেন বই পড়তে পেলে আমি পৃথিবীর কোন দুঃখই গায়ে মাখি না। খুব বই পড়তে ভালবাসেন। ছেলেবেলায় মা মারা গিয়েছিল, বাপের কাছে একলা কাণপুরে মাহুষ হয়েছেন—শুধু বই আর গান নিয়েই থাকতেন।

—গান?

—হ্যাঁ ভাই, মনে হ'ল গান-বাজনা ভালই জানতেন, এখন অবশ্য একেবারেই ভুলে গেছেন বলছিলেন, সেতারের ওয়াডের ওপর দু'ইঞ্চি ধূলো জমেছে। আচ্ছা দাদাভাই, মাহুষ কেন মাহুষকে এত দুঃখ দেয় বলতো?

—সারা জগৎ তো ওই 'কেন'র উত্তরই খুঁজে বেড়াচ্ছে মন্দিরা।

রাধা কি আসিয়া হাঁক দেয়—দিদিমণি, মা বললেন আজকে আপনাকে খাবার তৈরি শেখাবেন, ওপরে চলে আসুন।

—কি খাবার?

রাধা দুই হাত উল্টাইয়া বলে—আমি কেমন করে জানবো গো? মা তো সেই এষ্টোভ জেলে নানানিধি নিয়ে বসেছেন। আমায় বললেন—রাধা, দিদিমণিকে ডেকে দে, আজ কলেজের ছুটি আছে, আমার কাছে বসে খাবার তৈর শিখুক।

চঞ্চলা মন্দিরা লাফাইয়া উঠিয়া বলে—দাদাভাই নেমস্তন্ন রইল।

—কি তুই অখান্ন করে রাখবি, খেতে না পারলে?

—তাই বই কি? সেদিন মাংস রোধে খাওয়াই নি? বড় যে প্রশংসা করা হয়েছিল?

—সেদিন? ওঃ চামচটা একবার ডুবিয়েছিলি বটে—নইলে ঠাকুরই তো—

—ইস্, ঠাকুর তো শুধু মন আর আদা-টাঁদা গোছেয় হিজিবিজি কতকগুলোর মাপ দেখিয়ে দিয়েছিল আর ডেক্টিটা নামিয়েছিল—গরম ডেক্টি নামাতে পারি আমি?

—ডেক্টিটা ঠাকুর নামিয়ে দিয়েছিল আর চাপিয়ে দিয়েছিল, কেমন?

—হঁ।

—বাকীটা সবই তুই রান্না করেছিলি? বাঃ বাঃ বেশ বেশ, খাবারটাও ওই ভাবে সমস্ত তৈরি করে রাখিস, কেমন?

—তুমি আমার ঠাট্টা করছো—হ্যাঁ?

—ঠাট্টা? বলিস্ কি রে?—তুই চক্ষু বিফারিত করিয়া প্রবীর বলে—তোর সঙ্গে কি আমার ঠাট্টার সম্পর্ক? করলেই হ'ল। পাগল আর কি।

মন্দিরা একটা কীল দেখাইয়া ছুটিয়া পালায়।

উপরের দালানে জ্যোতির্ষ্ময়ী দেবী ক্ষীরমোহন আর কড়াইস্‌টির কচুরীর ফুগ মসলা লইয়া গুছাইয়া বসিয়াছেন। মন্দিরা পিছন হইতে দুই হাতে গলা জড়াইয়া পিঠের উপর মুখ ঘষিয়া কহিল—মাগো মা-মাগি, কি বলছো মা।

জ্যোতির্ষ্ময়ী হাসিয়া বলেন—রকম দেখ মেয়ের, বলছি দু'একটা খাবার তৈরি শেখনা।

—কেন মা তুমি তো সব জানো।

—আমি জানলেই তোর কাজ চলবে? বড় হচ্ছি, শিখবি না?

—বা-রে কেবল তুমি আমার বড় করে দিচ্ছ মা,—বড় হচ্ছি সেলাই শেখ, বড় হচ্ছি রান্না শেখ—বড় হয়ে কী চোর দায়ে ধরা পড়েছি বলতো?

—আচ্ছা পাগল মেয়ে, কাজকর্ম না শিখলে তোর দাদামশাই দিদিমা বলবে—মেয়েটিকে আদর দিয়ে শিদি করেছে।

ওদের উল্লেখে ভারী দমিয়া যায় মন্দিরা। জ্যোতির্ষ্ময়ী যে তাহার সত্যকার মা, ছেলেবেলাকার এ ধারণাটা অবশ্য আর নাই, জ্যোতির্ষ্ময়ীর নির্দেশমত তাহার চির অপরিচিত দাদু-দিদা, পিতা মাতাকে চিঠি পত্রও দেয় মাঝে মাঝে, কিন্তু সেটা নিতান্তই বাধ্য হইয়া।

জ্যোতির্ষ্ময়ী জানেন পূর্ণশশী এবার মেঘে ঢাকা পড়িল, তাই সন্নেহে বলেন—তোর বাবা ফে-আসছে শীগগিরি। তা' হাতের রান্না টান্না খাবার-দাবার খাইয়ে দিবি না দু'চারখানা? সার্টিফিকেট আদায় হবে।

—সার্টিফিকেট—আমার কি দরকার? নিরুৎসাহভাবে প্রশ্ন করিয়া মন্দিরা বলে—হ্যাঁ মা, সত্যি না কি?

—কি সত্যি?

—ওই যে কার আসবার কথা বললে।

—ওমা, কার কি রে, তোর বাবা-মার আসবার কথা বলছি যে! মাঝে মাঝে তো আসে ফলকাতায়, কিন্তু কখনো এখানে উঠতে চায় না। সেই কোথায় পিসীর বাড়ী গিয়ে ওঠে। আর এবারে তো প্রায় ছ'সাত বছর পরেই আসছে, কি ভাগ্যি যে চিঠি দিয়েছে এসে দু'চার দিন থাকবে বলে।

অপরিচিত পিতামাতা সম্বন্ধে লেশমাত্র কৌতূহল ছিল না মন্দিরার, বরং একটা অকারণ বিধেব ভাবই ছিল, তাই আগমন সংবাদে উল্লসিত না হইয়া মনমরা ভাবে জ্যোতির্ষ্ময়ীর নির্দেশমত কাজ করিয়া যাইতে লাগিল।

জ্যোতির্ষ্মী অবশ্য প্রবীরের অপেক্ষা কিছু কম দেখেন না মন্দিরাকে, নিজের কল্পা থাকিলে যে আরো অধিক ভালো বাসিতেন এমন কথা নিজের কাছেও স্বীকার করেন না, তবু 'নিজের নয়' এই বোধটুকু ভিতরে পীড়া দেয় বৈকি।

তাই দৌহিত্রী-জামাতার আসার সংকল্পে ঈষৎ চিন্তিত হইয়াছিলেন জ্যোতির্ষ্মী। কলিকাতায় আসিলে অমিয়া অথবা আনন্দময় যে তাঁহার বাড়ী না উঠিয়া দূর সম্পর্কের শিনীর বাড়ী উঠে, এতে তিনি অস্বস্তি বোধ করিলেও খুব বেশী দুঃখিত হ'ন না। তত্ত্বতাবাসের কাপড় জামা প্রস্তুতি-পাঠাইয়াই এ পক্ষের কর্তব্যের ভার লাভব করেন।

লোকে হয়তো বলিতে পারে সতীনের নাতনী নাত-জামাইয়ের উপর কতই আর টান হইবে, কিন্তু বাস্তবিক পক্ষে জ্যোতির্ষ্মীর সে বিধেবোধ ছিল না। যেমন 'বড়' হইয়া এ বাড়ীতে আসিয়াছিলেন, তেমনি স্বামীর আত্মীয়-কুটুম্ব প্রিয়-পরিজন সকলের সঙ্গেই বড়র মত ব্যবহার করিয়া আসিয়াছেন। বয়সে বড় অরুণপ্রভা অনেক বেশী দিন আগে আসিয়াও অর্ধেক আত্মীয়-কুটুম্বের নাম পর্য্যন্ত জানেন না।

শুধু মন্দিরাকে লওয়ার পর হইতেই জ্যোতির্ষ্মীর মনে জন্মিয়াছিল ভয়। এই বুঝি চাহিয়া লয়, এই বুঝি কাড়িয়া লয়। বিধিবদ্ধ ভাবে পোষ্য লইতে ইচ্ছা হয়না—তাঁহার প্রবীর বাঁচিয়া থাক। তাছাড়া ওটা কেমন যেন সেকেলেননা বলিয়া মনে হয়। তবু আজ আনন্দময় আসার নামে ভিতরে ভিতরে একটা বিষাদের স্বর বাজিতেছিল, এখন ভাবিতে-ছিলেন আইনসঙ্গত ভাবে পোষ্য লইলে হয়তো এমন হারাই-হারাই ভাব হইত না। ভাবিলেন, মন্দিরার শিক্ষায় সভ্যতায় আচারে আচরণে এতটুকু খুঁং বাহির করিতে দিবেন না তাহার পিতার কাছে। তাহারা যেন ভাবিতে পারে মেয়েকে বিলাইয়া দিয়া ক্ষতি হয় নাই তাহাদের।

পরমা থাকিলে যে উগ্র আত্মসন্ত্রিতা থাকা স্বাভাবিক, সেইটির অভাব ছিল বলিয়াই জ্যোতির্ষ্মীর এত উদ্বেগ।

নতমুখে কিছুক্ষণ কাজ করিয়া মন্দিরা সহসা উঠিয়া দাঁড়াইয়া কহিল—আর ভাল লাগছে না মা!

—সে কিবে, এই 'পাক'টা শেষ পর্য্যন্ত দেখ্। রসটা গাঢ় হয়ে ক্ষীরমোহনগুলো ক্রমে লালচে হয়ে আসবে—

—ছাই ক্ষীরমোহন—বলিয়া মন্দিরা দ্রুতপদে নীচে নামিয়া গেল।

নীচে প্রবীর শুখনো মন্দিরার পরিত্যক্ত সোফাখানায় বসিয়াছিল। মন্দিরা ছুটিয়া আসিয়া তাহারই একাংশে বসিয়া পড়িয়া কহিল—দাদাভাই চলনা কোথাও বেড়িয়ে আসি।

—কই আমার নেমস্তন্ন? কি সব রান্না করতে গেলি—

—ছাই নেমস্তন্ন। চল বাইরে কোথাও ঘুরে আসি, ভাল লাগছে না বাড়ীটা।

বাহিরে বাইবার ইচ্ছা প্রবীরেরও হইতেছিল, কিন্তু শীতের মধ্যাহ্নের সংকল্পটা কার্ণে পরিণত হইতে না হইতে বেলা পড়িয়া আসিল। সঙ্গে সঙ্গে ইচ্ছাটাও শিথিল হইয়া গেল।

মন্দিরার তাড়ায় উষ্ণিয়া দাঁড়াইয়া কহিল—আমারও তো বাড়ী বসে থাকতে ভাল লাগছে না, লম্বা কোথাও বেড়িয়ে আসলে মন্দ হ'ত না, কিন্তু বেলাপড়ে এল যে, কিরতে রাত হয়ে যাবে না ?

—হোকগে, ভূতে ধরবে না তো। চলো বেলুড় মঠে যাওয়া যাক।

—বেলুড়ে ? এখন ?

—কেন নয় ? সন্ধ্যারতি দেখতে বেশ চমৎকার লাগে !

—বলেছিস মন্দ নয়—আচ্ছা মাকে জিজ্ঞেস করে আয় না যদি যেতে রাজী হুইন।

—না না, মার এখন কুটুধ আসবে, ভীষণ ব্যস্ত। তুমি নিয়ে যাবে কি না তাই বলো ?

—চল্ যাওয়াই যাক।

বলিয়া আলস্য ঝাড়িয়া উষ্ণিয়া পড়ে প্রবীর।

জ্যোতির্ষ্ময়ী বিখিত হুরে কহিলেন—সে কিরে মণি, তোর বাবা আসছে, গাড়ী গেছে ষ্টেশনে, আর এখন বেরোবি ?

—এসেই আমাকে কি দরকার পড়বে শুনি ?—সিক্কের শাড়ীখানা গুছাইয়া পরিতে পরিতে ছুট্ট হাসি হাসিয়া বলে—তোমার সঙ্গে তো সম্বন্ধ ভালোই, কোরো না গল্প টল্প—বলিয়া ছুটিয়া পলায়।

গাড়ীতে ষ্টাট দিবার সময় গলির মুখ হইতে বাহির হইল অমরেশ ও বিজয় মল্লিক। বলা বাহুল্য চাঁদা চাহিতে বাহির হইয়াছে। কাঁচপোকাকার সহিত তেলাপোকাকার মত নিবিড় ঘনিষ্ঠ সম্বন্ধ উভয়ের মধ্যে—অমরেশকে টানিয়া বেড়ায় বিজয় মল্লিক, কিন্তু কাজ যে খুব বেশী অগ্রীম হইতেছে তাহা নয়। তাছাড়া যাহাদের উপকারের চেষ্টায় বিজয় মল্লিকের আহাৰ নিস্ত্রা নাই, তাহারা যে উপকারের প্রত্যাশায় হাঁ করিয়া আছে এমন মনে করিবারও হেতু নাই।

তাহারা অদৃষ্টকে ধিক্কার দেয়, কিন্তু মানিয়া লয়। মানাইয়া লয় আপনাদেরকে অদৃষ্টপূর্ক হুঃখ হুর্দিশার সঙ্গে। যে অবিচারের মৃত্যু আদিরাছে মাহুঘের হাত হইতে, তাহার জন্ত মাহুঘকে তাহারা দায়ী করে না, করে নিয়তিকে।

মাহুঘের কাঁছে তাহারা আশা করে না, করে জুলুম। তাহাদের ভালো কবিবার, মঙ্গল করিবার জন্ত কাহারও মাথাব্যথা পড়িয়াছে এ বিশ্বাস নাই বলিয়াই ক্ষুধার অন্ন, লজ্জার আবরণ ও মাথার আচ্ছাদনের জন্ত লোকের দয়ার উপর জুলুম করিয়া বেড়ায়।

তাই বিজয় মল্লিকের মত আত্মহারা প্রেমিকের কোন মূল্য নাই উহাদের কাছে, বয়ঃ অকারণ মাথাব্যথাকে সন্দেহের চোখেই দেখে তারা।

তবু বিজয় মল্লিকের ছুটাছুটির কামাই নাই।

গাড়ীর ভিতর হইতে মন্দিরা ডাকিল—ও অমরেশ দা, কোথায় চলেছেন ?

অমরেশ ইতস্ততঃ করে, বিজয় মল্লিক পিছন হইতে ঠেলা মারে—অর্থাৎ চল চল নিজের কাজে চল।

অমরেশকে নিরুত্তর দেখিয়া মন্দিরা আবার বলে—কোন দরকারি কাজে না কি? না হয় তো আসুন না আমাদের সঙ্গে, বেড়িয়ে আসা যাক।

দুই জনের মধ্যে বিশেষ করিয়া এক জনকে আহ্বান করার মধ্যে যেটুকু ভদ্রতার অভাব আছে তাহার অল্প বিব্রত বোধ করে প্রবীর, তাড়াতাড়ি বলে—ওকি মন্দিরা, ওর হাতে কাজ র'য়েছে।

—আহা বলছিই তো যদি কাজ না থাকে।

কিংকর্তব্যস্থিগুট অমরেশকে ঠেলিয়া দিয়া বিজয় মল্লিক উপরপড়া হইয়া বলে—হ্যাঁ কাজ আছে বইকি, গরীবের সর্কদাই কাজ। আপনাদের মত গাড়ী চড়ে, হাওয়া খেয়ে বেড়াবার অবস্থা তো সকলের নয়।

অমরেশ আর চূপ করিয়া থাকিতে পারে না, ঈষৎ বিরক্তভাবে বলে—সব সময় ফাইট করিসনে বিজয়, থাম্...তোমরা কোন্ দিকে প্রবীর?

—যেদিকে চু'চলু যায়—প্রবীরের হইয়া উত্তর দেয় মন্দিরা—আচ্ছা থাক, আপনার কাজের ক্ষতি হয়ে যাবে কথা কইলে—আমরা নিষ্কর্মা মানুষ ঘুরে ঘুরে বেড়াই।

মন্দিরা কি সকলের কাছেই মান-অভিমান করিবে নাকি! আচ্ছা এক মেয়ে হইয়াছে, তারি হাসি পায় প্রবীরের। ঈষৎ হান্তে ঠোঁট ঝাঁকাইয়া বলে—ইনি সংসারের অসারত উপলব্ধি করে মঠে আশ্রয় নিতে যাচ্ছেন, বুঝলে অমরেশ? আমি শুধু রথের সারথী।

—আঃ দাদাভাই, আবার লাগছ আমার সঙ্গে?

--লেগেই তো আছি—প্রবীর হাসিয়া ওঠে। বরং তুই-ই হাতছাড়া হয়ে যাচ্ছিস।

—তার যানে?

—মানে, মান-অভিমানের পালা শুরু হয়েছে আর একজনের সঙ্গে।

তুইহাসি হাসিয়া মুছুরে কথা কয়টা উচ্চারণ করে প্রবীর।

সহসা মুখরা মন্দিরা লজ্জায় রাঙা হইয়া চূপ করিয়া যায়, কিছু একটা উত্তর না দেওয়া যে অধিকতর লজ্জার বিষয় এ জ্ঞানটুকু থাকা সত্ত্বেও চট করিয়া উত্তর দিতে পারে না।

ইহার অবসরে—“তোমরা তা'হলে দরকারী কথাগুলো সেবে নাও অমরেশ—আমার কাজ আছে” বলিয়া বিজয় হন হন করিয়া আগাইয়া যায়।

বিজয়ের রূঢ় মস্তব্যাকে অমরেশ ভয় করে—কিন্তু হন্দরী তরুণীর অভিমানক্ষুরিত দৃষ্টির আহ্বান কি জগতের সমস্ত ভয়কে তুচ্ছ করিতে শেখায় না? তাছাড়া অভ্যন্তর মত কথার মাঝখানে চলিয়া যাওয়াই বা কেমন দেখায়?

মন্দিরা গম্ভীর হইবার চেষ্টা করিতে করিতে বলে—যান আপনার বন্ধু রাগ করে চলে গেলেন—

—রাগ কিসের? পাগল না কি, ও অমনি ব্যস্তবাগীশ, জগতের লোকের অশান্তির চিন্তায় নিজের শান্তি হারিয়ে ঘুরে বেড়াচ্ছে।

—ও উনিই বুঝি সেই ত্রিলোক কমিটার।

—হ্যাঁ তারই একটা কাজে যাচ্ছিলাম একটু।

—তাই নাকি?—অনুতপ্তভাবে মন্দিরা বলে—তা'হলে তোষথার্থই কাজের ক্ষতি করলাম, যান যান।...কিন্তু কই আমাকে তো আপনাদের মেসার করে নিলেন না? চলুন কোথায় আপনাদের কি হচ্ছে দেখে আসি।

প্রবীর ষ্টিয়ারিং হুইলে আঙুলের টোকায় তাল দিয়া গুনগুন বরিয়্যা গান গাইতেছিল, আর মাঝে মাঝে মুছ হাসিতেছিল। মন্দিরা পিছন হইতে তাহার মাথায় ঠেলা দিয়া কহিল— দাদাভাই, শুনছো আজ আর বেলুড় মঠ হ'ল না বোধ হয়।

—জানতাম হবে না!

—জানতে? কি করে শুনি?

—ঈশ্বর আমার বাড়তি দুটো চোখ দিয়ে ফেলেছিলেন কি না—ভবিষ্যৎটা পরিষ্কার দেখতে পাই।

—পাও তো বেশ করো। চলোনা দাদাভাই, আমরাও অমবেশ দা'দের...কি নাম আপনাদের সমিতির?

—নাম? 'আর্জুত্রাণ সমিতি' গোছের কি একটা লম্বা চওড়া আছে যেন।

—ঠাট্টা করবার কি আছে? চল দাদাভাই, আমরাও দলে নাম লেখাই গে, তবু কাজ করবার সুযোগ পাবো। সত্যি, শুধু বেড়ানো আর ঘুমানো ছাড়া কি বা করছি আমরা?

—যার যেটুকু ক্ষমতা তার বেশী সে কি করবে?—প্রবীর অভিমত ব্যক্ত করে।

—বলতে চাও কিছু কাজ করবার ক্ষমতা নেই আমাদের?

—আমার তো তাই ধারণা।

—তোমার ধারণা নিয়ে তুমি থাকো।...অমরেশদা, আমি আপনাদের দলে।—বলিয়া গাড়া হইতে নামিয়া পড়ে মন্দিরা।

—যাক এতদিনে দেশের দুর্দশা ঘুচলো আশা হচ্ছে।—বলিয়া প্রবীর গাড়ীখানা গ্যারেজে তুলিতে যায়।

'আর্জুত্রাণ সমিতি'র কার্যালয় বলিতে বিজয় মল্লিকের একতলার ঘরখানা, আর ছারপোকা বহুল একখানা বড় চৌকি। সে ঘর অবশ্য প্রবীর চেনে, যাইতে গাড়ীর প্রয়োজন হয় না। মন্দিরাকে নিবৃত্ত করিতে চাহিলে ফল ফলিবে উল্টা জানা কথা—কারণ তাহার ক্ষেদি স্বভাবের পরিচয় প্রবীরের চাইতে বেশী কে জানে? অতএব সে ভাবিল—দাস্তানাটা দেখাইয়া আনি, সখ মিটুক।

বিজয় মল্লিক রাগ করিয়া বাজী ফিরিয়া আসিয়াছিল, সহসা উহাদের এই অভূতপূর্ব আবির্ভাবে খবাক হইয়া গেল।

কিন্তু মন্দিয়ার সদা-সপ্রতিভ রসনা কাহাকেও চূপ থাকিতে দেয় না।

—খুব রাগ করে চলে এলেন তো? আমি কিন্তু আপনায়—'আর্জুত্রাণ সমিতি'র একজন সভ্য হতে এলাম। আজ থেকে আমাকেও আপনাদের কাজের অংশ বহন করতে দেবেন।

—যথা, ভয়ান্তকে ভৱসা দান, সুখান্তকে খাঞ্চ দান, তৃষ্ণান্তকে জল দান, কি বলিঃ ? শেষেরটা থেকেই বুঝি স্কন্ধ ?

প্ৰবীৰের টিপ্পনীতে জ্ঞানিয়া উঠিয়া মন্দিরা কহিল—দেখ দাদাভাই, সব কিছুই হেঙ্গে উড়িয়ে দেবার কোন মানে হয় না। তোমার যদি নষ্ট করবার মত সময় হাতে না থাকে, তুমি বাড়ী চলে যেতে পারো, এটুকু পথ আমি অনায়াসে যেতে পারবো।

—অৰ্থাৎ নষ্ট করবার মত সময় তোমার অজ্ঞান আছে ?

—হ্যাঁ আছে, একশোবার আছে।...কই অমরেশ দা, আপনাদের খাতাপত্র বায় ককন। পরে দেখবেন মেয়েদের আপনারা যত বাজে ভাবেন, ততো বাজে তারা নয়।

—আমি করনো বাজে মনে করি না।—অমরেশ উত্তর করে।

—কিন্তু আমি করি, মেয়েদের দ্বারা কিছু হয় এ বিশ্বাস আমার নেই।

বিজয় মল্লিকের এই রূঢ় মন্তব্যে যুগপৎ সকলেই বিস্মিত হইল, শুধু প্ৰবীৰ স্বাভাবিক পরিহাস শ্ৰিয়তার গুণে কথার রূঢ়তা উড়াইয়া দিয়া কহিল—যাক্ আমার দলে তা'হলে একজনও আছে ? ঠিক আমারও তাই মত।

মন্দিরা ভীক্ষুস্বরে কহিল—কেন মেয়েরা কিছু বড় কাজ করতে পারেনি, না করেনি ?

প্ৰবীৰ গম্ভীরস্বরে মাথা নাড়িয়া কহিল—কেউ পারেনি এটা বলতে চাইনে—কিন্তু পার্দের্টেজ কবলে তার সংখ্যা এতই নগণ্য যে সেটা ধৰ্ত্তব্যের মধ্যেই নয়।

—সেটা মেয়েদের স্বযোগের অভাব।

মন্দিরাকে উত্তেজিত হইতে দেখিলেই যে প্ৰবীৰের হাসি চাপা দায় হইয়া ওঠে, এও এক বিপদ। তবু কষ্টে সে হাসি চাপিয়া বলে—ওরে একটা প্ৰবাদ আছে জানিস—প্ৰতিভা কখনো স্বযোগের মুখ চেয়ে বসে থাকে না।

—প্ৰবাদের কথা ছেড়ে দাও—স্বযোগের দাম আছে বইকি ! রবি বাবু যদি ঠাকুর বাড়ীর মত ঘরে না জন্মাতেন—

প্ৰবীৰ বাধা দিয়া বলে—যাক্ ও তুলনা টের শুনেছি, কিন্তু আর একটা জিনিস ভেবে দেখেছ কখনো যে, ঠাকুর বাড়ীতেও মেয়েদের অভাব ছিল না ? কম্প্যাৰ্টেটিভ্‌লি ঠাঁরা হয়তো তোমার-আমার ঘরের মেয়েদের চাইতেও অনেকটা এগিয়ে গেছেন—তবু নক্ষত্র নক্ষত্রই, সূৰ্য্য নয়।

মন্দিরা চটপট একটা লাগসই উত্তর না পাইয়া অপেক্ষাকৃত দুৰ্কল ভাবে বলে—আচ্ছা সকালেও তো অনেক মেয়ে—

—যথা, গাৰ্গী, মৈত্ৰেয়ী, খনা, লীলাবতী, এই তো ? 'ও সব শুনতে শুনতে কান ঝাঁঝরা হয়ে গেছে, তবু বিচার বিবেচনা করে দেখলেই বুঝতে পারি, অভাব আছে বলেই মেয়েদের গুণপনার পরিচয় দিতে দু'হাজাৰ বছর আগের নজীর হাতড়াতে হয়। মেয়েদের হাত পা-গুলো না হয় পুকুয়রা বেধে বেধে দিয়েছে, কিন্তু মগজটা তো আর কেউ আয়রণ চেটে তুলে রাখেনি ? মেয়েদের মধ্যে একটা চণ্ডীদাস, বিজ্ঞাপতির আবির্ভাব ঘটেছে কোনদিন ?

মন্দিরা আর কিছু উত্তর দিবার পূর্বেই অমরেশ হাসিয়া কহিল—তোরা সারাদিন এক বাড়ীতে বাস করিস প্রবীর ?

মন্দিরা দীপ্ত দুইটি চোখ অমরেশের দৃষ্টির সম্মুখে তুলিয়া ধরিয়া কহিল—সারাদিন বগড়া করি এই বলছেন তো ?

—বলিনি কিছু, শুধু অল্পমান করছি।

—বগড়া না হলে বুঝতে হবে—সেদিন শ্রীমতীর স্বাস্থ্য ভাল নেই, বুঝলে অমরেশ।—প্রবীর হাসিতে হাসিতে বলিল।

—সর্বনাশ!—মন্দিরার কান বাঁচাইয়া অমরেশ মৃদুস্বরে কহিল—অভ্যাসটি তো সাংঘাতিক ধারণা করে রাখছ হে, ভবিষ্যতে যিনি ভুগবেন, তাঁর অবস্থাটা ভেবে দেখেছ ?

—ভেবে আর কি করবো, যার যা ভাগ্য! কিন্তু কই তোমাদের সমিতির খাতাপত্রর কিছু আছে, না কি তাও নেই ?

বিজয় মল্লিক গম্ভীর ভাবে বলে—কাগজে কলমে কাজ আমরা করি না, যা করি হাতে-কলমেই করি। চাঁদার খাতা অবশ্য আছে একটা, কিন্তু বড়লোকের দয়ার দান আমরা নিতে ইচ্ছুক নই।

কথা বলে বিজয়, কিন্তু বিরত হইয়া উঠে অমরেশ। কথা চাপা দিবার জন্ত বলে—কিন্তু শুধু তোমার-আমার দয়ার দানে তো গরীবের পেট ভরবে না বিজয়, তাছাড়া ইনি তোমার সমিতির মেসার হতে চান, ভেবে দেখ এতে সুবিধেও কত। ধর গরীবের ঘরে ঘরে চুকে, তাদের মেয়েদের সঙ্গে কথা কয়ে, তাদের সুখ-দুঃখের ইতিহাস সংগ্রহ করে আনা মেয়েদের দ্বারা যত সহজে হতে পারবে, তেমনি আমাদের দিয়ে হবে কি ?

মন্দিরা অভিমানস্কন্ধ কণ্ঠে কহিল—থাক অমরেশ দা, আপনাকে আর আমার হয়ে সুপারিশ করতে হবে না। উনি সমিতির কর্তা, গুঁর যখন ধারণা বাঞ্চে লোক চুকিয়ে কাজ হবে না, তখন আর বলবার কি আছে! আমরা অকর্ণা, আমরা রাবিশ, আমরা ঢেঁকি, সেই ভাল।

এবার বিজয়ও হাসিয়া উঠে। অপ্রতিভ ভাবে বলে—এই দেখুন আপনি রেগে যাচ্ছেন। মানে আমি বলতে চাচ্ছি—অর্থাৎ আমার বক্তব্য—আমরা যতটা কষ্টসহিষ্ণু আপনারা ততটা—

—নাই বা হ'ল, কিন্তু কাজেরও তো ডিভিশান আছে ? তাছাড়া 'আহা উহ' 'বেচারী অবলা' শুনে শুনেই আমাদের হাত-পা বুদ্ধিবৃত্তি সব পঙ্গু হয়ে গেছে জানেন ?

ইতিমধ্যে আরো জনকয়েকের আবির্ভাব ঘটয়াছিল। সাধারণতঃ এ সময়টা সমিতির ঘরে তালা দেওয়া থাকে, অসময়ে আলো ও মহুগ্ন কণ্ঠস্বরে আকৃষ্ট হইয়া উঁকি দিতে আসিয়া চুকিয়া পড়িয়াছে গুটি গুটি।

সময়ও আসিয়াছিল, তবে সাধারণতঃ সে রসিতে চাহে না, দাঁড়াইয়া কথা কহিতেই ভালবাসে, তাই দরজার বাহিরে পায়চারি করিয়া বেড়াইতেছিল। মন্দিরার কথাটা শেষ

হইতেই ভিতরে ঢুকিয়া কহিল—আশা করি আপনার কথার উত্তরে দু'একটা কথা বললে আপত্তি করবেন না।

—না।

মন্দিরা একটু আশ্চর্য হইয়া চাহিয়া থাকে।

—বললেন তো বড় বড় কথা, কিন্তু আজকের দিনে শিক্ষা দীক্ষার সুযোগ সুবিধে কোনোটাই তো পুরুষের চেয়ে কম পাচ্ছে না মেয়েরা, তার প্রতিদান কই? লম্বা লম্বা ডিগ্রিই নিচ্ছে অথচ দিচ্ছে কি দেশকে? দু'জন মেয়ে একত্র হলেই কি আলোচনা করবে জানেন? লেস আর ফিতে, জরি আর জর্জেট—তা সে রান্নাঘরেই হোক, আর ডুইংরুমেই হোক। ডক্টরেট পেয়েছেন এমন এক ভদ্রমহিলা লেকচার দিচ্ছেন—ভারতের ঐতিহ্য আর কৃষ্টির ইতিহাসের, তাঁর পরিধানে অর্গ্যাণ্ডি শাড়ী আর নেটের ব্লাউজ, হাতে ঢুকিয়েছেন ডজন দুই কাঁচের চুড়ি আর মুখের সজ্জায় কাঙ্কল এবং লিপষ্টিকের শ্রদ্ধ! কি বলেন একে? —একটা মেয়েকে যদি সারা পৃথিবী ঘুরিয়ে আনেন, সে শিখে আসবে কি—না কোন দেশের মেয়েরা কি ভাবে নিজেদেরকে পুরুষের চোখে অধিকতর এট্রাক্টিভ করে তুলছে তারই কৌশল। অস্বীকার করুন, বলুন সত্যি নয়?

অমরেশ বিরক্ত ভাবে বলে—কি বাজে বক'ছিস সময়, স্থান-কাল-পাত্র বলে একটা জিনিস আছে, সে জ্ঞানটা হারিয়েছিস?

মন্দিরা আরক্ত মুখে বলে—বলেছেন হয়তো ঠিকই, কিন্তু এটা হচ্ছে অনেক যুগের অলসতার ফল। একদিন হয়ত পুরুষের সঙ্গে সমান ভাবে বাস্তবের রুট ক্ষেত্রে খাটতে খাটতে তার নিজের চোখের কাঙ্কল আর পুরুষের চোখের মোহ দুইই মুছে যাবে।

প্রবীর ছদ্ম গাভীর্ষ্যে দুই হাত কপালে ঠেকাইয়া ধীরে ধীরে বলে—দেখুন ককন সে একদিনটা আমার জীবদ্দশায় না আসে। উঃ কী ভয়াবহ সেই দিন!...কিন্তু তুমি এক বন্ধ কর সময়, লড়াইয়ে যাও, সেটাই তোমার উপযুক্ত বিচরণক্ষেত্র। এতখানি স্পিরিট নষ্ট হতে দেওয়া ঠিক নয়।

—লড়াইয়ে যেতাম, যদি এই হতভাগা দেশটাকে উচ্ছেদ করবার সুযোগ পেতাম। এই বিজয়ের 'অর্ন্ত্রাণ'! শুনলে হাসি পায়! সারা দেশটা মরে পচে গন্ধ বেরুচ্ছে—এক মুঠো খুদ নিয়ে ত্রাণ করতে এসেছিস কা'কে? দুটো দুটো ভাত খাইয়ে কোন রকমে দেহ পিঞ্জরের প্রাণপাখীটাকে আটকে রেখে লাভটা কি? একে কি বাঁচা বলে? ফুটপাতে পড়ে মরছে?—মরুক না! বাদ্যের মরবার সময়ে ফুটপাত ছাড়া আর কিছু জ্বোটেনি, তাদের মরায় উচিত। তোমার বাজীর আঁস্তাকুড়ে একটু ঠাই দিয়ে, আর তোমার নন্দমায় ফেলে দেওয়া একটু ম্যান খাইয়ে তাকে বাঁচিয়ে রাখবে কেন তুমি? কি রাইট আছে তোমার খোদার গুণ খোদকারী করার? দুটো আঁতস বাজীর আঁগুনে ক'টা হতভাগার লীলাখেলা শেষ হয়েছে, তা'তেই একেবারে বিগলিত দরদে গদ গদ হয়ে উঠেছে? লজ্জা করে না? সমস্ত দেশটা যেদিন দাঁউ দাঁউ করে জ্বলবে, সেই দিনই আমার শাস্তি হবে, তার আগে নয়।

সময়ের কথা হুটায় মন্দির নীরব হইয়া গিয়াছিল, প্রবীর কণ্ঠস্বরে চিন্তার স্বর আনিয়া কহিল—সময়, তুমি মাথায় মাথতে কি তেল ব্যবহার কর ?

—কেন ? যা পাই। হঠাৎ ?

—মানে—আমি বলছিলাম কাঁচা তিলের তেলটা ভালো জিনিস, নিয়মিত ব্যবহার করে দেখতে পারো। অর্থাৎ দেশের সেই চরম স্বথের দিনটা আসা পর্যন্ত মাথাটাকে বাঁচিয়ে রাখতে হবে তো ? ওটাই আবার কোন দিন না দাউ দাউ করে জলে ওঠে তাই ভাবছি।

—তোমার মত নাদুগোপালের উপযুক্ত কথাই হয়েছে—বলিয়া কপাটটা সশব্দে ধাক্কা দিয়া ঠেলিয়া পথে নামিয়া পড়ে সময়।

পরিস্ফাশ এবং উপহাসের মধ্যকার সূক্ষ্ম প্রভেদটুকু বুঝিবার মত বুদ্ধি সকলের থাকে না। সময় ইহাদেরই দলে।

অবশ্য বিনা প্রতিবাদে দাদাভাইয়ের এমন অপমান সহিয়া যাওয়া মন্দিরার পক্ষে কষ্টকর। সময়ের অভাবে সময়ের বন্ধুবর্গকেই সে দেখিয়া লয়।

ক্রমশঃ তর্ক পূর্ব্ব খাতে ফিরিয়া আসে, মন্দিরার সারালো এবং ধারালো যুক্তির মুখে বিজয় মল্লিকের পূর্ব্ব কথা ভাসিয়া যায়, ভাবুক বিজয় আবার হুতন আলোক দেখে, নারীই পুরুষের কর্ণের প্রেরণা, শক্তির উৎস, শ্রান্তির ঔষধ, এই সহজ কথাটা এতদিন উপলব্ধি করে নাই কেন এই ভাবিয়া আপশোষ আর উৎসাহে হাঁফাইয়া উঠে একেবারে।

তর্কে তর্কে যথেষ্ট রাত্রি হইয়া গিয়াছিল, প্রবীর এইবার উঠিয়া পড়িয়া বলে—আচ্ছা আজ তা'হলে ওঠা থাক, ঈশ্বরের ইচ্ছায় কাছে পিঠে ছুঁচারটা বোমা পড়ে রাতারাতি, তা'হলে মেয়েদের 'অফুরন্ত কর্মশক্তি আর কোমল হৃদয়বৃত্তির' আসল নমুনাটা চট করে দেখে ফেলা যায়।

—বলা বাহুল্য মন্দিরারই ভাষার নমুনা এটা।

অমরেশও সঙ্গে সঙ্গে উঠিয়া পড়িতেছিল, বিজয় তাহাকে টানিয়া বসাইল, আরো অনেক কিছু আলোচনা করিবার আছে তাহার। অগত্যা বাধ্য হইয়া অমরেশকে বসিয়া পড়িতেই হয়। মন্দিরা দুই হাত তুলিয়া নমস্কার করিয়া কহিল—বিজয় বাবু চললাম, কিছু মনে করবেন না।...অমরেশ দাঁ, বোর্দিকে আমার প্রণাম দেবেন—আর আপনি নেবেন নমস্কার।

তাহারা দু'জনে পথে নামিতেই পিছন হইতে বিজয় একটা টর্ক ধরিয়া আলো দেখাইল। রাত্রি সত্যই বেশী হইয়া গিয়াছিল।

পথে বাহির হইয়া প্রবীর বলিল—কি গো মহাশয়া, ভক্তি যে একেবারে উথলে উঠলো দেখছি ?

—অভক্তি হবারও কোনো কারণ নেই। ছোট থেকেই বড় হয় জিনিস, হঠাৎ একটা বড় কিছু গঞ্জিয়ে ওঠে না।

—ওঠে বৈ কি।

—কি ?

—হাতীৰ ডিম এবং তোমাৰ মগজ।

ইহাৰ পৰ মন্দিৰাকে কথা বলানো দুঃসাধ্য হইয়া পড়ে, এবং যদি বা এতক্ষণ সংকল্প শিখিল ছিল, এখন মনে মনে প্ৰতিজ্ঞাই কৰিয়া বসে, সমিতির উন্নতিকল্পে যথাসাধ্য সে কৰিবেই।

বলা বাহুল্য, বাড়ীৰ কথা—পিতাৰ আসিবাৰ কথা, কিছুই মনে ছিল না তাহাৰ।

কিন্তু বাড়ীতে তখন বিপৰীত আৰহাওয়া বহিতেছিল।

আনন্দময় আসিয়াছেন, যতীন মুখ্জ্যো তাঁহাকে সঙ্গে লইয়া অন্দরে আসিয়াছেন। উপস্থিত আপ্যায়ন, সময়োচিত ভোজন, কুশল প্ৰশ্নের বিনিময় ইত্যাদি যথারীতি শেষ হইয়াছে—ভঙ্গলোক এখন কন্ঠাকে দেখিবার আশায় উৎসুক, আগ্ৰহান্বিত, ব্যস্ত, ইত্যাদির অবস্থা অতিক্ৰম কৰিয়া শেষ পৰ্য্যন্ত বিরক্তির পৰ্য্যয়ে আসিয়াছেন।

কিন্তু কন্ঠাৰ দেখা নাই।

না শ্ৰবীৰ, না মন্দিৰা। কাহাৰও চুলের টিকিটি পৰ্য্যন্ত না দেখিয়া জ্যোতিৰ্ময়ীও স্থির নাই। বেড়াইতে যাইব বলিয়া বাহির হইয়াছে অথচ গাড়ী পড়িয়া আছে নাকি গ্যারেজে। কি প্ৰয়োজনে গেল, কোথায় গেল, কখনইবা আসিবে, এই সহজ ও সরল প্ৰশ্ন তিনটির সহস্ৰ দিতে স্নাতিকৃত বেগ পাইতে হইতেছে তাঁহাকে। এবং তাহাৰই ঝাল ঝাড়িতে স্বামীৰ দরবারে আসিয়া হাজির হন তিনি।

যতীন মুখ্জ্যো আলবোলাৰ নলটা মুখ হইতে সরাইয়া কহিলেন—বললে তুমি যেনে ঘাবে ছোটরাণী, কিন্তু শাসন একটু থাকা দরকার বই কি,—শাসন থাকা দরকার। তোমাৰ যে ছেলেমেয়ের ওপৰ দাব নেই একেবারে।

অভিমান ভয়া কৰ্ণে জ্যোতিৰ্ময়ী কহিলেন—শাসনটা তুমি কয়লেই পাবো। আমি এটা করতেও পারি না, সহিতেও পারি না।

যতীন মুখ্জ্যো বাঁধানো দাঁতে হা হা শব্দে হাসিয়া উঠিয়া কহিলেন—সে কথা একশো-বার, ওই তো চোখে জল এসে গেছে। ছি ছি, আচ্ছা পাগল তো! এসো এসো, কাছে এসো।

—কেন, বেশ আছি।

অদূৰে একখানা চেয়ার দখল কৰিয়া বসিয়াছিলেন জ্যোতিৰ্ময়ী।

—না বেশ নেই, এসো। কেন বুড়ো মানুষকে ওঠাবে?

—কে বলেছে উঠতে।

—বলেছে? বলেছে—ওই দুটি ছল ছল চাউনি, ওই রাজা রাজা মুখটি।

—হয়েছে, বুড়ো বয়সে আর বাজে বোকা না বেশী।

—বুড়ো আর হতে দিলে কই ছোটরাণী! তোমাৰ দেখলেই তো আমাৰ পঁচিশ বছর বয়স কমে যায়।

—দেখো ঘেন বার বার দেখোনা, কমতে কমতে শেষে কোথায় গিয়ে ঠেকবে কে জানে—
বলিয়া ঘরের বাহির হইয়া যান জ্যোতির্ষ্ময়ী।

—বুড়োকে ভাসিয়ে দিয়ে কোথায় চললে ?

—যুবোর কাছে, বলিয়া মুচকি হাসিয়া প্রশ্নান করেন জ্যোতির্ষ্ময়ী।

নাভজামাই একাকী বলিয়া আছে ভাবিয়া তাঁহার স্বস্তি ছিল না।

কিন্তু আনন্দময় একা ছিলেন না, কাছে ছিলেন অরুণপ্রভা। বিরাট দেহভার বহিয়া তিনি এ অঞ্চলে বড় একটা আসেন না, কোন যক্ষ মনোবৃত্তির প্রেরণায় মেদবহুল শরীরটাকে এতটা নাড়া চাড়া করিয়াছেন সেটা প্রণিধান যোগ্য।

সেইমাত্র পূর্বকথার জের টানিয়া বক্তব্য শেষ করিলেন—তোমরা ভাই পল্লীগ্রামের মানুষ, তোমাদের কথা বাদই দাও, আমাদের চোখেই এসব বোঝাড়াপনা কটু ঠেকে! ইয়া শিক্ষা দেখতে চাও তো দেখগে আমার ঘরে! নিজের মুখে বললে গৌরব করা হয়, ছেলে মেয়েদের সায়েস্তা করতে হয় কেমন করে আমার কাছে শিখে যাওয়া উচিত লোকের।

আনন্দময় গম্ভীরভাবে মাথা নাড়িয়া সায় দিতেছিলেন।

বস্তুত: আনন্দময়কে দেখিয়া আনন্দের উদয় হইবার কোনই কারণ নাই, কিন্তু নামের সার্থকতা কয়জনেরই বা থাকে! সমান করিয়া ছাঁটা ছোট ছোট চুলের নীচে পেশীবহুল নীরস মুখ, চোখের দৃষ্টি রুদ্ধ রুঢ়। আঁটসাঁট বেঁটেখাটো গড়ন, শুধু রংটা ধবধবে ফরসা বলিয়াই বিশ্রী বলা চলে না। কিন্তু দেখিলে কাছে ঘেঁষিবার সখ বড় একটা হয় না।

জ্যোতির্ষ্ময়ী অবশ্য ইহাকে সঙ্গী হিসাবে বাঞ্ছনীয় বলিয়া আসেন নাই, আসিয়াছিলেন নিতান্তই কর্তব্যের তাগিদে। তবে অরুণপ্রভাকে আসর জমাইয়া রাখিতে দেখিয়া বুঝিলেন, না আসিলেও ক্ষতি ছিল না। এখন অবশ্য চলিয়া যাওয়া যায় না, কাজেই মৌখিক, হৃদয় টানিয়া কহিলেন—ছোড়দি যে আগে থেকেই নাভজামাইকে দখল করে বসে আছো দেখছি!

—দখল করা-করি আর কি বল? দেখলাম একলা বসে রয়েছে বেচারী- পল্লীগ্রামের লোক এ-অঞ্চলের ধরন-ধারণ দেখে আশ্চর্য্য হয়ে যাচ্ছে, তাই দুটো কথা কইছিলাম। যাক যাচ্ছি—নষ্ট করবার মত সময় আমারও বেশী নেই।

টানাসুরে কথা কয়টি উচ্চারণ করিয়া অরুণপ্রভা চক্ষুসজ্জার মাথায় পদাঘাত করিয়া জ্যোতির্ষ্ময়ীর মুখের সামনেই উঠিয়া যান বিপুল দেহখানি টানিয়া!

—আশ্চর্য্য হবার বিষয় কি দেখলে বলতো ভাই?

সোৎস্বকে প্রশ্ন করেন জ্যোতির্ষ্ময়ী।

—আমরা গরীব মানুষ, আমাদের চোখে আপনাদের বড়মানুষী কায়দা—বুঝলেন কিনা, সবই আশ্চর্য্য ঠেকে। এই যে আপনারা আপ-টু-ডেট ছেলে-মেয়ে তৈরী করছেন, আমাদের অঞ্চলে—বুঝলেন কিনা, বয়স্থা মেয়েকে সহোদর ভাইয়ের সঙ্গে এক প্রহর রাত অবধি বাইরে হাওয়া খেতে ছেড়ে দেবার রেওয়াজ নেই।

কথাটার অপমানকর ইঙ্গিতে সর্বাঙ্গ জলিয়া গেলেও জ্যোতির্ষ্মরী ঠোঁটের হাসি বজায় রাখিয়া কহিলেন—ওইখানেই তো মজা, কেউ বা কুয়োর ভেতরটাই সারা জগৎ মনে করে সুখে কাল কাটায়, কারোর বা পৃথিবীখানাতেও কুলোয় না, আকাশে উড়তে চায়।

জ্যোতির্ষ্মরীর শ্লেষাত্মক বাক্যের প্রচ্ছন্ন মর্ষ উপলব্ধি করিয়া আনন্দময়ও জলিলেন, এবং তাহারই প্রতিক্রিয়া স্বরূপ সহসা উঠিয়া দাঁড়াইয়া কহিলেন—তা যা বলেছেন, আমাদের হচ্ছে সেই কুপমণ্ডুকের দশা, উড়তে শিখলে বোধহয় ভালই হ'ত, শহরে এসে সমাজে কঠে পেতাম।...অচ্ছা প্রণাম হই।

জ্যোতির্ষ্মরী দ্রব্ণ শব্দিত ভাবে কহিলেন—সে কি প্রণাম কিসের, চলে যাচ্ছো না কি ?
—আজ্ঞে হ্যাঁ।

—না না, তাই কখনো হয় নাকি ? বললে যে থাকবে দু'দিন ?

—ভেবে দেখলাম না থাকাই যুক্তিসঙ্গত। দাদামশাইকে নমস্কার দেবেন।

বলিয়া গটগট করিয়া বাহির হইয়া যান আনন্দ সাত্তাল—প্রত্যেকটি পদক্ষেপে অভিযোগের স্বর ফুটাইয়া।

ক্রোধে, ক্ষোভে, লজ্জায় সিঁদুরের মত রাঙা হইয়া উঠে জ্যোতির্ষ্মরীর সারা মুখ। উগ্ৰত বজ্রের মত সমস্ত ক্ষোভ, সমস্ত লজ্জা, সমস্ত ক্রোধ, স্থির হইয়া থাকে অল্পপস্থিত অপরাধী-যুগলের উদ্দেশে।

এতখানি অপমানিত তিনি জীবনে হন নাই।

আজ প্রথম অল্পভব করিলেন মন্দিরা তাঁহার আপন সন্তান নয়, প্রথম বিবেচনা করিলেন পরের সন্তানকে আপন করায় গৌরব নাই।

অপরাধীরা অবশ্য স্বপ্নেও ভাবে নাই তাহাদের আচরণে বাড়াতে এত অনর্থের সৃষ্টি হইয়াছে। নূতন ভাবের উদ্দীপনায় প্রবল তর্কের ঝড় তুলিয়া আসিতেছে তাহারা। শেষ মীমাংসার ভার অবশ্য জ্যোতির্ষ্মরীর।

বরাবর উভয়ের তর্কযুদ্ধে জ্যোতির্ষ্মরী যুক্তির বালাইহীন কাঁচা তর্কিকটির পক্ষই গ্রহণ করিয়া থাকেন, এবং প্রত্যুৎপন্ন বুদ্ধির জোরে তাহার কাঁচা যতটিকে দাঁড় করাইয়া দিয়া প্রবীরকে জন্ম করেন।

কাজেই মন্দিরা—‘মা, ও মা-মাংগ গো’ শব্দে বাড়ী সচকিত করিয়া লাফাইতে লাফাইতে উপরে উঠিয়া আসিল।

বলা বাহুল্য পিতার কথা তাহার মনেও ছিল না।

স্বল্প গভীর মুখে তেমনি বসিয়াছিলেন জ্যোতির্ষ্মরী, মেয়ের ডাকে সাড়া দিলেন না।

সারাবাড়ী ঘুরিয়া অবশেষে এ-ঘরে আসিয়া উভয়েই বিস্মিত ভাবে কহিল—কি হয়েছে মা তোমার ?

জ্যোতির্ষ্মরীর নীরবতায় আরো আশ্চর্য হইয়া মন্দিরা পিঠের উপর পড়িয়া দুই হাতে গলা জড়াইয়া কহিল—বল না মা, কি হ'ল ?

হাত দুইখানা ছাড়াইয়া দিয়া জ্যোতির্গম্বী কঠিন কণ্ঠে কহিলেন—কোথায় গিয়েছিলে তোমরা ?

—একটা নতুন জায়গায় মা, রাগ করেছ ?

ঈশ্বর সঙ্কচিতভাবে উত্তর করে প্রবীর ।

—আমার রাগে কি এসে যাচ্ছে তোমাদের ?...মন্দির', আজ তোমার বাবা এসেছিলেন জানো ?

রৌদ্রে বলসাইলে ফুটন্ত ফুলের যেমন অবস্থা হয়, তেমনি অবস্থা ঘটে মন্দির'র হাশোজ্জল মুখের ।

—তোমাদের ব্যবহারে বিরক্ত হয়ে চলে গেছেন, আমার অমুরোধ ঠেলে ।

মার অমুরোধ ঠেলিয়া যাওয়ার মত অভদ্র কাজ করা যাহার পক্ষে সম্ভব তাহার জন্ত সমীহ-বোধ থাকা অনাবশ্যক জানে মন্দির' সহসা জলিয়া উঠিয়া বলে—কেন, কী এমন দুর্ক্যবহার করেছি আমরা !

—তিনি আসছেন জেনেও রাত নটা পর্যন্ত বাইরে থাকা উচিত হয়েছে তোমার ?

অমুচিত হইয়াছে স্বীকার করিতে গর্কে আঘাত লাগে, অপেক্ষাকৃত দুর্কলভাবে মন্দির' বলে—তা'তে কি হয়েছে বাপু, আমি তো আর পালিয়ে যাচ্ছি না ? দিব্যি জামাই-আদরে খেয়ে দেয়ে সাটিনের বিছানায় লম্বা হলেই পারতেন—আমার জন্তে এত মাথা ব্যথা কেন বাবা ?

—তার কারণ তুমি তাঁরই মেয়ে, আমার নও । সত্যিকার দাবি আমার নেই বলেই অন্যায়সে অপমান করে যেতে বাধল না তাঁর । প্রবীরের কাজের কৈফিয়ৎ চাইবার সাহস কি জগতে কারুর আছে ? এখন দেখছি তোমাকে এভাবে আদর দেওয়া আমার ভুলই হয়েছে ।

এ রকম মর্শাস্তিক নিষ্ঠুর উক্তিতে মন্দির'র সমস্ত শরীর আলোড়িত করিয়া একটা চাপা কান্নার বেগ উচ্ছ্বসিত হইয়া উঠে ।

—দিশে তা'হলে আমাকে বিদেয় করে ।—বলিয়া কান্না চাপিতেই বোধ করি দ্রুতপদে ঘর' ছাড়িয়া চলিয়া যায় মন্দির' ।

প্রবীর ব্যথিতভাবে তাহার গমনপথের পানে চাহিয়া ম্লান স্বরে বলে—তুমি কি পাগল হলে মা ? ওটার কি সত্যিই কোন বোধ আছে ?

—ওর নেই, তোমার ভো ছিল ?

—আমি কোন অভয় করেছি বলে মনে করি না ।—বলিয়া উত্তরের অপেক্ষা না রাখিয়া বাহির হইয়া যায় প্রবীর । অবহেলার স্বর স্পষ্ট হইয়া উঠে তাহার কণ্ঠস্বরে ।

জ্বল অনড় হইয়া বসিয়া থাকেন জ্যোতির্গম্বী ।

শিশুর মত আদর করা যায়, কিন্তু শিশুর মত শাসন করা চলে না । হাঙ্গামা লক্ষ্যে ছুটাছুটি করে, আবদারে খুনসুড়িতে অকারণ আনন্দে পাথা মেলিয়া উড়িয়া বেড়ায়, দেখিলে

মনে হয় ভার নাই, ওজন নাই। কিন্তু এতটুকু অভিযোগের স্বর, একতিল শাসনের দৃষ্টি দেখিলেই মুহূর্তে খনিয়া পড়ে সাবানের ফায়াসের মত, রঙচঙে আবরণখানা। ভিত্তর হইতে উকি দেয় কঠিন লৌহপিণ্ড।

বড় সাবধানে ঘর করিতে হয় আধুনিক ছেলে-মেয়েদের লইয়া। যেটুকু মান বাঁচাইয়া চলে, সে যেন নিতান্তই করুণা করিয়া—অনায়াসে অপমান করিয়া বসিতে ইহাদের বাধে না। বয়সের মর্যাদা, সম্বন্ধের মর্যাদা দূরে থাক, স্নেহের সম্মানটুকুও রাখিতে জানে না ইহারা।

সত্য বটে—এমন কিছুই বলে নাই প্রবীর, কিন্তু তাহার গলার স্বর, চোখের চাহনি, প্রতিটি পদক্ষেপ জানাইয়া দিয়া গিয়াছে প্রয়োজন হইলে অনেক কিছুও বলা অসম্ভব নয়।

সহসা নিজের পানে চাহিয়া দেখেন জ্যোতির্ষ্মী।

এই দীর্ঘ জীবন নির্বিরোধ শান্তিতে কাটিয়া গেল কিসের অল্পশাসনে? প্রতি মুহূর্তে যে বিজ্রোহ মাথা তুলিতে চাহিয়াছে—তাহাকে পিষিয়া মারিয়াছে কোন শাস্ত্র-মন্ত্র?

যে নতুন বৌ বুদ্ধ যতন মুখোজের শয্যাপার্শ্বে ধরা দিয়াছে সে কি জ্যোতির্ষ্মী?

তবু এ অভিনয়ও নয়, ছদ্মবেশও নয়। রক্তের সঙ্গে মিশিয়া আছে যে নম্রতা, যে বাধ্যতা, অদৃষ্টকে মানিয়া লইবার যে শিক্ষা, এ শুধু তাই।

আধুনিক ছেলে-মেয়েরা চলে আপন আপন হৃদয়ের অল্পশাসন মানিয়া। কিন্তু কোনটা ভাল? জিতিল কাহারো?

দিন কয়েক পরের কথা। অমরেশ আসিয়াছিল মন্দিরা ও প্রবীরের খোঁজে। প্রবীর তাহাদের সমিতিতে দুই-তিন দিন গিয়াছিল মাত্র, কিন্তু মন্দিরা মহোৎসাহে দুই বেলা যাতায়াত করিয়াছিল। হঠাৎ দুই দিন একেবারে চূপচাপ। কাজ কতটা অগ্রসর হইয়াছে সেটা সমিতিই জানে, কিন্তু হৃদয়টা কি বড় বেশী অগ্রসর হইতেছে না? নিত্য দুই বেলা সমিতির অফিসে যাইবার যে প্রেরণা তাহাকে ঠেলা মারিয়া বাহিরে পাঠায়, সেটা যথার্থই পরোপকার স্পৃহা কিনা, সেটা যাচাই করিতেই বোধহয় মন্দিরা দুই দিন আপনাকে দমন করিয়াছিল। অমরেশ আসিয়া হাসিয়া কহিল—‘মেয়েদের অফুরন্ত কর্মপিপাসা’ কি মিটে গেল নাকি?

মন্দিরা কুণ্ঠিত হাস্তে কহিল—খুব নিন্দে কছেন!

—কেন করব না?

—বেশ করুন, যত খুসী। আমি এদিকে অস্থখে মরে যাচ্ছিলাম, একবার খোঁজও তো নিলেন না?

—অস্থখ করেছিল?—অনুতপ্ত হইয়া উঠে অমরেশ। কি আশ্চর্য, প্রবীর তো বললে না একদিনও!

অবশ্য ও-অমুযোগের কোন কারণ ছিল না, প্রবীর বাড়ীর কোন কথা কখনো আলোচনা করে না।

তবু মন্দিরার অস্বস্থতার-সংবাদ না জানা যেন কেমন অত্যায়া অপরাধ বলিয়া মনে হয় অমরেশের। কি পুত্রে কখন যে এই আত্মীয়তা স্থাপন হইল সেটুকু ভাবিয়া দেখিবার সৈধ্য্য হইতো ছিল না। শুধু অমরেশের মনে হই— মন্দিরার মুখখানি শুকনো, হাসি স্নান, আগের চাইতে যেন অনেক রোগা হইয়া গিয়াছে সে।

ব্যথিত স্বরে বলে—কই, কি হয়েছিল বললে না তো?

অস্বস্থের ছলনাটুকু অবশ্য মন্দিরার বানানো, কিন্তু এই সামান্য মিথ্যাটুকু যদি এমন কাজে লাগানো যায়, ক্ষতি কি?

—সে জেনে আপনার লাভ? শুনলে কি দেখতে আসতেন?

—দেখতে? হইতো আসতাম না মন্দিরা, কিন্তু দেখতে আসাই কি সব? দেখতে না আসার মধ্যে কি কিছুই থাকতে পারে না?

এই স্থির অকম্পিত দৃষ্টির সামনে চোখ তুলিয়া দাঁড়াইতে পারে না মন্দিরা। খেলাচ্ছলে কথার জাল বুনিয়া দীর্ঘপথ চোখ বুজিয়া পার হওয়া সহজ, সত্যের মুখোমুখি দাঁড়ানোই কঠিন।

তাই সহসা কাঁপিয়া ওঠে সে।

অমরেশ উত্তরের প্রতীক্ষায় চাহিয়া থাকিয়া স্নানঘরে বলে—রাগ করলে মন্দিরা?

—বাঃ কেন?

—ভাবছো লোকটার কী স্পর্ধা? কিন্তু বলবার সাহস যদি দাগ তাহলে বলবে—হয়ত দেখতে আসতাম না, কিন্তু আমার সমস্ত দিন-রাত ভরে থাকতো সেই মধুর বচনায়। অল্প কোন অধিকার না থাক, কল্পনা করার অধিকার তো কেউ বন্ধ করতে পারে না?

—বাঃ, অস্বস্থ করলে দেখতে আসবেন—তার আবার অধিকার ও অধিকার কি? বি যে মাথামুণ্ডু বকেন আপনি।

অমরেশ তীক্ষ্ণদৃষ্টিতে চাহিয়া দেখে মন্দিরার মুখের পানে। সত্যই কি এত ছেলেমানুষ সে, না আপনাকে লুকাইবার এ সকল ছিল মাত্র। অমরেশ কি বড় বেশী বোকামি করিয়া ফেলিয়াছে?

এত অল্প পরিচয়ে এত কাছাকাছি আসিবার চেষ্টা পাগলামি নয় তো?

কিন্তু এই সামান্য পরিচয়ে হৃদয়াবেগে এমন অসামান্য হইয়া উঠিল কেন অমরেশ? গরীবের এ কি আকাশকুম্ব কল্পনা?

তাড়াতাড়ি আপনাকে সংবরণ করিয়া লইয়া অমরেশ বলে—আচ্ছা তোমার যখন শরীর ভাল নয় তখন তো যাওয়া হইতেই পারে না। প্রবীর এলে বোলো।

—চলে যাচ্ছেন বুঝি? বসুন না আর একটু—দাদাভাই আসবেন এখনি।

আপনাকে আডাল করিতে একথানা খবরের কাগজ মুখের কাছে তুলিয়া ধরিয়া বসিয়া থাকে অমরেশ যেন প্রবীরের প্রতীক্ষায়। আর মন্দিরা অকারণ টেবিলের এটা-ওটা নাড়া-চাড়া করিতে থাকে। কথাও যোগায় না, চলিয়া যাইতেও পারে না।

হঠাৎ চমক ভাঙে কুমুদ ঝির ব্যস্ত ডাকে—

—দিদিমণি তুমি হেথা? সেই থেকে খুঁজতেছি—দাদাবাবু কমনে গেল?

—দাদাভাই নেই তো, কেনরে কুমুদ?

—তুমি একবার এস দিকিন যদি ডাক্তারবাবুকে টেলিফোন করতি পারো—বড়বাবু কেমন যেন করতেছে!

—সে কি?...কেনরে?...কখন?

কুমুদের ভয়ানকভাব মন্দিরার মুখ পাংশু করিয়া তোলে।

—এই খানিক আগে ছোটমার কাছে বুঝি জল চায়লো, জল এনে দেখে ঘাড় গুঁজে চুলতেছে, সাড়াও দেয় না, চোখও খোলে না—

কুক্কঠে অমরেশকে চলিয়া যাইতে নিষেধ করিয়া মন্দিরা ছুটিয়া উপরে উঠিয়া যায়।

তখন চাকররা ধরাধরি করিয়া চেয়ার হইতে বিছানায় শোয়াইয়া দিয়াছে ষতীন মুখুজ্যেকে।

জ্যোতিরূপী তখনো অসহায় স্বরে ডাকিতেছেন—শুনছো ওগো, কি, কষ্ট হচ্ছে? শুনছো? কি তু যতান মুখুজ্যে আর শুনিলেন না। সাধের ছোটরাণীকে ফেলিয়া স্বদীর্ঘকাল পরে বোধকরি পলা তক বড়রাণীর অভিমান ভাঙ্গাইবার উদ্দেশে যাত্রা করিয়াছেন তখন।

শ্মশান হইতে ফিরিয়া ভিজা কাপড়ে বাড়ী ঢুকিতেই কুমুদালা স্বাভাবিক কণ্ঠে প্রশ্ন করিলেন—তুই আবার কি করতে মরতে ওদের মডায় কাঁধ দিতে গেলি অমরেশ? বড় মাতুলুঘের সেখোর অভাব কি?

—অভাব না থাকলে যেতে নেই?—বলিয়া আরতি প্রদত্ত শুকনো কাপড়খানা হাত বাড়াইয়া ধরিয়া ফেলে অমরেশ।

—যেতে থাকবে না কেন, ভাব-ভালবাসা থাকলে সবই আছে।...ভাব ভালবাসার উপর একটি বিশেষ স্বর বসাইয়া কুমুদালা কথাটার উপসংহার করেন অল্প প্রশ্নে।...মিনসের কি হ'ল হঠাৎ?

—হার্টফেল করলেন।

—তা বড়োর বয়েস কম হয়নি—এ পক্ষের বৌ নিয়েই বিশ-পঁচিশ বছর ঘর করলো। টাকার কুমার ছিল মিনসে, ওই ছোটগিন্নীর ছেলেটাই বোধ হয় সব গ্রাস করবে? নাকি ও পক্ষের মেয়ের যে না তনৌ ছুঁড়িটাকে মাহুঘ করেছে সেটাকেও দেবে-খোবে কিছু?

—আমি অত কথা জানবো কি করে?—বিরক্তভাবে উত্তর করে অমরেশ।

—কেন, ছুঁড়ির সঙ্গে তো তোর খুব ভাব শুনতে পাই, আমাদের মেনি বলছিল 'বড়োর মরণকালে—'অমরেশদা অমরেশদা' করে ছুঁড়ির কী ঢলাঢলি!' মেনির সেই পদ্য বুঝি গেছল রগড় দেখতে।

—মাহুঘের মরণকালে যারা রগড় দেখতে যায়, তাদের গলায় দেবার দড়ি যদি না জ্বোটে

পিন্দীমা, বোলো আমি নিজের পয়সায় কিনে পাঠিয়ে দেব। আর তোমারও একগাছা—
বলিয়া কৃষ্ণবালাকে মুক করিয়া দিয়া সশব্দ পদক্ষেপে উপরে উঠিয়া যায় অমরেশ।

পিন্দীমার বিদ্রূপহৃষ্ণিত কদাকার মুখের পানে চাহিতেও যুগা বোধ হয় তাহার। এই
অভদ্র ইতর নির্লঙ্ঘ্য মানুষটাকে এতকাল ধরিয়া ভয় সমীহ তো দূরের কথা, সহ্য করিয়া
আসিয়াছে কেমন করিয়া এই ভাবিয়া আশ্চর্য্য লাগে অমরেশের।

কৃষ্ণবালা রুদ্ধ আক্রোশে কিছুক্ষণ দাপাদাপি করিয়া পাড়ায় বাহির হইয়া যান বিষ
উদগীরণ করিতে।

ইহারই কিছুক্ষণ পরে ও বাড়ী হইতে মেনকা আসিল বেড়াইতে।

—অমরেশদা বুবি বাড়ী নেই, বৌদি ?

আরতি তাড়াতাড়ি একথানা পিঁড়ি পাতিয়া দিয়া কহিল—বোসো ঠাকুরঝি।

—না আর বোসব না, আজ আবার তোমার ননদাইয়ের আসবার কথা আছে
(সংবাদটা অবশ্য কাল্পনিক), দাদা একটা কথা বলতে বলেছিল তাই—তা' অমরেশদা
বুঝি বাড়ী নেই ?

—হ্যা, আছেন তো—এই এলেন শশান থেকে, ক্লাস্ত হয়ে শুয়ে পড়েছেন বোধ হয়—
লাল বাড়ীর বড়কর্তা মারা গেলেন কিনা।

—হ্যা, পদ্ম তাই বলছিল—ধল্লি বাড়ী বাবা! মানুষটা মরে গেল একটু টু-শব্দ নেই,
বেঙ্গ না কি ? বড়-মানুষের শোকও কম, কি বল বৌদি ?

আরতি বিরত ভাবে বলে—আস্তে আস্তে কৈদেছেন বোধ হয়। সবাই কি আর—

—ওমা, তোমারও যে বেঙ্গজ্ঞানীর মতন কথা হ'ল বৌদি। কথায় বলে মড়াকান্না।
কেউ না কাঁচুক, মাগী তো কাঁদবে মাথা-মুড় খুঁড়ে ? ধোজপক্ষের বৌয়ের আদর তো ছিল
খুব স্তনতে পাই। বুডো-হাবডা যাই হোক স্বামী তো! মাছ খাওয়া, সিঁচুর পরা উঠে
গেল তো জন্মের মতন ? তবে ? বাবা মরতে—আমার মার কাণ্ডখানা মনে করো
দিকিনি ? সাতটা মার্গষে ধরে রাখতে পারে না, হিমসিম খেয়ে গেল এমন অবস্থা!
কপাল ফেটে রক্ত-গঙ্গা, বুক চাপড়ে ছড়া-ছড়া কালসিটে, মাথার চুলগুলো ছিঁড়ে ছিঁড়ে তিন
ভাগ শেষ। কান্নার শব্দে বোধহয় তিন পাড়ার লোক জড় হ'ল। তা'কেই বলি শোক!

যথার্থ শোকের আসল নমুনার বৃত্তান্তে আরতির অত্যন্ত হাসি পাইতেছিল, তাড়াতাড়ি
কহিল—ঠাকুরপোকে কি বলবে বলছিলে ?

—বলবো তো বলছিলুম, তুমি আবার বলছো শুয়ে আছে।

—শুয়েছেন, ঘুমোন নি বোধহয়। যাওনা ওপরে।

—কি জানি ভাই, আমার কেমন পুরুষ মানুষের শোবার ঘরে একলা যেতে গা
ছম্‌ছম্ করে।

বলিয়া বিড়ালীর মত লঘু সতর্কপদে সিঁড়ি দিয়া উপরে উঠিয়া যায় মেনকা।

আপাদমস্তক একথানা রূপার ঢাকা দিয়া বিছানায় পড়িয়াছিল অমরেশ, সহসা গায়ের উপর মাহুঘের স্পর্শ পাইয়া চমকিয়া মুখ খুলিতেই চোখে পড়িল মেনকার পাতা কাটিয়া চুল বাধা কুশী মুখখানা।

এইমাত্র না কি মেনকার সখা পদর নির্গঞ্জ মস্তব্যটা মনের মধ্যে বিব ছড়াইতেছিল, তাই মেনকাকে দেখিয়া সর্বাঙ্গ জলিয়া গেল। বিরক্তিপূর্ণ কটুকণ্ঠ মোলায়েম করিবার বিন্দুমাত্র চেষ্টা না করিয়া অমরেশ কহিল—কি দরকার ?

—দাদা বলতে বলেছিল—

দাদার বক্তব্যটাও অবশ্য মেনকার নিজস্ব কল্পনা, কাজেই চূপ করিয়া যাইতে হয়। গুছাইয়া মিথ্যা বলিবার জ্ঞানও খেটুকু বুদ্ধির আবশ্যক, সেইটুকুর অভাব ছিল তাহার মধ্যে।

—কি বলেছে দাদা ?—রুদ্ধস্বরেই প্রশ্ন করে অমরেশ।

মেনকা বোধকরি এরূপ অভ্যর্থনার আশা করে নাই, তাই কোটরগত ক্ষুদ্র চোখ দুইটিতে অভিমানের ছায়া ফুটাইয়া তুলিবার ব্যর্থ প্রয়াস করিয়া বাস্পগদগদ কণ্ঠে উত্তর করে—কিছু বলেনি দাদা, শুধু শুধু বক্ছো কেন আমায়, বাঃ রে !

এই শ্রীকামী, এই আদিথ্যেতা মেনকার স্বভাবধর্ম, স্ময়োগ পাইলেই শ্রীকামি করিবে সে। করিবে ওই যুবক বয়সের ছেলেদের কাছেই।

ঠাস্ ঠাস্ করিয়া দুই গালে দুই চড় বসাইয়া দিবার প্রবল ইচ্ছাকে কণ্ঠে দমন করিয়া, “দরকার না থাকে তো নীচে যা”—বলিয়া দেওয়ালের দিকে মুখ করিয়া শোয় অমরেশ।

মেনকা কিন্তু বসিয়াই থাকে।

পাউডার লেপা হাড়উচু গালের উপর ফোঁটা ফোঁটা জল বারিয়া পড়ে।

অবস্থাটা যন্ত্রণাদায়ক। হাজার হইলেও পায়ের কাছে বসিয়া একটা মেয়েমাহুঘ অশ্রুপাত করিতেছে, এটা পুরুষমাহুঘের পক্ষে সহ্য করা কঠিন। অস্বস্তিও কম নয়, পিসীমার চোখে ছবিখানা পড়িলে ?

অমরেশ উঠিয়া বসিয়া ঈষৎ নরম স্বরে বলে,—খামোকা কান্না জুড়ে দিলি যে ? কি বলেছে দাদা—আমায় কেটে রক্ত দর্শন করতে ?

—তাই বুঝি, বা !

ফিক করিয়া হাসিয়া ফেলে মেনকা।

অবাক হইয়া যায় অমরেশ, মেনকা কি পাগল ? উহার আচরণে সঙ্গতি-অসঙ্গতির বালাই নাই কেন !

—আমাকে কেউ দেখতে পারে না অমরেশদা, সবাই আমায় ঘেমা করে, কপালটাই মন্দ আমার, বড় ছুঃখিনী আমি।

—শচীনৈর চিঠি পাসনি বুঝি এখনো ? যা দিকিনি, গুছিয়ে গাছিয়ে পাতা আঠেক চিঠি লিখে ফেলগে যা, মন ভালো হয়ে যাবে।—অমরেশ হাসিয়া ফেলে।

—সে আর আমাকে নেবে না অমরেশদা, আমায় ত্যাগ দিয়েছে—আমার কি হবে ভাই?—বলিয়া সহসা দুইহাতে অমরেশের পা চাপিয়া ধরে মেনকা।

—পাগলামি করিসনে মেনি, বাড়ী যা—

বলিয়া নিজেই উঠিয়া ঘর ছাড়িয়া বাহির হইয়া যায় অমরেশ।

শুধু মেনকাকে ঘেমা করা নয়, সমস্ত মেয়েমানুষ জাতটার উপরই অদ্ভুত বিতৃষ্ণা-বোধ আসে তার। বসিয়া থাকিতে পারে না অমরেশ, পায়চারি করিয়া বেড়ায়। সীমাবদ্ধ চারখানা দেওয়ালের ভিতর সে নিজেও যেমন পাক খাইতে থাকে, মনের মধ্যেও তেমনি সহস্র চিন্তার স্রট ওই একটা বস্তুকেই কেন্দ্র করিয়া পাক খাইয়া মরিতে থাকে।

পিসীমা, উবা, মেনকা ও-বাড়ীর বড়জ্যোতি, ছোটখুড়ি, আরতি, জ্যোতিষ্ময়ী, মন্দিরা, সব এক ছাঁচে ঢালা, এক মাল-মসলায় গড়া সব। পারিপার্শ্বিক আবহাওয়ার গুণে বাহিরের খোলসটার প্রভেদ ঘটয়াছে মাত্র। সময় ঠিক কথাই বলে।

—ওয়ার্থলেস!

চিন্তার সশব্দ অভিব্যক্ত প্রকাশ হইয়া পড়ে। এক কথা—এই একটিমাত্র সংজ্ঞা আছে মেয়ে মানুষের।

সতীত্ব গর্বে গরবিণী কৃষ্ণবাণীর সর্বত্র সন্দেহ দৃষ্টি, বড়জ্যোতির অহরহ মালা জপা, উবাবতীর পান-দোস্তা গালে ঠেসিয়া ধর্মকথার আলোচনা, বেয়াল্লিশ বছর বয়সে নৃতন সন্তানের জন্মী ছোটখুড়ির জোয়ান ছেলের বিবাহে অনাসক্তি লইয়া ক্ষোভ প্রকাশ, আরতির সন্ন্যাসী স্বামীর ধ্যানের আয়েসের জন্ত পশমের আসন বোনা, আর মেনকার যখন-তখন অকারণ ভাবালুতার মধ্যে বস্তুগত কোন পার্থক্য নাই।

শ্রাকামি!

সাদা বাংলায় এ ছাড়া আর কোনো নাম নাই ইহার—এমন থাপ্-থাওয়া লাগসই নাম।

রূপসী জ্যোতিষ্ময়ীর বুদ্ধ স্বামীর পায়ের উপর পড়িয়া থাকায় যে নিঃশব্দ শোকের মূর্তি কিছু পূর্বে তাহাকে অভিভূত করিয়া তুলিয়াছিল, সেই দৃশ্য কল্পনা করিয়া অকস্মাৎ ভারী হাসি পায় অমরেশের। আরো হাসি পায়—মাত্র ঘণ্টাকয়েক আগে সে নিজেই মন্দিরার মত রাবিশ মেয়ের কাছে গদগদ ভাষায় প্রেম নিবেদন করিতে বসিয়াছিল ভাবিয়া।

পদার্থ বলিয়া কিছু আছে নাকি মন্দিরার ভিতর?

পদ্মার বলিবার ভঙ্গীটা হয়তো শ্রুতিস্বথকর নয়, কিন্তু নিরপেক্ষ বিচার করিয়া দেখিলে অমরেশ নিজেই কি মন্দিরার অর্ধৈর্ষ্য আচরণের ওই একই ব্যাখ্যা করিবে না?

তখনকার বিসদৃশ দৃশ্যটা স্মরণ করিয়া এখন লজ্জায় কান রাঙ্গা হইয়া উঠে।

নীচে তখন কিংকর্তব্যবিমূঢ় আরতির নামনে বিক্ষারিতচক্ষু মেনকা ফিস্ ফিস্ করিয়া কহিতেছিল—হাতখানা চেপে ধরে মুখের দিকে এমন-ই করে চেয়ে রইল অমরেশ দা,

লজ্জায় যেন মরে গেলাম ! বলে কিন'—'পা দুটো একটু টিপে দিবি মেনি'—ভয়ে বুক ছুঁ-
ছুঁয়ে পালিয়ে আসতে পথ পাইনা, মাগো !

প্রতিবাদকল্পে আরতি কিছু বলিবার পূর্বেই সহসা পিসীমা পিছন হইতে কঠোর
কণ্ঠে গর্জন করিয়া উঠিলেন—বটে নাকি লা মেনি ? বলি যত বড় মুখ নয় তত
বড় কথা ! আমার ঘরের ছেলে গিয়েছে তোর সঙ্গে ইয়ার্কি দিতে ? রূপের চটায়
সোয়ামীতে ভয় পায়—তোকে রুচি যে যমেও করবে না লো ! তুই তাই এখনও
ভাবন কেটে, টিপ-কাজল পরে লোকের কাছে মুখ দেখাস, অল্পে হলে গলায় দড়ি দিত !

কুম্বালা নিজে অবশ্য কোনো ছেলে-মেয়েকেই বিশ্বাস করেন না, ঘরের হইলেও না, তাই
বলিয়া অল্পে বলিলে সন্ধিয়া যাইবেন ?

মেনকা পাংশু মুখে কাঠ হইয়া দাঁড়াইয়া থাকে ।

সহসা উপর হইতে নামিয়া আসিল অমরেশ, পিসীমা তাহাকেই উদ্দেশ করিয়া কহিলেন—

—এই শোনগো বাছা তোমার ভালমামুষ বৌদির গুণ, ফিস্ ফিস্ করে দুটিতে মিলে তোমার
কুছো করা হছে—আমি যত বজ্জাত, আর সব সগ্গের দেবী ! বলি এখন বিশ্বাস হ'ল তো ?

—অসম্ভব নয়, মেয়েমানুষ তো—বলিয়া যুগপৎ সকলের উপর একটা তীব্র দৃষ্টি হানিয়া
চটি জুতাটা পায়ে গলাইয়া বাহির হইয়া যায় অমরেশ ।

॥ পাঁচ ॥

সমরের কিছুই ভালো লাগে না ।

সমস্ত জগৎটাকে টুকরা টুকরা করিয়া ছিঁড়িয়া ফেলিতে পারিলে যেন তাহার শাস্তি হয় ।
ভাঙিয়া গুঁড়া করিতে পারিলে আক্রোশ মেটে ।

কিন্তু এত অশাস্তি কেন ? এত আক্রোশ কাহার উপর ? কেন তাহার সমস্ত চেতনা
উদগ্ৰ হইয়া থাকে অপরকে আঘাত করিতে ?

সৃষ্টিকর্তাকে ধরাছোঁয়ার উপায় নাই বলিয়াই কি তাঁর সৃষ্টবস্তুর উপর দিয়া গায়ের বাল
মিটাইতে চায় ?

সমর নিজেই জানে না যন্ত্রণার মূল উৎস কোথায় ।

মোটের উপর কিছুই ভাল লাগে না তাহার ।

ছোট কথা, ছোট কাজ, ছোট স্বপ্ন, ছোট আশা, ছোট আবেষ্টন, আর ছোট মামুষগুলার
মাবখানে তার বিরাট প্রাণ হাঁপাইয়া উঠিয়াছে ।

কেবলমাত্র একটা বিধবা দিদির মুখ চাহিতে সংসারে আটকাইয়া থাকার কোন অর্থ হয় ?
যুদ্ধে যাইবার চেষ্টা করিয়া বেড়ায় সমর ।

ভাতের খালাটা সামনে ধরিয়া দিয়া সেই কথাই উত্থাপন করিল উষা ।

—হ্যারে সমর, তুই নাকি যুদ্ধে যাবি বলেছিস ?

—বলেইছি তো—তোমায় কে বললে ?

—ওদের গোরা বলছিল--খবরদার গুসব কুমতলব করিসনে বাপু, সর্ব্বনেশে কথা শুনেলেও গা কাঁপে !

—তোমার তো আরশোলা দেখলেও গা কাঁপে । খুঁদে আমি যাবোই, সব ঠিক করে ফেলেছি ।

—ভালই করেছিস, যাবার আগে আমায় একতাল আফিং কিনে দিয়ে যাস, একটি কথাও কহিতে আসব না ।—বলিয়া ভারী মুখে উঠিয়া যায় উষা ।

এই উষাকে লইয়াই এক জালা সমরের ।

মা-বাপ-ভাই-ভগ্নীপতি সকলে মিলিয়া একযোগে শক্রতা সাধিতে এই বিরাট বোঝাটি সমরের ঘাড়ে চাপাইয়া দিয়া সরিয়া পড়িয়াছেন, তাই মাথা তুলিবার উপায় খুঁজিয়া পায় না বেচারী ।

এত বড় পৃথিবীতে এমন কেহ নাই যে সমরের ঘাড়ের বোঝা হালকা করিয়া দিতে পারে । অথচ বসিয়া বসিয়া উষার হাতের পরিপাটি করিয়া রাঁধা শাকের ঘণ্ট, মোচার ঘণ্ট, স্ক্রুট, চচ্চড়ি খাইয়া শুধু দিনের পর দিন কাটাইয়া দেয়া দুঃসহ হইয়া উঠিয়াছে তাহার পক্ষে ।

অহরহ অশান্তি তাহার ।

বিজয় মল্লিক বলে—কাজে নেমে পড় সময়, সব ঠিক হয়ে যাবে । দুঃখীর দুঃখে সাহায্য দিতে পারলেই নিজে শান্তি পাওয়া যায় ।

—কাঁচকলা পাওয়া যায়, তোমার মাথা পাওয়া যায় ।

এত ছোট স্ত্রীমে এই সব ছোট ছোট কাজ দেখিলে হাসি পায় সমরের, বলে—এ হতভাগা দেশের দুঃখ ঘোচাবার সাধ্য স্বয়ং ভগবানেরও নেই, বুঝিলি ? তুই যা নিয়ে অগাধ আত্মপ্রসাদ লাভ করছিস, আমলে সে একটি অর্থ ডিম্ব ! লোকের দোরে দোরে দু'মুঠো চাল ভিক্ষে করে যদি এই বুদ্ধশ্রিত দেশের পেট ভরতো তা'হলে ভাবনা ছিল না । তাছাড়া শুধু পেট ভরতে পারলেই বুঝি সব হ'ল ? কোন প্রকারে দুটো অন্ন জোটা—শুধু এই ! এতেই সকল দুঃখ মোচন হয়ে যাবে এই তোর ধারণা ? আর কোন অভাব নেই মাহুষের ?

বিজয় মল্লিক মুচের মত বলিয়া ফেলে—কেন, শুধুই পেটের ভাত কেন, পরণের কাপড়, শীতের কবল, মাথা গোঁজবার আস্তানা, সবই যোগাবো আমরা আন্তে আন্তে ।

—কেন, শুধু শীতের কবল কেন ? 'রাতের সখল' চাইনা একটা করে ? একটা বো ? সেটাই বা বাকী থাকবে কেন ?

রুঢ় ব্যক্তের ভঙ্গীতে হাসিয়া ওঠে সময় ।

—ঠাট্টা করছিস ?—আহত হয় বিজয় মল্লিক ।

—ঠাট্টা ! মোটেই না, বিজয়, ব্যঙ্গ । তোমাদের এই 'আর্জুনাগ সমিতি' আর 'অনাধবন্ধু ভাণ্ডার' গোছের ব্যাপারগুলো দেখলে হাসি পায় না বিজয়, ঘেন্না করে । তাছাড়া এই যে দয়া, এই যে কল্পনা, এটা দিনে দিনে মাহুষকে কত নীচের দিকে ঠেলে দিচ্ছে তা ভাবতে পারো ? নিজের অক্ষমতার ফল নিজে ভোগ করবে না কেন মাহুষ ? কেন আশা করবে, অপরের ওপর ? কেন চাইবে দয়া ?

—বাঃ, মাহুঘ মাহুঘের কাছে দয়ামায়ার আশা করবে না ?

—না, করবে না। বোমা আমাদের ততটা সর্বনাশ করতে পারবে না বিজয়, বতটা করেছে এই দয়া। তারাও ডুবছে, তোমাকেও পঁাকে পুঁতছে।

বিধবা হইবার পর হইতে জ্যোতির্ষ্ময়ীর আশ্চর্য রকম পরিবর্তন ঘটিয়াছে। বারব্রত পূজা-অর্চনা দানধ্যানের তালিকা উত্তরোত্তর বাড়িতেছে, যেখানে এক বেলা উপবাস দিলে চলে, সেখানে তিন বেলা উপবাসের ব্যবস্থা।

রুচ্ছ সাধনের এ এক অভূত মোহ !

ছেলেমেয়েরা রাগ-দুঃখ করিলে শুধু মুছ হাসি হাসিয়া তাহাদের চুপ করাইয়া দেন।

অরুণপ্রভাও অহুমোগ করিতে ছাড়েন না, আজকাল প্রায়ই তিনি এ অঞ্চলে যাতায়াত করেন। ঐদিনও, ভাস্করের শ্রাধে পাঁচজন আসিবে বলিয়া যে হাতাপাড়ের ফরাসভাঙার শাড়ী ছোড়া কিনিয়াছিলেন, তাহারই একখানা পরিয়া হেলিতে দুলিতে এধারে আসিয়া কহিলেন—নতুনদির আজও উপোস নাকি ?

জ্যোতির্ষ্ময়ী স্বভাবসিদ্ধ মুছ হাসিয়া চুপ করিয়া রহিলেন।

—আশ্চর্য ! বিধবা আর কোন মেয়ে মাহুঘটা না হচ্ছে বল ? সিঁড়র তো কেউ লোহা দিয়ে বাঁধিয়ে আসেনি—কিন্তু তোমার যে অনাসৃষ্টি বাড়াবাড়ি !

কিছু বলা আবশ্যক বোধে জ্যোতির্ষ্ময়ী কহিলেন—উপোস দিলে শরীর ভালো থাকে ছোড়দি !

—সে তো চেহারা দেখলেই মালুম পাওয়া যাচ্ছে। কিন্তু প্রবীরের এ বিষয়ে নজর দেওয়া উচিত।

—প্রবীর কি করবে ?

—বারগ করবে। উপযুক্ত ছেলে, তার মতামতটা তো তোমায় মেনে চলতে হবে ? না না, এ হাসির কথা নয়, অবশ্য তুমি যদি না মানো সে আলাদা কথা। এই বড়ঠাকুর যখন আবার বিয়ে করবার জন্তে স্বেপলেন, কারুর মানা শুনলেন কি ? সতীদ্বাপীর কত কান্নাকাটি। কিছুই মানলেন না। মরে গেছেন স্বর্গে গেছেন, তাঁর নিন্দে করা ঠিক নয়, তবে ভয়ানক একজেদি ছিলেন তিনি। সেইটি এখন দেখছি তোমায় বর্জ্জছে। তা এই যে মাসে পাঁচ-সাতশো টাকা বেরিয়ে যাচ্ছে বাজ্ঞে খরচে বামুন পুরুতের পেটে, সেটা কি ঠিক হচ্ছে ?

মমতার আসল উৎস কোথায় সেইটি অহুমান করিয়া জ্যোতির্ষ্ময়ী দ্বিষৎ দৃঢ়স্বরে কহিলেন—এতে আর মানা করবার কথা ওঠে কেন ছোড়দি ? তিনি কিছু কম রেখে যান নি যে, আমি দু'পাঁচশো খরচ করলে প্রবীরের ভাগে টান পড়বে।

—তা অবশ্য বলছি না আমি, তাছাড়া কত রেখে গেছেন সে খবর আমরা কি করে জানবো বলা ? কারবার তো তিনিই সমস্ত দেখতেন, ইনি তো কোট-কাছারী নিয়েই ব্যস্ত, কারুর সাথে পাঁচে নেই, তবে বলছিলেন সেদিন কথাগুলো, আইনে নাকি বলে—এক ভিটের এক অয়ে বস্ত্রক্ষণ থাকে বায়, যে বা আয় করুক সকলেরই সমান ভাগ থাকে। জয়েন্ট

ফ্যামিলির এই বৃদ্ধি আইন। যাক, তার জন্মে আয়িত্ব কিছু হয়ে করি না, আইনে যদি থাকে অবশ্যই তা বদ হবে না। কিন্তু এমনভাবে কাঁচা পয়সাগুলো এরকম বাজে খেয়ালে নষ্ট হতে দেওয়াও আর উচিত মনে করছি না।

এসব কথার জন্মে জ্যোতির্ষ্ময়ী একেবারেই প্রস্তুত ছিলেন না।

সত্যই যে তিনি স্বামী হারাইয়া শূণ্য হৃদয়ের হাহাকার লইয়া ব্যাকুলচিত্তে ঈশ্বরের উদ্দেশে ছুটিতেছিলেন এমন নয়। বিধবা হইলে ধর্মকর্ম করা উচিত এই এক সংস্কার।

তাছাড়া অবসর প্রচুর, কাজ অল্প। অর্থের অগাধ স্বাধীনতা, এ এক নতুন খেলার আশ্বাদ দিয়াছে। হয়তো আরও গোপনে, নিজের অজ্ঞাতসারে লুকানো আছে, চিন্তদৈত্তের ক্রটিপূরণ।

স্বামীর বিরহে যতটা কাতর হওয়া উচিত সে কাতরতা মনের মধ্যে খুঁজিয়া পান কই? নূতন করিয়া কোন শূণ্যতা আসিল জীবনে?

শুধু অবসর! দিনরাত্রির অনেকখানি সময় যাহার জন্ম উৎসর্গ করা ছিল, তাহার অভাবে হঠাৎ অবসর বাড়িয়া গিয়াছে প্রচুর।

অরুণপ্রভা জ্যোতির্ষ্ময়ীর অসহায় আত্মবিশ্বস্ত মুখচ্ছবি দেখিয়া আর কথা বাড়াইলেন না।

প্রথম নম্বর হোমিওপ্যাথি ডোজ দেওয়াই ভালো।

আহারের সময় জ্যোতির্ষ্ময়ী প্রবীরকে সোজা হুজিই প্রশ্ন করিলেন—হ্যারে প্রবীর, আমি যে এই আমার বাজে খেয়ালই বলি, পুঞ্জোপার্ঠে কিছু খরচপত্র করি এটা কি অস্তায় হচ্ছে?

—সে কি, একথা বলছ কেন মা?

আশ্চর্য্যভাবে প্রশ্ন করে প্রবীর।

—এতে তো তোর কমে যাচ্ছে?—ঈষৎ হাসেন জ্যোতির্ষ্ময়ী।

প্রবীর স্থিরদৃষ্টিতে মুহূর্তকাল মায়ের মুখের পানে তাকাইয়া কহিল—এটি তোমার মাথায় কে ঢুকিয়েছে বলতে পারো? ছোটখুড়ি বোধ হয়?

—কেনরে আমার মাথায় কি বৃদ্ধি একেবারেই নেই?

—আছে, কিন্তু দুর্বৃদ্ধি নয়। আমার কমে যাওয়ার কথা বলছো—ঠিক যদি বিশ্বাস করো মা, আমি কোন দিনই মনে করতে পারি না যে এ সব আমার। বাবাকেও যেন মনে হ'ত বড় বেশী দূর, প্রায় পরের মতন, তাই বাবার টাকাতেও কোন অধিকার-বোধ জন্মায় নি।

এ-তথ্যের সন্ধান কিছু জিছু রাখিতেন জ্যোতির্ষ্ময়ী। ছেলের এই এড়াইয়া যাওয়া ভাবটা স্বামীকে যে পীড়া দিত, সেটা অনেক সময়ই লক্ষ্য করিয়াছেন তিনি। তাহার জন্ম লক্ষ্যও করিত সময় সময়।

ব্যথিত করণার স্মরে কহিলেন—এটায় কিন্তু 'উনি' বরাবরই মনঃস্কুল হতেন প্রবীর।

—হ্যাঁ, এখন মাঝে মাঝে মনে হয় সে কথা। যাক গে, কিন্তু তোমার অভয় দিয়ে রাখছি মা, টাকা নিয়ে তোমার সঙ্গে মামলা করতে বসব না! যত খুসী টাকা তোমার গুই ভট্টসায় মশাইয়ের গোদা পায়ে ঢেলো, কিন্তু দোহাই তোমার, এই উপোসটা একটু

কম কৰো। পিতৃহীন হওৱাটো সয়েছে, মাতৃহীন হওৱাটো চট কৰে বৰদাস্ত কৰুতে পায়ব না।

জ্যোতিৰ্ময়ী হাসিয়া কেলিয়া কহিলেন—সবই সয়ে যায় যে প্ৰবীৰ, কিছুই অসহ হয় না মানুহেৰ।

প্ৰবীৰ গভীৰ হইয়া গিয়া বলে—তা ঠিক, আৰ একটা কষ্টকৰ জিনিসও হয়তো শীগগিৰ সহিতে হবে, কাল থেকে তোমায় 'বলবো বলবো' কৰে বলা হচ্ছে না—বলিয়া বাম হাতে পকেট হইতে একখানা খামেৰ চিঠি বাহিৰ কৰিয়া দিল।

পত্ৰ লিখিয়াছেন আনন্দময়। লিখিয়াছেন অবশু প্ৰবীৰকেই। তবে হিসাব মত জ্যোতিৰ্ময়ীৰ উদ্দেশেই লেখা। তিনি সবিনয়ে জানাইয়াছেন—অতঃপৰ মন্দিৰাকে পাঠাইয়া দেওয়া হউক, কাৰণ এতদিন ষাঁহাৰ ভৱসায় মেয়েকে চোখেৰ আড়ালে কেলিয়া রাখিয়াছিলেন, তিনিই যখন নাই, তখন আৰ—তা'ছাড়া, ষাঁহাৰা মেয়েকে এতদিন প্ৰতিপালন কৰিয়া আসিতেছেন, মেয়েৰ বিবাহ সম্বন্ধে তাঁহাৰা অবাহত হইয়া উঠিবেন এইৰূপ ধাৰণা তাঁহাৰ ছিল, কিন্তু কাৰ্ষ্ণিক্ৰে যখন দেখা যাইতেছে 'ধৰ্ম্ম' কৰিয়া তুলিয়া পৰেৰ মেয়েটিৰ মাথা খাওয়া ছাড়া অন্য উদ্দেশ্য তিনি উপলব্ধি কৰিতে পাৰিতেছেন না, তখন মানে মানে মেয়ে লইয়া সৱিয়া পড়াই ভালো। দাদামহাশয়ৰ অৰ্জ্বমানে আৰো কত বেচাল বা চাল বাড়িতে স্নৰ কৰিয়াছে এই আশঙ্কায় দিশাহাৰা হইয়া পত্ৰখানি লিখিয়া কেলিয়াছেন তিনি।

বক্তব্য বিষয় পৰিস্ফুট কৰিতে ভাষা যতদূৰ প্ৰাঞ্জল ও যুক্তি যথাসম্ভব তীক্ষ্ণ হওৱা উচিত তাহাৰ ক্ৰটি কৰেন নাই ভঞ্জলোক, পৰিশেষে জানাইয়াছেন—অবিলম্বে পাঠাইয়া দেওয়া না হইলে তিনি নিজেই আসিয়া লইয়া যাইবেন। কাৰণ আইন তাঁহাৰ পক্ষে।

পড়া সাক কৰিয়া জ্যোতিৰ্ময়ী নৌৰবে চিঠিখানা আবার খামেৰ ভিতৰ ভৱিয়া ফিৰাইয়া দিতেই প্ৰবীৰ কহিল—কই বললে না কিছু ?

—কিছু তো বলবাৰ নেই বাবা !

—কি উত্তৰ দেওয়া যাবে ?

—লিখে দিও রেখে আসবাৰ সময় কাৰো হবে না, তিনি যেদিন ইচ্ছে এসে নিয়ে যেতে পাৰেন।

—বল কি মা ! আইন দেখালেই হ'ল অমনি ? প্ৰতিপালনেৰ দাবি নেই একটা ? নিয়ে যেতে বলছো, মানে ?

—ঠিকই বলছি রে, উনি যেতে যেতেই কি ঘৰে-বাইৰে আইনেৰ মাৰপ্যাচ্ নিজে লড়তে বসবো ? তোৰ কাকাৰ যদি সত্যিই দাবি থাকে তো তিনি যেন চুল চিৰে ভাগ কৰে নেন, মন্দিৰাকেও নিয়ে যাক আনন্দ, আমি নিৰ্বাণ্ণাট হয়ে তীৰ্থধৰ্ম্ম কৰে বেড়াই।

—চমৎকাৰ ! আদৰ্শ ভাৱত নাস্তী ! বাস্তবিক কতটা আত্মজ্ঞান লাভ হলে এত সহজে মায়াৰ বন্ধন ছিন্ন কৰা যায় তাই শুধু ভাবছি মা !

প্ৰবীৰেৰ রাগে হাসিয়া কেলিলেও পৰক্ষণেই গভীৰ হইয়া জ্যোতিৰ্ময়ী কহিলেন—তা

হোক, ওছাড়া আর কিছু উত্তর দেওয়া যাবে না শ্রবীর, আনন্দময় লোক ভাল নয়, বাধা পেলে রাগের মাথায় নিজের মেয়ের নামে বদনাম দিয়ে বসতেও ওর বাধরে না।

—পাঠিয়ে দিয়ে থাকতে পারবে ?

—পারবনা বললে চলবে কেন বাবা ? মেয়েকে তো স্বস্তরবাড়ীও পাঠাতে হয়। সে তো নিতান্তই পরের বাড়ী, আর এতো তবু ওর নিজের ঘর।

—ছাই নিজের। ওই লক্ষ্মীছাড়াটা ওর বাপ, মনে করলে আমার হাড় জলে যায় মা। কিন্তু সে যাক, মন্দিরাকে এ কথা বলবে কে ? সেটাও বোধ করি আমার ঘাড়ে ?

—না বাবা, আমিই বুঝিয়ে বলবো ওকে, তুই চিঠিখানা যেখে যা।

—বেশ, যা খুসী করো, আমিও একদিন অমরেশের মত কেটে পড়বো দেখো।

॥ ছয় ॥

গৃহত্যাগ করিবার কথা অখিলেশের, করিল অমরেশ।

ছেঁড়া চটিটা পায়ে গলাইয়া সেই বে সে বাহির হইয়া গিয়াছিল, আর কিরিয়া আসিল না। খোঁজখবর যা হইল যৎসামান্ত, আরতির ব্যাকুল অরুরোধে কালোগৌরাজ কিছুদিন কাগজে বিজ্ঞাপন দিয়াছিল, তা'ও বন্ধ হইয়া গিয়াছে, ব্যস।

হারাইয়া যাইব বলিয়া যে পণ করিয়াছে তাহাকে খুঁজিয়া পাওয়া হুঙ্কর বৈ কি ! পৃথিবীর এই বিশাল জনারণ্যে অগণ্য ছেঁড়া চটির ভিড়ে তাহার পদচিহ্ন কোথায় লুপ্ত হইয়া গিয়াছে কে বলিবে ?

শুধু থোকা মাঝে মাঝে অবুঝ প্রশ্ন করে—কাকা কবে আসবে মা ?

ছেলেকে বুকে চালিয়া আরতি আপনাকেই সান্ধনা দেয় হয়তো—আসবে বাবা, কাল-পরন্তু হুঁচারদিন পরে আসবে। এতবড় গাড়ী চড়ে, ভালো ভালো পোষাক পরে, এই এ-তো খেলনা নিয়ে এসে বলবে, 'থোকন কই, থোকন ?'

এসব সান্ধনা পুরাতন, হঠাৎ বীররসের অবতারণা করিয়া থোকন বলে—পিসীকে মেরে ফেলবো।

পিসী অবশু কৃষ্ণবালা, সহসা তাঁহার উচ্ছেদ সাধনের স্পৃহা থোকনের মনে জাগিয়া উঠে কেন কে জানে, কিন্তু কাকার গৃহত্যাগের ব্যাপারে পিসীর কোথায় যেন হাত আছে এই ধারণা অতটুকু ছেলের ভিতরও বন্ধমূল হইয়া গেল কেমন করিয়া সেইটুকু বলা কঠিন।

ভাবা গিয়াছিল আঁতার গৃহত্যাগে অখিলেশের দায়িত্ববোধ কিছুটাও কিরিয়া আসিবে, কিন্তু দেখা গেল আরো নিস্পৃহ হইয়া উঠিয়াছে সে। আজকাল আহার-মিষ্টান্ন ব্যাপারটাও এত সংকল্পিত করিয়া তুলিয়াছে যে কদাচিত্ত তাহার মর্শন যেনে।

আর লোকের মধ্যে তো পিসীমা, আরতি ও খোকন।

পিসীমা সে হতভাগার মুখ দেখিতে চান না, খোকনও তখৈবচ, শুধু আরতি।

আরতির কথা অন্তর্ধ্যামাই বলিতে পারেন।

তবু সংসার চলিয়া যায়। কাহারও অশ্রু কিছুই আটকায় না। কালোগৌরাক খেচ্ছায় এই হাল-ভাঙা পাল-হেঁড়া নৌকাখানার ভার লইয়াছে—তরতর করিয়া না চলুক, কাদায় ঠেক খাইতে খাইতেও চলে।

শ্রবীরও অবশ্রু প্রায়ই আসিয়া খোঁজখবর লয়, বিপদের সময় আরতি তাহার সহিত পরিচয় করিয়া লইতে বাধ্য হইয়াছে। তবু সম-অবস্থাপন্ন গৌরাকের নিকট যত সহজে সাহায্য লওয়া চলে, শ্রবীরের কাছে তেমন সহজে চলে না।

কিন্তু সম্প্রতি অবস্থা আসিয়াছে নূতন।

অধিলেশ বাহা উপার্জন করিত—গুরুপ্রণামী বাদেও সংসার খরচটা আটকাইত না। এইটুকু কর্তব্যবোধের স্মৃষ্কহুত্রে সংসারের সঙ্গে যোগ ছিল তাহার, কিন্তু সম্প্রতি নাকি সাধন ভঙ্গনের বিষয়রূপ এই চাকরিটা সে ত্যাগ করিয়াছে।

ইহার পরে অপরের কাছে অর্ধ সাহায্য লওয়া ভিন্ন আর গত্যন্তর থাকিবে না।

আটার ঠোগটা নামাইয়া দিয়া গৌরাক বলে—অধিলেশদার আপিসে খোঁজ নিয়েছিলাম পিসীমা, খবরটা সত্যিই বটে।

পিসীমা মুখখানা কালো করিয়া বলেন—সে আমি আগেই বুঝেছিলাম, এইবার ঝুলি কাঁধে নিয়ে বেরোতে হবে আর কি! একজন বিবাগী হ'লেন, একজন বৈরাগী হ'লেন, এখন মর মাগী তুই!

গৌরাক চড়াগলায় বলে—আমার যদি পরস্য থাকতো পিসীমা, তা'হলে অধিলেশদার চাকরি ছাড়ায় খোড়াই কেয়ার করতাম। খোকার আর বৌদির ভার—

—পরস্য থাকলেও তুমিই বা পরের বৌ-ছেলের ভার নিতে যাবে কেন, আর আমরাই বা নেবো কোন্ সুবাদে বাছা?—বলিয়া গৌরাকের শ্রদৌপ্ত উৎসাহে বরফজল ঢালিয়া দিয়া বিবস মুখে উঠিয়া যান কৃষ্ণবালা।

গভীর রাতে 'আসন' 'প্রাণায়াম' 'ধ্যানজপ' ইত্যাদির পালা সাজ করিয়া অধিলেশ কবল বিছাইয়া শয়নের আয়োজন করিতেছে, এমন সময় ও-ঘর হইতে আরতি আসিয়া দুয়ার ভেজাইয়া কপাটে পিঠ দিয়া দাঁড়াইল।

ইদানিং কাজকর্মের সুবিধার ছুতায় কোণের দিকের এই ছোট ঘরখানি অধিলেশ বাছিয়া লইয়াছে। আরতি এ ঘরের ছায়াও মাড়ায় না। আমীর অল্পশ্রুতির অবসরে ঝাড়ামোছা করিবারও সুবিধা নাই, তালা লাগাইয়া যায় অধিলেশ।

হঠাৎ অসময়ে আরতিকে দেখিয়া অধিলেশ বিন্ময়ের সঙ্গে একটু কুণ্ঠিত হইয়া উঠিল। চাকরি ছাড়ার খবর যে আরতির কানে গিয়াছে সে বিষয়ে সন্দেহ নাই। কাজটা করিয়া পর্যন্ত খুব বেশী সন্তোষ ছিল না তাহার। কিন্তু গুরুদেব বলিয়াছেন—'দাশব

মোচন না হলে আত্মার উন্নতি হবে কোথা থেকে? ভেতর-বার দুই-ই স্বাধীন করতে হবে।'

অকারণে কবলের কল্পিত ধূলাগুলো হাত দিয়া ঝাড়িতে ঝাড়িতে অখিলেশ নিজের মপক্ষে নানা যুক্তি গুছাইতে থাকে।

মিনিট কয়েক মৌন থাকিয়া আরতি মুদ্রায়েরে কহিল—এখন কি দু'একটা কথা শোনবার সময় হবে?

—বেশী কিছু?—অখিলেশও মুদ্রাঙ্কুরে শ্বরে প্রশ্ন করে।

—না, বেশী কিছু বলবার ঐর্ধ্য আমার নেই। শুধু জানতে চাইছি খোকার ভার কি তুমি নিতে চাও?

—খোকার?

—হ্যাঁ খোকার।—দৃঢ়শ্বরে উত্তর করে আরতি—পিসীমার যা সম্বল আছে একলার পক্ষে যথেষ্ট, কিন্তু খোকার জ্ঞে হয়তো বাধ্য হয়ে তাঁকে নিজের সম্বল খোয়াতে হবে। তাই জানতে চাইছি ওর ভার তুমি রাখতে চাও কি না।

—শুধু খোকা? আর তুমি?—মুখ ফস্কাইয়া বাহির হইয়া যায় অখিলেশের।

—আমি?—হঠাৎ হাসিয়া ওঠে আরতি, দীর্ঘদিন আগে গভীর রাত্রে স্বামীর আদরে-পরিস্রাসে যেমন করিয়া হাসিয়া উঠিত, যে অবাধ হাসির জন্ত পিসীমার ভয়ে সন্ত্রস্ত হইয়া উঠিত অখিলেশ।

কতদিন যে হাসি শুক হইয়া গিয়াছে আরতির!

হাসি থামাইয়া স্থির গলায় সে বলে—আমার জ্ঞে নাই বা ভাবলে? রূপ আর বয়স, মেয়েমানুষের ওজন হাঙ্কা করে দেয়, সকলের কাছে ভার লাগেনা। এইটুকুই শুধু শ্বরণ করিয়ে দিলাম তোমায়।

অখিলেশ অবাক হইয়া চাহিয়া দেখে। আরতির নির্ঝাঁক সহিষ্ণু-মুর্তিই দেখা অভ্যাস হইয়া গিয়াছে, এমন রূঢ় তীক্ষ্ণভাষা সে শিখিল কখন?

কিন্তু জ্ঞাপনার ওজনও হাঙ্কা করিতে না দিয়া ধীর শ্বরেই বলে অখিলেশ—তুমি কি আমায় অপমান করতে এলে?

—অপমান? না না, শুধু তোমার অহুমতি চাইতে এলাম—খোকাকেও কি আমার সঙ্গে দুর্গতির পথে টেনে নিয়ে যাবো?

—দুর্গতির পথটাই কি শেষ পর্যন্ত বেছে নিলে আরতি?

বহুকাল পরে স্বামীর মুখে নিজের নাম শুনিয়া চকিতের জন্ত কাঁপিয়া ওঠে আরতি, কিন্তু পরক্ষণেই সহজ গলায় উত্তর দেয়—অগত্যা। তবু তো গতি? তিলে তিলে পাক পুঁতে যাওয়ার চেয়ে হয়তো ভালো। কিন্তু তুমি আমার প্রশ্নটা এড়িয়ে যাচ্ছে।

—কি, খোকা? ওকে ভগবান দেখবেন, ভার নেবার কর্তী তুমি-আমি নয়, অহঙ্কার ত্যাগ করে এইটুকুই শুধু বিশ্বাস কোরো।

—তাই চেষ্টা করবো।

বলিয়া দুয়ার ছাড়িয়া সরিয়া দাঁড়ায়—অখিলেশকে উঠিয়া আসিতে দেখিয়া।

বাহির হইয়া বাইবার জন্ত উঠিয়া আসে নাই অখিলেশ, সরিয়া আসিয়াছে আরতিই কাছে।

কাছাকাছি দাঁড়াইয়া বন্ধগতীর দৃষ্টিতে ক্ষণকাল তাকাইয়া থাকে। অভিমানে অন্ধ হইয়া সত্যই কি নরকের অন্ধকারে ঝাঁপাইয়া পড়িতে চায় আরতি! সত্যই কি কোন অস্বাভাবিক পথ ধরিয়া বসিবে!

কিন্তু সন্ন্যাসী অখিলেশের তাহাতে কি ক্ষতি? আরতি তাহার কে? বাহিরের বন্ধন মাত্র। বরণ সেই বন্ধন হইতে যদি সে স্বেচ্ছায় মুক্তি দিয়া যায়, মন্দ কি? হয়তো এই মঙ্গলময়ের ইচ্ছা।

—তুমি তা'হলে সত্যই থাকতে চাও না?

—না।

—গৃহত্যাগের সঙ্কল্প স্থির করে ফেলেছ?

—হ্যাঁ।

—হু। সেই নরকের সঙ্গীটিকে জানতে পারি কি?

—সে কথা বলতে বাধ্য নই আমি।

যেমন নিঃশব্দে আসিয়াছিল আরতি, তেমনিই নিঃশব্দে বাহির হইয়া গেল। শুধু চলিয়া বাইবার সময় আধময়লা শাড়ীখানার পিঠের উপরকার প্রকাণ্ড সেলাইটা হেন নির্ভঙ্ক ব্যক্ত করিয়া গেল অখিলেশকে।

...আরতির জন্ত শেষ কবে শাড়ী কিনিয়াছে অখিলেশ?...অমরেশ নিরুদ্দেশ হইয়াছে কতদিন?...এ সংসারের নিত্য প্রযোজনের বাহানা মিটার কে?

ভগবান?

সময়ের দরখাস্ত মঞ্জুর হয় নাই! এ, আর, পি,র কাজ পাওয়া সহজ, 'ফ্রণ্টে' বাওয়া অত সোজা নয়। কিন্তু বোমা পড়িলে মড়া বহিবার প্রবৃত্তি সময়ের নাই, সে চায় রীতিমত যুদ্ধ। লক্ষ লক্ষ প্রাণ, কোটি কোটি টাকা যেখানে মুহূর্তে ধ্বংস হইয়া যায়, জীবন আর যত্নের যেখানে আলাদা কোন অর্থ নাই, তেমন জায়গায় বাইতে চায় সময়। তাই না-মঞ্জুর পত্রখানা ছিঁড়িয়া চটকাইয়া চিবাইতে চিবাইতে পায়চারি করিয়া বেড়ায়, ঘর হইতে দালানে, দালান হইতে ঘরে।

মেনকা আসিয়া উঁকি মারিল উবার খোঁজে।

—উবা দি কোথায় সময় দা?

—বাড়ী নেই।

ছ্যাবলা মেনকাকে এর বেশী সম্মান কেহ করে না। কিন্তু মেনকা নিজেই চাপিয়া বসে—
কোথায় গেছে?

—কে জানে, ননদের শালায় বাড়ী না কোন্ চুলোয়।

—ননদের শালা? সে আবার কি জন্তু সময় দা?—বলিয়া মুখে কাপড় দিয়া টিপিয়া টিপিয়া হাসিতে থাকে মেনকা।

—ওই রকম কি একটা বললে। তাসের আড্ডা আজ আর বসবে না, যাও।

—তাই যাই—একটা নিশ্বাস ফেলিয়া টানা সুরে কয় মেনকা—ফান্দনে হাওয়ায় প্রাণটা কেমন হুহু করছিল, বাড়ী বসে থাকতে ভালো লাগল না, কোথায় বা যাই। তুমি না কি যুদ্ধে যাবে সময় দা?

—যমের বাড়ী যাবো।

—বাঃ বেশ জায়গা তো?—ফিক করিয়া হাসিয়া ফেলে মেনকা—শুনে লোভ হচ্ছে।

—লোভ হচ্ছে? বটে? রক্ষদৃষ্টিতে এই নির্জঙ্ঘ মেয়েটার পানে তাকাইয়া তীক্ষ্ণস্বরে সময় বলে—যমের বাড়ী যাবার ইচ্ছে হচ্ছে? কিন্তু খবরদার টুঁ শব্দ করলে টুঁ টি টিপে ছিঁড়ে দেব।

—বা-রে! শুধু শুধু বকছো কেন?

—চূপ।

সহসা দরজাটা বন্ধ করিয়া দিতেই মেনকা কাঁদিয়া ওঠে—ও সময় দা, তোমার পায়ে পড়ি দোর খুলে দাও, লক্ষ্মীটি, বড় ভয় করছে!

—খবরদার, বলেছি না টুঁ শব্দ করলে খুন করবো?

—সময় দা, তোমার দু'টি পায়ে পড়ি! দোর খুলে দাও তাই!

—কেন? যমের বাড়ী যাবার বড় যে সখ হচ্ছিল?

—মাপ করো সময় দা, ছেড়ে দাও আমায়।

—ধরলাম কোথায় যে ছেড়ে দেব? তোমর মত মেয়েকে শয়তানেও ছোঁয়না, বুকলি? যা—বেগো। রাবিশ! মাটির পুতুল! রাস্তার কুকুর!

দরজা খুলিয়া দিতেই কান্নায় ভাঙিয়া পড়ে মেনকা—আমায় একটু বিষ এনে দাও সময় দা, সব দুঃখের শাস্তি হোক। বড় কষ্ট আমার।

নির্নিমেষ দৃষ্টিতে কিছুক্ষণ মেনকার এই অসহায় পশুর মত আর্ন্ত ক্রন্দন দেখিতে দেখিতে একটু নরম সুরে প্রশ্ন করে সময়—খবরবাড়ী যাবি মেনকা?

—ওরা আমায় নেবে না সময় দা!

—কেন? কি করেছিল তুই?

—কিছু করিনি, এই তোমার পা ছুঁয়ে দিব্যি করছি—আমি কালো-হুচ্ছিৎ, বোকা তাই।

—আচ্ছা, নেয়-কি না দেখে নেবো। বিশ্বাস করে যেতে পারবি আমার সঙ্গে?

—তুমি নিয়ে যাবে!

অবাক হইয়া তাকায় মেনকা।

—হ্যাঁ যাবো। কিন্তু এই একবয়ে এখুনি। উত্তরপাড়ায় তোর খন্ডরবাড়ী না? বাড়ী চিনতে পারবি?

—কিন্তু লোকে কি বলবে সময় দা?

—লোকে? লোকে যদি বলে—‘আমি তোকে নিয়ে পালিয়েছি’, সে অপবাদে স্বর্গে যাবি বুঝলি?...দাঁড়া, হাণ্টারটা নিয়ে আসি, সঙ্গে থাকা ভালো।

—চাবুক নিয়ে—গুঁকে মারবে না কি?—আর একপালা কাঁদিবার যোগাড় করে মেনকা।

—প্যান প্যান করিসনে মেনি, দরকার হলে মারতে হবে বৈ কি! পাগলা কুকুর বাস্তায় ছেড়ে রাখলে কুকুরের মাটিকের ফাইন হয়, সেটা বুঝিয়ে দিয়ে আসতে হবে রায়েলকে।

॥ সাত ॥

খুলনা জেলার এক অখ্যাত গ্রাম হইতে চিঠি লিখিয়াছে মন্দিরা।—‘দাদাভাই, কেমন আছি আর কেমন লাগছে জানতে চেয়েছ? যদি রাগ না করো বলি—খুব খারাপ লাগছে না। এখানের যিনি মা, দেখলে দয়া হয় বেচারাকে। রোগা ছোট্ট এতটুকু মানুষ, আর অগাধ ছেলে মেয়ে। তাদের বায়না আর বাড়ীর কর্তার শাসন এই দুটো জিনিস ছুঁমিক থেকে অহরহ পিবছে বেচারাকে। আমার মত একটি কাজের মেয়েকে পেয়ে—(হাসছ যে? কাজের নই ভাবছ? দেখো এসে—সেই এক ভজন শিশুর পালকে কি রকম সায়েশা করে রেখেছি) হাতে টাঁদ পেয়েছেন প্রায়।

সত্যি এতদিন এই দুঃখের সংসার থেকে ছিটকে গিয়ে আমি একলা সুখ স্বাচ্ছন্দ্য ভোগ করেছি মনে করে লজ্জা হচ্ছে। তাই অহরহ ভুলতে চেষ্টা করছি, আমি দ্বিতীয় বার্ষিক শ্রেণীর প্রধানা ছাত্রী, সকল গুণের আধার, সঙ্গীত শাস্ত্রে অদ্বিতীয়া, বাণ্যজ্ঞে স্ননিপুণা, চিত্রবিদ্যা অম্বরাসিনী, আর দাদা ভাইয়ের আদরিণী শ্রীমতী মন্দিরা দেবী।

মনে রাখছি, আমি হচ্ছি—মঞ্জু, অঞ্জু, বেলা, বাসু, লাটু, নাটু, হাসু, সোনাল পূজনীয়া দ্বিদি। গ্রাম্য হাইস্কুলের সেকেণ্ড মাষ্টারের বয়স্হা অনুচা কন্যা, সংপাত্রেব অভাবে এতদিন পাত্রেস্ব হতে পারিনি।

এর জন্মে পাড়াহুক সকলে ফুক ও কুক। শোনা যাচ্ছে, ‘পল্লী-মঙ্গল সমিতি’ থেকে চেষ্টা চলেছে আমার হিলে করতে।

সব তো শুনলে? শুধু দোহাই তোমার, একটি অম্বরোধ—‘হাত খরচের’ ছুতো করে অনর্থক কতকগুলো অর্থ নষ্ট করতে পাঠিও না তুমি। দরিদ্রের ঘরে লোভের সৃষ্টি করো না। আমি যা, তাই থাকতে দাও আমায়।

অমরেশ বাবু ফিরে এসেছেন কি?

—তোমাদের মন্দিরা!’

মন্দিরা চলিয়া গিয়াছে, বিষয় ভাগ করিয়া লইয়া অতীন মুখুন্ডে পৃথক হইয়াছেন। উঠানের মাঝখানে 'ব্যাকল ওয়ালের' মত প্রকাণ্ড এক পাটিশন উঠিয়াছে।

জ্যোতির্ষ্মী ব্রত নিয়ম দানধ্যানের এলোমেলো পথ ছাড়িয়া গুরুমন্ত্র লইয়াছেন, আর পাত্রী খুঁজিতেছেন প্রবীরের জ্ঞা।

বিজয় মল্লিকের আর্ন্ত্রাণ সমিতি অনেক দিন লোপ পাইয়াছে, ত্রাণকর্তারা সকলেই সরিয়া পড়িয়াছে, 'আর্ন্ত' খুঁজিয়া পাওয়াও জুড়র।

নিজের বৈঠকখানায় একটি নাইট-ইঞ্চল খুলিয়াছে বিজয়, পাড়ার বস্তুর ছেলেদের 'কাঠি-বরফ' ও 'শোন্ পাপড়ির' লোভ দেখাইয়া পড়াইতে হয়।

সেখানেই মাঝে মাঝে চুঁ-মারিতে যায় প্রবীর।

এমনি একদিন পড়ানোর মাঝখানে শ্রীপতি হাঁফাইতে হাঁফাইতে আসিয়া খবর দিল—
জমরেশ বাবুর বাড়ী থেকে আপনাকে ডাকতে এসেছে দাদাবাবু!

—ডাকতে এসেছে? কে রে?

—সেই বজ্জাত বুড়িটা।

—কেন বল দেখি?

—বলছে—বলছে যে ওদের বাড়ীর সেই ছোট্ট ছেলেটা না কি মারা গেছে।

—মারা গেছে!

সমস্ত বিশ্বপ্রকৃতি যেন স্তব্ধ হইয়া যায় একটি কথার আঘাতে।

বিজয় মল্লিক যখন অনেক খোঁজাখুঁজির পর অখিলেশকে সজে লইয়া বাড়ী ঢুকিল, তখনো পিনীমা পাড়ার মেয়েদের কাছে মাটিতে গড়াগড়ি দিয়া উন্মাদ ভঙ্গীতে চীৎকার করিতেছেন—
ওরে আমার সোনার যাদু, একফোটা গুঁধু তোমার পেটে পড়ল না মানিক! রান্ধুসী ডাকাতে মা, সামনে বসে থেকে তোমায় হতো হতে দিলে বাবা! হে বাবা নকুলেশ্বর, কি অপরাধ হ'ল বাবা!

ঘরের ভিতর পাথরের পুতুলের মত স্তব্ধ হইয়া বসিয়া আছে আরতি।

ঘটনা অত্যন্ত মামূলি—গতরাত্রি হইতে ভেদবর্ম স্তব্ধ হইয়াছিল, আজ সন্ধ্যায় সেটা বড় হইয়া গিয়াছে। নুতনের মধ্যে এই—সকাল বেলা অখিলেশ গুরুর চরণামৃত দিবার উপদেশ দিয়া বাহির হইয়া গিয়াছিল, আর আসে নাই। আর পিনীমা গিয়াছিলেন কালীঘাটে, মায়ের হাতের 'খাঁড়া ধোওয়া' জল আনিতে। এই মাত্র ফিরিয়াছেন।

সারাদিন আরতি কাহাকেও খবর দেয় নাই, ডাকে নাই—যুমস্ত ছেলেকে আগলাইয়া থাকার মত নিঃশব্দে বসিয়া আছে।

পিনীমা আসিয়া দেখেন এই কাণ্ড।

সন্ধ্যাসী অখিলেশের 'মায়াবাদ' ঘুচিয়া গেল না কি? সিঁড়িতে উঠিতে পা কাপিতেছে কেন? সারা রাত্তা উর্কশাসে ছুটিয়া আসিয়াছে কেন সে।

কিন্তু দুয়ারের নিকট আসিতেই পাথরের পুতুল উন্মাদিনীর -মতো বিদ্যুৎবেগে উঠিয়া আসিয়া পথ আগলাইয়া দাঁড়াইল।

—না, ভেতরে যেতে পাবে না তুমি, কিছুতেই না।

—দেখতে দেবে না খোকাকে ?

—না না না! কি দেখতে চাও? নিজের কীর্তি? সাধু তুমি—তোমার হুকুম ভগবান শুনবেন না? শুনেছেন বৈ কি? খোকার ভার নিজেই নিয়েছেন। আর কেন? যাও যাও—

মাথা নীচু করিয়া ধীরে ধীরে সরিয়া যায় অখিলেশ।

এইমাত্র গুরু উপদেশ দিতেছিলেন—স্বী, পুত্র কেউ কারো নয় রে ব্যাটা, জন্মমৃত্যু সব সমান—

গুরু উপদেশের ভিত্তি আলাগা হইয়া আসিতেছে কেন ?

নিজের ঘরের কাজকর্ম ফেলিয়া পরের সংসারের তামাসা দেখিবার সময় কার আর কতক্ষণ থাকে? রাত্রিও হইতে থাকে। সময়, বিজয়, প্রবীর আর গৌরাঙ্গ চারজনে মৃতদেহটার সদগতির উদ্দেশে বাহির হইয়া যাইতেই যে-যার আপন আপন ঘরে ফিরিলেন।...রাত্রি হইলেও কৃষ্ণবাল্য বাহিব হইলেন গঙ্গামানের চেঁচায়। তাঁহার গুরু মন্ত্রের শরীর, সারারাত তো আর অশুচি হইয়া বসিয়া থাকিতে পারেন না।

মেনকার মা কৃষ্ণবাল্যকে পথে বাহিব হইতে দেখিয়া তাঁহার পিছু লইতে লইতে ছোট জাকে ডাকিয়া বলেন—ঝোলটা চাপানো থাকলো ছোট বৌ দেখো, আমি একবার যাই ঠাকুরঝির সঙ্গে।

ছোট বৌ শঙ্কিত ভাবে বলে—এই রাত্তিরে ?

—তা রাত বলে আর করছি কি! মাহুঘের বিপদ-আপদে কি তার দিনক্ষণ দেখলে চলে?...কি জানি—গঙ্গা জায়গা, শোকে তাপে মাহুঘটা যদি আপ্তঘাতী হয়?...ভালো কথা, গঙ্গা জলের বড়ো ঘটিটা দাওতো বার করে—অমনি জল আশুক একঘটি, এক ফোঁটা গঙ্গা জল নেই ঘরে।

আরতির জন্ত মাথা ঘামাইবার প্রবৃত্তি কাহারও হয় না। একে তো সত্ত্বমৃত সন্তানের জননীর মুখ দেখাই অকল্যাণকর, তাহার উপর আবার যে মেয়েমাহুঘ একমাত্র সন্তানকে ঘরের হাতে ধরিয়া দিয়া নির্জলা চক্ষে বসিয়া থাকে তাহার মুখ দেখা।

সে যে মহাপাতক।

কোটি জন্মের নরকবাস নির্দিষ্ট হওয়াও বিচিত্র নয়।

অখিলেশ কোথায় গেল কে জানে! হয়তো বা পরম সান্ত্বনার আশায় আবার ফিরিয়া গিয়াছে সাধের গুরু আশ্রমে। কৃষ্ণবালা গঙ্গান্নানের ফেরৎ পূজার ঘরে ঢুকিবার আগে অখিলেশের আশায় সদর দরজাটার খিল বন্ধ করার বদলে শুধু কপাট ভেঙাইয়া দিয়া, দালানের একধারে স্তিমিত শিখা হারিকেন লঠনটা বসাইয়া রাখিয়া উঠিয়া যান উপরে।

সারাদিনে পরিশ্রমও তো কম হয় নাই তাঁহার। কালীঘাট, গঙ্গারঘাট, নকুলেশ্বর তলা, ছুটোছুটি কাণ্ড! আত্মিক পূজার শেষে ঠাকুরের প্রসাদী বাতাসা দুইখানা গালে দিয়া একঘটি জলপানান্তে অঘোরে ঘুমাইয়া পড়িলেও সত্যি দোষ দেওয়া যায় না তাঁকে।

ঝড়ের ঝাপটে ভারী কপাট দুইখানা থাকিয়া থাকিয়া ‘বনাৎ বনাৎ’ শব্দে আছাড় খাইতে থাকে...সে শব্দ যে ঘুমাইয়া পড়িয়াছে তাহার কানে যায় না, যে জাগিয়া আছে তাহাকে যেন থাকিয়া থাকিয়া আছাড় মারে।

...

...

...

অনেক রাত্রে কে একজন উঠানে আসিয়া ধীরে ধীরে—“পিসীমা পিসীমা” বলিয়া ডাকে, কিন্তু কে কোথায়? কিছুক্ষণ ইতস্ততের পর সে বোচার নিতান্ত নিরুপায়ের ভঙ্গীতে লঠনের শিখাটা সতেজ করিয়া দিয়া সিঁড়ি দিয়া উঠিয়া যায় উপরে।...বিপদ মন্দ নয়! সময় আর বিজয় তো দিব্য কাটিয়া পড়িল পথ হইতে, গৌরান্দ শশ্মান ঘাটে একবার বসি করিয়া ভয়ে কাঁপিতে কাঁপিতে বাড়ী ঢুকিয়াছে, আর এই রাত্রি একটার সময় এই ভয়াবহ ঞ্জোত পুরীতে আসিবার ভার পড়িল প্রবীরের ঘাড়ে।...

কিন্তু প্রবীরই বা আসিল কেন?

না আসিলে কে বা তাহাকে ফাঁসি দিত?

খোকনের গলার স্ততার মতো সরু সোনার হারটুকু একরাত্রি প্রবীরের পকেটে পড়িয়া থাকিলেও এমন কিছু মহাভারত অন্তর্ভুক্ত হইয়া যাইত না। তবে? গোপন অন্তরের গভীর তলায় নিজেই কি একবার আগ্রহ জাগে নাই প্রবীরের? সেই পাষণ প্রতিমাকে আর একবার দেখিবার আগ্রহ?

তেমনি করিয়াই বসিয়া আছে, না আপনাকে বিদীর্ণ করিয়া লুটাইয়া লুটাইয়া কাঁদিয়া যায় মমতাহীন কৃষ্ণ নিষ্ঠুর পৃথিবীর মাটিতেও চেতনা জাগাইয়া তুলিতেছে? কে দেখিবে তাহাকে?...

অখিলেশ?

কৃষ্ণবালা?

...

...

...

উপরের দালানে আসিয়া আর একবার মুহূর্ত্ত জীর্ণ কণ্ঠে—“পিসীমা” বলিয়া ডাকিতেই আরতি ঘরের বাহির হইয়া আসিয়া দাঁড়াইল।

প্রশ্ন করিল না—‘কে’? শুধু চুপচাপ দাঁড়াইয়া রহিল। যেন চোর ডাকাত হইলেও ক্ষতি নাই তার। যেন ভয় করিবার উপযুক্ত কারণ আর কিছুই নাই পৃথিবীতে।

—পিসীমা কোথায়?—মুহূ কণ্ঠ শোনা যায় প্রবীরের।

—কি জানি। বোধ হয় ঘুমিয়ে পড়েছেন।

মাসুকের কণ্ঠস্বরে যেন রাত্রির গভীরতা কিছুটা হালকা হইয়া আসে, নিশ্বাস প্রশ্বাস সহজে বয়।

—খোকায় গলার এই হারটা—

কুণ্ঠিত অপরাধীর ভঙ্গীতে হার সমেত হাতটা বাড়াইয়া দিতেই, চিরশাস্ত স্বস্তির মাসুখটা হঠাৎ একটা কাণ্ড করিয়া বসে।...সোনার হার সমেত হাতখানা চাপিয়া ধরিয়া অস্বাভাবিক কণ্ঠে বলে—প্রবীর ঠাকুরপো! আপনি! আপনি আমাকে একটু দয়া করতে পারেন?...আমাকে এখান থেকে নিয়ে যেতে পারেন?

সংস্কারের বশেই হাতখানা ধরিয়া পড়ে হাতের উপর হইতে, মুহূর্তের স্বেযোগকে দৃঢ় মুষ্টিতে চাপিয়া ধরিবার সাহস সহসা হয় না।

—কোথায় যেতে চান, বলুন?

—যেখানে হোক!...শুধু এ বাড়ীর চৌকাঠের বাইরে।

এক মুহূর্ত অপেক্ষা করিয়া প্রবীর আর একবার প্রশ্ন করে—কিন্তু একটা কোথাও ঠিক না করে—দেশে-বিদেশে যেখানেই আপনার কোনো আত্মীয় থাকুন, পৌঁছে দেবো আমি কথা দিচ্ছি।

—বিদেশে? জামালপুরে পৌঁছে দিতে পারবেন?

—নিশ্চয়ই। এ বাড়ীতে—এ অবস্থায় আপনাকে ফেলে রেখে গিয়ে নিশ্চিন্ত থাকার সহজ নয়।...অখিলেশদা ফেরেন নি তো?

—না।

দালানের আলোর উজ্জ্বল শিখা, অথবা মল্লয়কণ্ঠের মুহূ রেশ—কারণটা যাই হোক—কুম্বালার এতক্ষণে ঘুম ভাঙে—“অখিল এলি বাবা?” বলিয়া আলুথালু বেশে বাহির হইয়া আসিয়াই যেন বিহ্ব্যতাহতের মতো আড়ষ্ট হইয়া যান। সম্বিত পাইয়া যখন ফিরিয়া যান, মনে হয় লজ্জায় ঘৃণায় মাটির সঙ্গে মিশাইয়া গেলেই যেন বাঁচেন তিনি।

—আ আমার কপাল! তাই বলি—অখিল আমার এই বয়সে—

শ্লেষ, বেদনা, হতাশা, দ্বিষ্কার অনেক কিছুই সংমিশ্রিত তীক্ষ্ণ এই মন্তব্যটুকু শোনা যায় কুম্বালার ঘরের ভিতর হইতে।

সেই ঘরের দিকে একমিনিট তাকাইয়া থাকিয়া প্রবীর দৃঢ় স্বরে বলে—আপনি তৈরী হয়ে থাকবেন বৌদি, কালই নিয়ে যাবো।

॥ আট ॥

ট্রেন জামালপুর স্টেশনের নিকটবর্তী হইতেই প্রবীর বাব্বের উপর হইতে আপনার ভারী স্ট্রকেশটা নামাইয়া রাখিয়া কহিল—বৌদি এসে গেল।

আরতি উঠিয়া বসিয়া এতক্ষণে প্রথম কথা কহিল—তুমি কোথায় যাবে ঠাকুরশো?

—এই তো আপনার সঙ্গেই এলাম।

—আমায় পৌঁছে দিয়েই চলে যাবে?

—তবে? কেন বলুন তো?

—এত বড় স্ট্রকেশ সঙ্গে নিয়েছ দেখে ভাবছি বুঝি আরো অনেক দূরে যাবে।

—এতে আপনার কাজে লাগবার মত কতকগুলো মাল আছে, সত্যি তো আর একবন্দে ভদ্রলোকের বাড়ী গুঁঠা চলে না? অবশ্য জামা-টামাগুলো মাপে ঠিক হবে কি না জানি না, আন্দাজি নেওয়া।

আরতি মুহূর্তের জল্প প্রবীরের চোখের উপর চোখ রাখিয়া মৃদুস্বরে প্রশ্ন করিল—তুমি সব কিনেছ?

আসল প্রসঙ্গটা এড়াইয়া প্রবীর খোলা কোটটা গায়ে চড়াইতে চড়াইতে তাড়াতাড়ি কহিল—কেন রাগ করলেন না কি?

—রাগ? না রাগ করিনি, এখনো আমার জন্মে কেউ ভাবে দেখে আশ্চর্য লাগছে।

—ভাববে না কি রকম? কি মুন্সিল! নিন উঠুন, বাড়ীর ঠিকানাটা বলতে পারবেন তো? স্টেশন থেকে খুব দূর না কি?

—কি জানি, এখানের কোনো ঠিকানাই তো আমি জানি না ঠাকুরশো।

—বলেন কি!

উদ্ভ্রান্ত আরতি যখন এই জায়গাটার নাম করিয়াছিল তখন প্রবীরের ধারণা জন্মিয়াছিল খুব সম্ভব আরতির পিত্রালয় এখানে।

কিন্তু এখন এ বলে কি!

—তা'হলে হঠাৎ এখানে আসতে চাইলেন যে?

—কি জানি ছেলেবেলায় একবার এসেছিলাম—খুব ভালো লেগেছিল জায়গাটা, তাই হয়তো—

ছেলেবেলায় কাদের বাড়ী এসেছিলেন তা'হলে?

—মামীর বাপের বাড়ী এসেছিলাম মামীমার সঙ্গে, কিন্তু তারা তো আর নেই।

ট্রেন প্রাটফরমে আসিয়া পৌঁছাইয়া গেল, এখন আর নামিবার তাড়াহুড়া নাই, তাছাড়া এটা গাড়ীর বিশ্রামস্থল, কাজেই খুব ব্যস্ত হইবারই বা কি প্রয়োজন থাকিতে পারে।

কিংকর্তব্যবিমূঢ় প্রবীর প্রশ্ন করিল—আপনার বাপের বাড়ী কোথায়? কেউ নেই সেখানে?

—না।

অসহায় নারীর ক্লিষ্ট মুখচ্ছবি বলিষ্ঠ পুরুষচিত্তকেও সহজে আর্দ্র করিয়া তোলে, সৰুৰূপ মমতায় সমস্ত হৃদয় আচ্ছন্ন হইয়া আসে।

এই বাম্পভারাবনত দীর্ঘ আঁখিপল্লব, এই কম্পিত অধর, এই করুণ কোমল মুখশ্রী, কোন দিন কি সন্ন্যাসী অখিলেশের চোখে পড়ে নাই? মুহূর্তের জলও কি ব্রত ভঙ্গ করিয়া এই ক্ষীণ স্বকুমার তলুখানি সবল বাহুবেষ্টনে চাপিয়া ধরিতে সাধ জাগে নাই?

পুঁথির অন্তরালে স্নেহমমতা প্রীতিপ্রেম সমস্ত বিসর্জন দিল কেমন করিয়া? যে লোক দয়াময়ের ভঞ্জন করে, মানুষকে অবহেলা কি তাহার গায়ে লাগে না?

—আচ্ছা জামালপুর ছেড়ে দিন, ভালো করে ভেবে বলুন তো আর কোথায় যেতে চান—অর্থাৎ যত্নের সঙ্গে গ্রহণ করবে এমন কেউ আছে কি না।—কোমল স্বরে প্রশ্ন করে প্রবীর।

ঈশং হাসির ছাপ কম্পিত গুঁঠাধরে ফুটিয়া ওঠে আরতির—স্বামীর বাড়ী থেকে পালিয়ে আসা মেয়েকে কেউ আদর করে নেয় না ভাই, নিজের বাপ-মাও না। তাড়িয়ে দিতে যদি নিতান্ত না পারে, লাঞ্ছনার সঙ্গে নেয়।

স্থিরদৃষ্টিতে কিছুক্ষণ আরতির নত মুখের পানে চাহিয়া থাকিয়া ঈশং গভীর স্বরে প্রবীর কহিল—কিন্তু যদি কেউ আদরের সঙ্গে, শ্রদ্ধার সঙ্গে নিতে চায়—তাকে সে অধিকার দিতে পার না কি আরতি? নাম ধরলাম বলে রাগ কোরো না, অসহায় দেখে অপমান করছি মনে করে ভুল বুঝানো—বড় ছোট, ভারী ছেলেমানুষ মনে হয় তোমাকে, তাই নাম ধরে ডাকতে ইচ্ছা করে।

আরতি কথার উত্তর দিবে কি, এই স্নেহ-সহায়ভূতির স্পর্শে তাহার বঞ্চিত হৃদয়ের রুদ্ধ-বেদনা ছুই চোখে অশ্রুর প্লাবন বহাইয়া দেয়।

চাহিয়া থাকিতে পারে না বলিয়াই জানালার বাহিরে মুখ বাড়াইয়া দেয় প্রবীর। অবস্থাটা বড় কষ্টকর।

সন্নেহে সান্ত্বনা দিবার অধিকার নাই, অশ্রুলাঙ্ঘিত মুখখানি কাছে টানিয়া মুছাইয়া দিবার উপায় নাই, দিবার কথা ভাবিতেও নাই। নিরুপায় স্কেতে শুধু বসিয়া বসিয়া দেখা।

চোখের জলকে অনেকক্ষণ ব্যরিতে দিয়া কিছু পরে আরতি নিজেই বলে—না রাগ করবো না—কিন্তু সাহস কি তোমার সত্যিই হয়? এতবড় বোকা বইতে পারবে? এক-দিনের দয়ামায়া নয়—চিরকাল—চিরদিন?

—বিশ্বাস করে দিয়েই দেখ আরতি! আজ আর স্বীকার করতে লজ্জা করব না—এ শুধু একদিনের দয়ামায়া নয়, যখন তোমার সঙ্গে না ছিল পরিচয়, না ছিল চোখের দেখা, তখন থেকে প্রতিনয়িত তোমার বঞ্চিত জীবনের গ্লানি আমাকে পীড়া দিয়াছে, তোমার স্কেতের বেদনা অহরহ করেছে আকর্ষণ। অমরেশ যখন পালালো তখন—

কি ইচ্ছে হয়েছিল জানো আরতি? উচ্ছে হয়েছিল—সেই নিষ্ঠুর দৈত্যপূরীর কবল থেকে ছিনিয়ে নিয়ে আসি তোমাকে। নিজেই মনকে সব সময়ে বিশ্বাস করতে পারতাম না বলেই এড়িয়ে যেতাম তোমার সদ। আজ দৈব বা দুর্দৈব যাই বল—হৃদয়কে সংসারের গণ্ডির বাইরে এত কাছাকাছি এনে ফেলেছে বলেই হয়তো এতো বড় অসম্ভব কথা শোনার ব্যুৎসাহস হ'ল। তাই বলছি—তোমার সব ভার বইবার সৌভাগ্য আমাকে দাও আরতি।

আপনার উত্তম মুষ্টির ভিতর আরতির হিমশীতল কম্পিত আঙুল কয়টি চাপিয়া ধরে প্রবীর।

আরতি হাত ছাড়াইবার চেষ্টা করে না, তেমনি ভাবে বসিয়া সরল দুই চোখ প্রবীরের মুখপানে তুলিয়া ধরে। বাম্পলেশহীন স্থিরকণ্ঠে ধীরে ধীরে বলে—আমারও আজ স্বীকার করতে বাধ্য নেই—স্বামী যখন নিজের দায় এড়িয়ে, গেলেন মুক্তির পথ খুঁজতে, দিক্বারে অভিমানে নিজেকে নষ্ট করবার এক দুর্দাস্ত সখ জেগেছিল। ভেবেছিলাম—ওকে দেখিয়ে দেব অবহেলায় ফেলে রাখলেই সব জিনিস পড়ে থাকে না। মাহুস তো জড় নয়—তার রক্তমাংসের শরীরের সমস্ত প্রয়োজনকে চোখ বুজে অস্বীকার করে গেলেও অম্ববস্ত্রের প্রয়োজনকে অস্বীকার করবার উপায় নেই। অহঙ্কার করে বলেছিলাম—ভার যদি কাউকে দিতেই হয় তার দাম দেব, হাত পেতে ডিম্বার ভাত খাবো না। কিন্তু খোকা সে সাহস নষ্ট করে দিয়ে গেছে। দেখলাম প্রতিশোধ নেওয়াও সহজ নয়। তারও বড় বেশী দাম দিতে হয়।

—কিন্তু এতো প্রতিশোধ নেওয়া নয় আরতি? এ শুধু বাঁচবার চেষ্টা। একজনের খেয়ালের খেলায় আর একজনের জীবন মিন্যে হয়ে যাবে এর কোনো অর্থ হয়? এত বড় জীবনটা তোমার কাঁচবে কি নিয়ে বলতে পারো?

—বিধবারও তো দিন কাটে প্রবীর?

—না, কাটে না। সংসার-সমাজের শাসন, আর লোকনিন্দার ঘেড়া-আঙুনের ভয় তাকে কাটাতে বাধ্য করে। নইলে কাটত না।

—আচ্ছা আমার কথা থাক, তোমারও তো সমাজ, সংসার, লোকনিন্দার ভয়, সবই আছে?

—আমি ওসব গ্রাহ্য করি না। তা'ছাড়া তুলে যাচ্ছে কেন, আরো একটা জিনিস আমার ভগবানের দয়ায় প্রচুর আছে, যা সকলের মুখ বন্ধ করে রাখতে পারে। আমার কথা ভেবো না, শুধু তোমার নিজের কথা বল—জীবনটাকে দ্বিতীয়বার পরীক্ষা করে দেখবার চেষ্টা কি অসম্ভব চেষ্টা?

—বুঝতে পারছি না প্রবীর—আগে ভাবতাম—পথে বেরোতে পারলেই বুঝি অনেক পথ খোলা পাওয়া যায়। কিন্তু কই সে পথ? কোন পথে সত্যিকার মজল? নিজের তুলে অপনকে দুর্গতির পথে টেনে নিয়ে যাবো কোন ধর্মে? একটা সামান্য মেয়েমাহুসের দায় যে এত বড়, আগে সে খেয়াল ছিল না। তার চাইতে হয়তো ফিরে যাওয়াই ভালো।

—কোথায় ফিরবে ?

—যেখান থেকে পালিয়ে এলাম।

—কখনো না, কিছুতেই না—তীব্রভাবে প্রতিবাদ করিয়া ওঠে প্রবীর—ভিখিরীর দরজায় হাত পাতার অপমান থেকে তোমায় বাঁচাবো আমি।

॥ নয় ॥

আনন্দময় যে চাল চালিতে জিদ করিয়া মন্দিরকে আনিলেন, সে চাল ব্যর্থ হইল মন্দিরার জ্বিদে। জ্যোতির্গর্ভী প্রদত্ত অর্থের কানাকাড়িও আনন্দময়ের ক্যাশবাক্সে উঠিল না।

মন্দিরার কাছে আনন্দময়কে হার মানিতে হইল। বার বার—“লইতে অনিচ্ছুক” ছাপ মারিয়া প্রেরিত অর্থ আবার দাতার ভাঁড়ারেই ফিরিয়া গেল।

দুঃখের ঘরে দুঃখের মত থাকিতে চায় মন্দিরা।

এখন এই ধাড়ি আইবুড় মেয়ে লইয়া আনন্দময় করেন কি? মুন্সিল এই—ধমক দিয়া ‘টাণ্ডা’ করিয়া দিবার সাহসও হয় না। নিজের দুর্বলতা দেখিয়া নিজেরই আশ্চর্য লাগে আনন্দময়ের।

কিন্তু মেয়ের কাছে হারিয়া যাওয়ার লজ্জা মেয়েকে জব্দ করিবার ফিকির খুঁজিয়া বেড়ায়। এবং ইহারই সহজ উপায় হইতেছে—কত্তাকে অনভিপ্রেত এবং অরূচকর বিবাহে বাধ্য করা।

‘মন্দিরাও ভাবিয়া আশ্চর্য্য হয়, সকলের সঙ্গেই বেশ মানাইয়া চলা যায়—মাকে, ভাইবোনগুলিকে তো বেশ ভালবাসিতেই ইচ্ছা করে, কিন্তু শুধু পিতার উপরই বা এমন বিজাতীয় বিদ্বেষ আসে কেন তাহার ?

পিতা ও কত্তার অন্তরে অন্তরে এই এক রেবারেঘির লড়াই চলে।

আজ্ঞাও সকালে ঘুম ভাঙ্গিয়া উঠিয়াই আনন্দময় বাসকে ডাকিয়া প্রণাম করিলেন—নবাবকত্তাটি গেলেন কোথা ?

‘নবাব কত্তাটি’র অর্থ হৃদয়লম্ব না হইলেও—শুনিয়া শুনিয়া বাস্বর মুখস্থ হইয়া গিয়াছে, তাই সহজেই প্রবীর উত্তর দিল—দিদি সেই রাত্তির থেকে পড়া করছে। জানো বাবা, দিদি নাকি শাস্তিকাকার চাইতে অনেক অনেক বেশী পড়া জানে ?

—তবে আর কি চোদ্দপুরুষ উদ্ধার হয়ে গেল আমার! একে কেবোসিনের এই দুর্বলতা, আর রাত্তির থেকে পড়া হচ্ছে ? বার যা খুন্সী তাই করছে যে দেখি।

বলাবাহুল্য মন্দিরার কর্ণগোচর করাইবার উদ্দেশ্যেই কথাগুলি উচ্চারিত হইল। এবং

উদ্দেশ্য সিদ্ধি হইবার পক্ষে কোন বাধাও ছিল না। কিন্তু গায়ে পড়িয়া কথা বাড়াইবার বা মতামত ব্যক্ত করিবার মেয়ে মন্দিরা নয়।

যদিও সকালের আলো ফুটিয়াছিল, তথাপি কেবোসিনের শিখাটা আরো উজ্জ্বল করিয়া দিয়া মন্দিরা “নবাব কল্যা” কথাটা লক্ষ্য করিয়া হাতকে উদ্দেশ্য করিয়া হাসিতে হাসিতে বলে—বাবার নবাব হবার সখটি ষোলো আনা, না রে হাত? লোকে না মাছুক নিজেই বলে বলে যতটা পারেন—কি বলিস?

মেয়েকে সমীহ অমিয়াও করে না তা নয়, তবু মেয়ে আশায় ছোট ছেলে মেয়ে-গুলির দায় হইতে কতকটা অব্যাহতি পাইয়া সে যেন বাঁচিয়াছে। স্বামীর আচার-আচরণ অবশ্য কখনোই সে ভাল চক্ষে দেখে না, জ্যোতির্পর্যায় কাছ হইতে অর্থসাহায্য লইতে আপত্তি করার পর হইতে মেয়ের উপর আনন্দময়ের ব্যবহারটাও তার নিতান্তই দৃষ্টিকটু ঠেকে, তবু সাহস করিয়া প্রতিবাদ করিতে পারে না। কিন্তু আজ যখন আনন্দময় বাহির হইতে ঘুরিয়া আসিয়া গায়ের ফতুয়াটা খুলিতে খুলিতেই উচ্চ টীংকারে কহিলেন—স্বাক্ষরটা পাকা করে এলাম বুঝলে?—তখন প্রতিবাদ না করা তসত্ত্ব হইল বেচারার পক্ষে।

ঈশ্বর জোর গলায় কহিল—পাকা করে এলে মানে? সে আবার কি?

—অবাক হয়ে গেলে যে? মেয়ের বিয়ে দিতে হবে না?

—দিতে হবে বলে যা তা দিতে হবে? তাছাড়া ওর বিয়ের জঞ্জি আমাদের এত ভাবনা কেন? নতুন দিদিমা—

আনন্দময় বিরক্ত মুখে কহিলেন—হ্যাঁ, তোমার নতুন দিদিমা তো সবই করলেন! কুড়ি বছরের মেয়ে পুষে খাড়া করলেন, অথচ বিয়ের নাম গন্ধ নেই। ওসব বড়মাসুকের ধার আমি ধারি না। আমার মেয়ে, আমি যেখানে খুসী—বার সঙ্গে খুসী বিয়ে দেব, ব্যস। এর ওপর আর কথা নেই।

জঞ্জিহেবের শেষ রায় দিবার ভঙ্গীতে শেষের কথা কয়টি উচ্চারণ করিয়া কর্তাজনোচিত ভাবে তেলের বাটি লইয়া জলচৌকীতে বসিলেন আনন্দময়।

অমিয়া বোধকরি মরিয়া হইয়া আরো কিছু বলিতে যাইতেছিল, মন্দিরা পিছন হইতে মুখ টিপিয়া হাসিয়া কহিল—ও মা, বেশী পাকা কথা কইতে বারণ করো বাপু, পাড়ার্গেয়ো মাসুখ, আইনকাহ্নন অতশত জানেন না তো, জোর করে বিয়ে দেবার অনেক ফ্যাসাদ আছে কি না! শেষটায় মুঞ্চিলে না পড়েন।

—বাঃ চমৎকার—বাপকে আইন দেখানো! কলকাতার শিক্ষা বটে!—বলিয়া আনন্দময় ক্রুদ্ধদৃষ্টিতে মাতা কল্যা উভয়কে বিদ্ব করিয়া হন হন করিয়া পাতকুয়ার ধারে প্রস্থান করিলেন।

নাঃ, মেয়েকে তিনি দেখিয়া লইবেন।

জ্বরদন্তি করিয়া বিবাহ দেওয়ার কল্পনাটা এমনই হাতুকার ছেলেমাসুখি লাগে যে, সেটা লইয়া বেশী মাথা ঘামায় না মন্দিরা।

মাথা ঘামায় অমরেশের চিন্তায়।...

কেন গেল! কোথায় গেল! এসব ভাবনা পূরনো হইয়া গিয়াছে, কিন্তু জলজ্যাস্ত একটা মাহুয় সত্য সত্যই হারাইয়া গেল, এই চিন্তাটাকে কিছুতেই বরদাস্ত করা চলে না। এটাই নূতন হইয়া উঠে।

প্রথম প্রথম ভাবতে চেষ্টা করিত, দূর হোক ছাই—যাহারা তাহার পরমাত্মীয় তাহারাই যখন মনকে মানাইয়া লইতে পারিল, মন্দিরার এত মাথাব্যথা কিসের ?

চেষ্টা করিলে কি হয়, মাথা আপন হিসাবেই ব্যথাগ্রস্থ থাকিয়া যায়। অবশেষে মন্দিরা চিন্তার অন্ত ধারা বাছিয়া লয়।...আচ্ছা, একথাও তো ভাবিবার মত, অহরহ অমরেশের চিন্তাই বা তাহার মনের মধ্যে ঘোরাক্ষেপণ করে কেন? এত পরিচিত, অর্দ্ধ পরিচিত, স্বল্প পরিচিত লোকের মাঝখানে অমরেশই বা এমন বিশিষ্ট স্থান অধিকার করিয়া বসিল কোন অধিকারে? ইহাকেই প্রেম বলে না তো? কিন্তু যখন অমরেশ হারাইয়া গিয়াছিল, তখন তো এতো অধৈর্য্যভাব আসে নাই। যতীন মুখুজ্যের সন্ত মৃত্যুর আঘাতটা বোধহয় তখন অন্ত অল্পভূতির তীব্রতা কমানিয়া আনিয়াছিল।...তারপরই তো এখানে চলিয়া আসা! কি জানি বিরহের আগুনের আলোতেই বুঝি মনের ভিতরটা এতো স্পষ্ট ধরা পাড়িয়াছে।

প্রেমের লক্ষণ বিচার করিয়া অবশেষে সন্দেহের আর কিছু থাকে না, এবং বেহায়া মেয়েটা একদিন জোর কলমে লিখিয়া বসে—‘দাদাভাই গো, তোমার নিরুদ্দেশ বন্ধুর উদ্দেশ করছনা কেন? দেখছো না তার জন্তে ভেবে ভেবে মরে যাচ্ছি?’

দুইবার রিডাইরেস্ট হইয়া সে চিঠি এলাহাবাদে প্রবীরের হাতে পৌঁছিয়া উত্তর আসিতে দেয়ী হইল অনেক। উৎসাহী আনন্দময় ইতিমধ্যে কল্লার বিবাহের ব্যবস্থা রীতিমত ঘোরালো করিয়া তুলিয়াছেন।

কিন্তু প্রবীরই বা করিবে কি, সে তো আর অমরেশকে ধরিয়া আনিয়া মন্দিরার আঁচলে বাঁধিয়া দিবে না? আপনার জীবনের নূতন সমস্তা লইয়া তখন সে ব্যস্ত।

শুধু লেখার ভিতর ব্যস্ত করিয়াছে তার বলিষ্ঠ হৃদয়ের স্পষ্ট মতামত। লিখিয়াছে—‘মন্দিরা, আমার বন্ধুর ভাবনায় তুমি মরতে বসেছিস, এটা সত্যি আমায় অর্থাৎ কঁরে দিয়েছে। এটা আবিষ্কার করলি কখন? ‘চোর পালালে বুদ্ধি বাড়ে’ প্রবাদটা মিলে যাচ্ছে যে। কিন্তু মরতে যদি সত্যি বসে থাকিস—বসে বসে মৃত্যুর দিন গুনিস নি। শুধু মনে রাখিস বাঁচতে হলে বাঁচবার চেষ্টা চাই। তোর জীবনের জটিল সমস্তার জট তোকেই খুলতে হবে। এটুকু চেষ্টার জন্তে যে দৈর্ঘ্য যে বল থাকা আবশ্যিক তা যদি নাই থাকে—মরা আর বাঁচার মধ্যে কোনো পার্থক্য থাকে না। হয়তো কাছে থাকলে তোর কিছু সাহায্য করতে পারতাম—কিন্তু আমার জীবনের সমস্তা আরো অনেক বেশী জটিল হয়ে উঠেছে। তার সত্যিকার সমাধান যে দিন সহজ হয়ে দেখা দেবে, সেই দিন কিরব তোদের কাছে, তার আগে নয়।’

কলিকাতায় থাকিলে হয়তো অমরেশের সন্ধান করা অসম্ভব হইত না, কিন্তু অমরেশের

উপর অভিমানে, জ্যোতির্ষ্মীর উপর অভিমানে যেন সমস্ত বিশ্ব ব্রহ্মাণ্ডের উপরেই অভিমান করিয়া মন্দিরা এই অপরিচিত পিতৃগৃহে আপনাকে নির্বাসন দিয়াছে।

কিন্তু জীবনটা কি মিথ্যা অভিমানে নষ্ট করিয়া ফেলার মত তুচ্ছ বস্তু? অমরেশকে যদি মতাই তাহার প্রয়োজন থাকে, সমস্ত পৃথিবী খুঁজিয়াও কি বাহির করিতে হইবে না তাহাকে? আপনার নিভৃত হৃদয়ের মুখোমুখি দাঁড়াইয়া প্রয়োজনের ওজন অনুমান করিবার চেষ্টা করে মন্দিরা।

বিনিময় রাজির অনেকটা অংশ কাটিয়া যায় সম্ভব অসম্ভব কত কিছু কল্পনায়।

কখনো সেকালের রাজকন্ঠার মত ‘ময়ূরপঙ্খী নায়ে’ চড়িয়া বাহির হয় নিরুদ্দেশ রাজপুত্রের উদ্দেশে—বাহির হয় পুরুষের সাজে পক্ষীরাজ ঘোড়ায় চাপিয়া তেপান্তরের মাঠে। কখনো এ-কালের লর্ড ড্রুহিতার মত নিজস্ব ‘প্লেনে’ চড়িয়া আকাশের গায়ে, অথবা টু-সিটার খানায় চাপিয়া অজানা শহরের পীচঢালা রাস্তায়।

হয়তো কাছে থাকিলে প্রয়োজন এত তীব্র হইয়া দেখা দিত না। দূরে সরিয়া গিয়াছে বলিয়াই তার জায়গায় শূন্যতাটা এত স্পষ্ট হইয়া উঠিয়াছে। হয়তো অমরেশ উপলক্ষ্য মাত্র, সত্ত্ব জাগ্রত যৌবনের দুনিবার আবেগ আপনাকে প্রকাশ করিবার একটা পথ চায়।

নিজেকে বাঁচাইবার কি উপায় উদ্ভাবন করিয়াছে, মন্দিরাই জানে। হাঁতমধ্যে আনন্দময় নিশ্চেষ্ট নাই। স্থল হইতে ফিরিয়া অমিয়ার উদ্দেশে কহিলেন—মেয়েটাকে চট্ করে একটু সাজিয়ে গুছিয়ে দাও দিকিনি, বিঁকরগাছার তারা আজকে দেখতে আসছে।

অমিয়া কহিল, কেন? আসছে রবিবারে আসবার কথা ছিল না?

—ছিল তো হয়েছে কি? আজই আসবে তারা, তাদের খুশী। তোমার ওই দ্বিধা মেয়ের কলকাতাই চালের সাজগোজ খুলে ভঙ্গলোকের মেয়ের মত যা হয় একটা পরিয়ে দাও।

অমিয়া বিপন্নভাবে কহিল—আমি আবার ওর কি করে দেব? তাছাড়া ওর চেহারায় কিছু না সাজলেও চলবে।

—ওই গুমোরেই গেলে, লম্বায় যে আমার মাথা ছাড়িয়েছে সে ছাঁস আছে? আর রং তো হাল্ধ বর্ণের চেয়ে ময়লা বই ফরসা নয়।

বাহিরের লোকের কাছে অবশ্য অল্প কথা বলেন আনন্দময়।

পাত্রী দেখিতে যাহারা আসিয়াছে, তাহাদের কাছে সালঙ্কারে মেয়ের গুণবর্ণনা করিয়া অবশেষে বলেন—চেহারার কথা আর নিজে কি বলবো আপনারা দেখে নেবেন—কইয়ে লাট্টু তোর বড় দিকিকে নিয়ে আস না।

লাট্টু আসিয়া সভয়ে নিবেদন করিল—বড়দি বললেন, মাথা ধরছে, আসতে পারবেন না।

—মাথা ধরছে? অ্যা বলিস কি! আঃ সারা সকালটা হেঁসেলঘরে থাকবে, মানা

শুনবে না তো! অত করে বললাম আজকের দিনটা অন্ততঃ বন্ধ দে, তা মা লক্ষ্মীর মন উঠলো না। নিজে হাতে করে সকলকে না খাওয়ালে তার আর—মাই দেখে আসি! পারবেনা বললে কি চলে? ভদ্রলোকেরা এসেছেন—বলিয়া আনন্দময় ব্যস্তভাবে বাড়ীর মধ্যে ঢুকিয়া যান।

অমিয়া ভয়ে কাঠ হইয়া দাঁড়িয়া বসিয়াছিল, আজ যে কি মহাপ্রলয় ঘটবে তাই ভাবিয়া তাহার সর্কশরীর অবশ হইয়া আসিতেছিল। মন্দিরকে অবশ্য সাধ্যমত বুঝাইয়াছে সে, কিন্তু মন্দিরও আনন্দময়েরই কত্তা।

তবে মাকে সে জ্বালাতন করে নাই, শুধু হাসিয়াছে আর বলিয়াছে—আচ্ছা মা, তুমি অত ভয় পাও কেন বলতো? বড় বাপু বোকা মেয়ে তুমি! যত ভয় করবে ততই ঠকে যাবে। চোখ রাঙাতে শেখ, দেখবে আনন্দ সাত্তাল 'স্পিকটি নট'।

হতাশ অমিয়া অবশেষে বাহিরে আসিয়া বসিয়া আছে।

আনন্দময় ভিতরে ঢুকিয়াই চাপা গর্জনে 'মা লক্ষ্মী'র উদ্দেশে কহিলেন—সে হারামজাদী লক্ষ্মীছাড়ি গেল কোথায়?

অমিয়া চোখের ইঙ্গিতে একখানা ঘর দেখাইয়া দিল।

তুই কোমরে তুই হাত রাখিয়া আনন্দময় বীরস্বব্যঙ্গক ভঙ্গীতে ছুয়ানের চৌকাঠে দাঁড়াইয়া কহিলেন—তুমি কি ভেবেছো বলতে পারো?

মন্দির নিবিষ্টচিত্তে নাটুর অঙ্কর খাতা পরিদর্শন করিতেছিল, পিতার কথায় চমকানোর ভঙ্গীতে পিছনের দিকে তাকাইয়া কহিল—ভাবছি, নাটু এবার প্রমোশন পেলে হয়, ঝাঁকে যে রকম কাঁচা!

—রেখে দাও তোমার ঝাঁক, আর তোমার গুটির মাথা। বলি, বাইরে যেতে পারবেনা বলেছ কেন শুনি?

ছদ্ম সরলতা ত্যাগ করিয়া মন্দির ঈষৎ গম্ভীর ভাবে কহিল—তা'র কারণ, এখানে যখন বিয়ে হতেই পারে না, তখন শুধু শুধু কেন কষ্ট করে বাইরের লোকের সামনে বেরবো?

—যথেষ্ট জ্যাঠামী হয়েছে, হতে পারে না মানে কি? আলবাস হবে।

—না অসম্ভব।—বলিয়া মন্দির আবার খাতার পাতায় মন দিবার চেষ্টা করে।

—আমি এইখানেই বিয়ে দেব তোমার। শীগগির চলো, যদি ভালো চাপ।

—আচ্ছা যাচ্ছি।—বলিয়া খাতা মুড়িয়া দাঁড়ায় মন্দির।

সাজগোজের কথা বলিবার ভরসা বা স্পৃহা হয় না আনন্দময়ের। তবে সর্কদাই এতো ভালো ভালো শাড়ী ব্লাউজ পরিয়া থাকে মন্দির যে, এ অঞ্চলে তাহাকে নিমন্ত্রণ-বাড়ীর সাজ বলিলেও অত্যাঙ্কি হয় না। সব চাইতে কম ভালো শাড়ী গুলাই তাহার এইরূপ।

তবু বিশেষ করিয়া আজ সে চুল বাঁধিয়াছে টাঁচিয়া ছুলিয়া কপাল বাহির করিয়া।

বিষদৃষ্টিতে একবার মেয়ের আপাদমস্তক নিরীক্ষণ করিয়া আনন্দময় তাহাকে সেই অবস্থাতেই একরকম টানিয়া বাহিরের ঘরে লইয়া যান।

মেয়ের এরূপ রণরঙ্গিণী মুক্তি দেখিবার জ্ঞাত অবশ্য পাত্রপক্ষ প্রস্তুত ছিলেন না, তবু ভদ্রতা বজায় রাখিয়া তাঁহার 'মা লক্ষ্মী এসো মা' বলিয়া সাদর সম্ভাষণ করিলেন।

পাত্র দ্বিতীয়পক্ষ, দলের মধ্যে তিনিও ছিলেন, কিন্তু আত্মগোপন করিয়া। কারণ বিবাহ করার উদ্দেশ্যে তাঁহার কয়েকটি মাতৃহারা শিশু-সন্তানের লালনপালনের জ্ঞাত। মেয়েটি তত্পূর্ণ হইবে কি না সেইটি শুধু দেখিয়া লওয়া—এই আর কি।

অবস্থাপন্ন লোক। জ্যেত-জমা বিস্তর আছে, এবং এ বাজারে যে ধানজমি ক্ষেত-খামার অপাড়্বেয় নহে সে জ্ঞানটুকুও বিলক্ষণ আছে। মেয়েটি স্কন্দরী বয়স্হা এবং কলিকাতায় শিক্ষিতা গুলিয়াই তিনি এতটা বুঝিয়াছেন।

মন্দিরা শান্তভাবে আসিয়া বসিল, প্রণাম করিল এবং পুরোহিতের প্রশ্নোত্তরে যখন নিব্বিবাদে নিজের নামও বলিল, তখন আশ্চর্যচিত্ত আনন্দময় মনে মনে উচ্চারণ করিলেন—এই তো তড়পানি বন্ধ হয়ে গেছে। হুঁ বাবা, যা ধমক দিয়েছি—মেয়েমাতুষ চোখ রাঙালেই জন্ম। সাধে কি আর বলে কুকুরের জাত।

মহশা একটি শব্দ বজ্রপতনের মত সমস্ত চেতনা আচ্ছন্ন করিয়া বাজিয়া উঠিল।

—আচ্ছা, বিবাহিতা মেয়ের দ্বিতীয়বার বিবাহ আপনারা ভাল বলেন ?

পাত্রের মাতুল সচকিত প্রশ্নে কহিলেন—বিবাহিতা কন্ঠার বিবাহ ? হঠাৎ এ প্রশ্ন কেন মা লক্ষ্মী ?

—দেখুন, আপনাদের জানিয়ে রাখা ভালো, বাব' আমাকে দ্বিতীয়বার বিবাহ দিতে চান জোর করে—পাত্র শুনেছি বিপত্তীক, সধবা বিধবা কিছুতেই তাঁর আপত্তি না থাকতে পারে, কিন্তু আমার আপত্তি আছে যথেষ্ট। এখন আপনারা—

আনন্দময় এতটা কথা মন্দিরাকে বলিতে দিলেন বোধ করি বাকুশক্তির অভাবে, কিন্তু আর সখ্য করিতে না পারিয়া হঠাৎ গর্জন করিয়া ওঠেন—খাম সর্বনাশী, যা মুখে আসছে তাই বলছিস যে ?

মাতুল হাত ধরিয়া ধীরস্থরে কহিলেন—আপনি খামুন সাগোল মশাই, ব্যাপারটা পরিস্কার হোক।...সবটা খুলে বলতো মা লক্ষ্মী।

'মরিয়া' নামক যে অবস্থা আছে একটা, তাহারই চরম সীমায় উঠিয়া মন্দিরা মুখ তুলিয়া পরিস্কার কর্তে কহে—খুলে বলবার বেশী কিছু নেই—স্বামী নিরুদ্ধেশ, বাবা বোধ করি আর খেতে পরতে দিতে অক্ষম, কাজেই এরকম অবস্থার সৃষ্টি হয়েছে।

মাতুল ক্রুদ্ধস্থরে কহিলেন—সাগোল মশাই !

সাগোল মশাই মেয়ের দিকে একবার অগ্নিদৃষ্টি হানিয়া বিনা বাক্যব্যয়ে বাহির হইয়া গেলেন। সেকাল হইলে বোধ করি মন্দিরার ভ্রম হইতে বিলম্ব হইত না, কলির ব্রাহ্মণ 'চৌড়া শাপের' সামিল বলিয়াই অক্ষত দেহ লইয়া সে বসিয়া রহিল।

পাত্রপক্ষ গা-ঝাড়া দিয়া উঠিয়া পড়িলেন।

'পাড়াগেয়ে' হইলেই যে বোকাসোকা হইবে, মন্দিরার এ ধারণাটা অবশ্য সম্পূর্ণ ভুল।

ব্যাপারটা বহুশ্রম হইলেও মন্দিরার কথাটা যে তাঁহারা যথার্থই বিশ্বাস করিয়াছেন এমন মনে করিবার হেতু নাই।

অয়ং পাত্র আশাভঙ্গের দারুণ মর্ম্মবেদনায় সক্ষোভ হান্তে কহিলেন—আচ্ছা এক রগড় দেখতে আসা গিয়েছিল, কি বল মায়া? আশ্চর্য্যি কাণ্ড!

মন্দিরাও উঠিয়া দাঁড়াইয়াছিল। টুকটুকে ঠোঁটের উপর চাপিয়া ধরা ঝিকঝিকে দুইটি দাঁতে ঝঁবৎ হাসির আভাস আনিয়া কহিল—আশ্চর্য্য কাণ্ডের অভাব কি বলুন? আপনার স্ত্রী তো শুনেছি বাইশ বছর ঘর করে মারা গেছেন—নাতি নাতনীর অভাব নেই, তবু অনায়াসেই নতুন করে আবার বিয়ে করবার সখ হ'ল—আশ্চর্য্য নয়?

বলিয়া স্পষ্ট অবহেলার ভঙ্গীতে দুই হাত জোড় করিয়া একটা নমস্কার করিয়া বাড়ীর ভিতর চলিয়া গেল। ইহাকেই যে পাত্র বলিয়া চিনিল কেমন করিয়া সেটাও কম আশ্চর্য্যের কথা নয়।

ক্রোধ প্রকাশের প্রধান পথ রসনা। যাহারা অপমানিত হইয়া চলিয়া গেলেন তাঁহারা যে রসনার যথেষ্ট সদ্ব্যবহার করিয়া যাইবেন না এটা আশা করা অস্বাভাবিক।

'চল হে চল, খুব শিক্ষা হ'ল', 'সাঙেলকে দেখে নেব, আমিও রতন মুখুঞ্জো', 'মিলিটারি মেয়ে', 'স্বামী কি সাথে নিকরদেশ হয়েছে, মনের খেয়ায়—'প্রভৃতি নানাবিধ মস্তব্য প্রকাশ করিতে করিতে আর একবার আনন্দ সাহায্যকে শাসাইয়া বাহির হইয়া গেলেন তাঁহারা।

এদিকে অমিয়া পাঁচখানি রেকাবিতে গোকুলপিঠে, নারিকেল লাডু ও জিবেগজা সাজাইয়া বসিয়া আছে।

মন্দিরা বাড়ীর মধ্যে ঢুকিয়াই কহিল—যাক বাঁচা গেল, খাবারগুলোয় আর বাজে লোক ভাগ বসাবে না—আয় হান্ন নাটু লাটু আমরা সদ্ব্যবহার করি জিনিসগুলোর।...বেলা কোথায় গেলি, তুই তো খুব ভালবাসিস গোকুলপিঠে। ...আচ্ছা মা, এর নাম গোকুলপিঠে হ'ল কেন বলতো? গোকুলের লোকে বৃনি শুধু এই খেয়েই থাকত?

অমিয়া মেয়ের উচ্ছ্বাসের মর্ম্ম গ্রহণ করিতে সক্ষম হইয়া ব্যস্তভাবে বলে—এই দেখ পাগল মেয়ের কাণ্ড, ভদ্রলোকেরা খাবে যে রে।

—আর তোমার ভদ্রলোক! তাঁরা এতক্ষণে হাটতলা ছাড়িয়ে গেলেন।

আনন্দময় প্রথমটা ভাবিলেন—মেয়ের মাথায় একখানা থানইট ছুঁড়িয়া মারেন, কিয়ৎকাল পরে মনে হইল কাঁচা বেত লইয়া আগাপাশতলা বিতাইয়া দেন, অবশেষে স্থির করিলেন—দূর করিয়া দেওয়াই সর্ব্বাপেক্ষা নিরাপদ ব্যবস্থা।

সেই সাধু সঙ্কল্পের বশবর্ত্তী হইয়া বাড়ীর ভিতর আসিয়া দেখিলেন, মন্দিরা মহোৎসাহে ভাইবোনাদের সহিত মিষ্টায়ণপর্ব্ব সমাধা করিতে স্কন্ধ করিয়াছে।

ধারালো আর সারালো যে ভাষাটি মঞ্জ করিয়া আসিতেছিলেন, কেমন যেন গোলমাল হইয়া গেল। মন্দিরকে ছাড়িয়া অমিয়াকে উদ্দেশ করিয়া আনন্দময় কহিলেন—গলায় দড়িদাওগে, গলায় দড়ি দাওগে—দড়ি যদি না জোটে আঁচলে ফাঁস দিয়ে আড়ায় ঝোলো গে। ছি ছি ধিক্!

হঠাৎ প্রেমময় স্বামীর এইরূপ এলাহি ছকুমে গ্রীষ্মের দিনেও অমিয়ার হাত পা ঠাণ্ডা হইয়া আসে। শক্তিতদৃষ্টিতে একবার মেয়ের ও একবার স্বামীর মুখের পানে চাহিয়া ব্যাপারটা আন্দাজ করিবার চেষ্টা করে।

মেয়ে অবশু নির্বিবকার।

আনন্দময় এবার ধাতস্থ হইয়া মেয়েকে লইয়া স্নান কবেন—তোমার মতন ক্লাঙ্গার মেয়েকে বেশী কিছু বলবার দরকার নেই, শুধু আমার নয়—সাওল বাতীর—এ বংশের কলঙ্ক তুমি। তুমি আমার মেয়ে, একথা মনে করে লঙ্কায় মাথা কাটা যাচ্ছে আমার।

—আমারও বাবা!—আস্তে আস্তে কথাটা উচ্চারণ করে মন্দির।

বোধ করি 'বাবা' বলিয়া সঘোষন এই প্রথম।

আনন্দময় যেন রাগ করিবারও দিশা খুঁজিয়া পান না। জিবেগজায় কামড় দিতে দিতে অবলীলাক্রমে এতবড় কঠিন কথাটা বলিয়া বসিল? আনন্দময়ের কণ্ঠা বলিয়া লঙ্কায় তাহাবও মাথা কাটা যাইতেছে? কতটা গর্জন করিলে এতবড় ধূসৃতার উপযুক্ত হয় তাহা বুঝিয়া উঠিতে অক্ষম হইয়াই যেন হঠাৎ গুম্ হইয়া যান আনন্দময়।

কিন্তু দেখিয়া লইবেন তিনি ষতীন মুখুজ্যের দ্বিতীয় পক্ষের পরিবারকে। শেখোক্ত সঙ্কল্পটি সশব্দে স্বগতোক্তি করিয়া যান আনন্দময়। অগত্যা অমিয়াকেও পিছন পিছন যাইতে হয়, ভাবনায় যে পেটের ভাত চাল হইয়া গেল তাহার।

সমস্ত সংবাদ সংগ্রহ করিয়া ফিরিয়া আসিয়া অমিয়া রুদ্ধকণ্ঠ পরিষ্কার করিয়া কহিল—এ সব কী কাণ্ড মন্দির!

—কাণ্ড কিছুই না মা! বাবার অমন নাচুসছুস জামাইটি হাতছাড়া হয়ে গেল, তাই খেদ হয়েছে। তা' অঞ্জুর সঙ্গে দিলেও মন্দ হ'ত না, কি বলিস বেলা? বয়সেও বেশ মানিয়ে যেত—বলিয়া খিল খিল করিয়া হাসিয়া উঠে মন্দির।

—'বিয়ে হয়ে গেছে,' 'স্বামী নিরুদ্ধেশ', এসব কী কথা? বানিয়ে বলবার আর কথা খুঁজে পেলো না?

—সত্যি কথাই মা!

—কী সত্যি?

—ওই যা বললাম। তোমরা আর আমাকে লঙ্কাসরম রাখতে দিলে না বাবু, এমনিতেই তো বলো আমি নাকি ভারী বেহায়া।...মা, রাগ করলে? কর, আমার দুর্ভাগ্য। যদি কখনো খুঁজে পাই, যদি তোমার কাছে এনে দেখাতে পারি, সেদিন কিন্তু রাগ করে থাকোনা যেন।

সমস্ত চেষ্টা ব্যর্থ করিয়া হঠাৎ বড় বড় দুই ফোঁটা অক্ষ গালের উপর গড়াইয়া

পড়ে। মন্দিরার মত মেয়েও তাহা হইলে 'সিরিয়াস' হইতে পারে? কিন্তু হারানো মানুষকে খুঁজিয়া বাহির করিবে এ কি সর্বনাশা পণ করিয়া বসিল মন্দিরা?

রাত্রে আনন্দময় ও অমিয়া কোলের ছেলেটিকে লইয়া পাশের ঘরে শুইতে গেলে মন্দিরা আপনার ছোট স্টকেসটিতে খানকয়েক শাড়ী ব্লাউস ভবিষা গুছাইয়া লইয়া বড় ট্রাক ও স্টকেসটা খুলিয়া রাশিকৃত শাড়ী বাহিব করিয়া কহিল—বেলা, হান্স, মঞ্জু, কোন কোন শাড়ীটা কার পছন্দ হয় বল?

এক মাত্র বেলা ছাড়া শাড়ী পরিবার উপযুক্ত বয়স কাহারও হয় নাই, তথাপি হান্স মঞ্জু আগেই দুইখানা শাড়ী তুলিয়া বৃকের উপর চাপিয়া ধরিল। শুধু বেলাই বিশ্বিতম্বরে কহিল—কেন বড়দি?

—এমনি। এই সব তোকে দিখে দিলাম। ট্রাকটা হ্রদ্ধ।

—বাঃ! পবিহাস ভাবিয়া হাসিয়া ওঠে বেলা। বড়দি আসিয়া পর্য্যন্ত অবশ্য সাজিবার সখ তাহার ষো লআনা মিটিয়াছে, তাই বলিয়া যথাসর্ব্ব্ব দান? ট্রাক স্টকেস সমেত!

—সত্যিবে বেলামণি, ওসব আমার আর দরকাব নেই। সব নিস তুই।

—হেজলিন পাউডার, সাবান-টাবান, চিরুনি-টিরুনি, বই-খাতা সব?

—সব রে সব। মন্দিরা হাসিয়া উঠে—বিশ্বাস হচ্ছেনা বুঝি? আর শোন, লাটু নাটু বাহ্নকে যা চাইবে কিনে দিস, টাকা থাকলো ট্রাকে, বুঝি?

—কেন বড়দি তুমি কোথায় যাবে?

শঙ্কিত দুই চোখ মেলিয়া চাহিয়া থাকে বেলা।

--কোথায় যাবো? তা তো জানিনা রে—কতকটা আপনার মনেই বলিতে থাকে মন্দিরা

—কে জানে কতো দূবে, কোন্ দেশে—

—বাবা বকেছে বলে রাগ করে চলে যাবে বড়দি?

—দূর পাগলী!

ছোট ভাইবোনগুলির গাল ধরিয়া আদর করে মন্দিরা, কাছে টানিয়া গায়ে হাত বুলাইয়া দেয়, ঘুমন্তগুলিও বাদ যায় না।

—আর তোর বিয়ের সময় যদি না থাকি, এইটা প'রে বড়দিকে মনে করিস— বলিয়া গলার হারটা খুলিয়া বেলার গলায় পরাইয়া দিতেই বেলা কাঁদিয়া ফেলিয়া দিদিকে দুই হাতে জড়াইয়া ধরিয়া অশ্রুধ্বং কণ্ঠে বলিয়া ওঠে—হার চাই না বড়দি, তোমার ছুটি পায়ে পড়ি, যেয়োনা ভাই।

চকিতের জ্ঞান একবার মনে হয়, থাক দরকার নাই। অসম্ভবের আশায় কোন পথে পাড়ি দিবে সে? তার চেয়ে এই বা মন্দ কি? ইহাদের লইয়াই কি হাসিয়া-খেলিয়া দিন কাটাইয়া দেওয়া যায় না? ইহাদের কাছে থাকিলে নিজেকে কত বড় লাগে!

কিন্তু তাই কি হয়? কোন দুঃখ অমরেশের এমন গভীর হইল, যা ঘর ছাড়া করিয়া ছাড়িল তাহাকে, সেই হিসাবটা লইবে কে? চোখ বুজিয়া নিভে রু প্রয়োজনকে অস্বীকার করিয়াই বা ক'দিন চলিবে মন্দিরার? কেবলমাত্র নিজেকে 'বড়' ভাবিবার মধ্যে গৌরব যতোই থাক, খোরাক কই? দুখ জিনিসটা ভালো, কিন্তু ক্ষুধিবৃত্তির জন্ত প্রয়োজন হয় ভাল ভাতের।

চোখ মুছাইয়া দিয়া আন্তে আন্তে বলে—না গিয়ে আমার উপায় নেই বেলু, যেতেই হবে।

—কোথায় যাবে বল না বড়দি?

—যাবো? যাবো আমার নিরুদ্দেশ বরের সন্ধানে। বুঝলি রে বোকা মেয়ে!

॥ দশ ॥

বিজয় মল্লিক এতদিনে উপযুক্ত বিচরণ ক্ষেত্র খুঁজিয়া পাইয়াছে।

নাইটস্কুল অবশ্য যথানিয়মে উঠিয়া গিয়াছে। বিনামূল্যে ঔষধ বিতরণের উদ্দেশ্যে যে 'দি বাস্কব হোমিও হল' খুলিয়াছিল, তাহারও অস্তিত্ব এখন আর নাই।

এখন বিজয় মল্লিক 'জ্যোতির্ষ্ময়ী বিধবাশ্রমের' সেক্রেটারী।

বিজয় মল্লিকের ভরসা করিয়া জ্যোতির্ষ্ময়ী এই আশ্রম খুলিয়াছেন, অথবা জ্যোতির্ষ্ময়ীকে কেন্দ্র করিয়া বিজয় মল্লিকই খুলিয়াছে, আলাদা করিয়া বলা কঠিন। আপাততঃ একজনের অর্থে ও অপরজনের সাহায্যে এই নাতিক্ষুদ্র প্রতিষ্ঠানটি সতেজে চলিতেছে।

তিনতলায় খানতুই ঘর ব্যতীত বিরাট বাসভবনের সমস্ত অংশই জ্যোতির্ষ্ময়ী আশ্রমে দান করিয়াছেন! নানা বয়সের বিধবা মেয়ের সংখ্যা ক্রমেই বাড়িয়া চলিয়াছে। নীচের তলায় 'র্তীত ঘর', 'চরকা ঘর', 'সেলাই ঘর' প্রভৃতি অনেক কিছু কাণ্ডকারখানা।

অমাত্যিক পরিশ্রম করিয়া বেড়ায় বিজয় মল্লিক এই প্রতিষ্ঠানের উন্নতির চেষ্টায়। পৃথিবীর আরো অসংখ্য লোকের অভাব অশান্তির চিন্তা করিতে অবসর নাই বলিয়াই বোধ করি এতদিনে শান্তি পাইয়াছে বিজয়।

তাই বা শান্তি পাওয়া বলা যায় কেমন করিয়া? এই আশ্রমের জন্তই তো তাহার অশান্তির শেষ নাই। এই প্রতিষ্ঠান আরো বড় আরো বিরাট হয় না? পাড়ায় পাড়ায় গ্রামে গ্রামে, প্রত্যেক জেলায় ছড়ানো থাকিবে ইহার শাখা-প্রশাখা!

বাংলা দেশের সমস্ত বিধবাকে আশ্রয় দিতে পারিলেই যেন যথার্থ শান্তি হয় বিজয়ের। গাধার মত খাটিয়া মরিতে হয়, তাই রাজির গাঢ় নিজায় স্বপ্ন দেখিবার ফাঁক থাকে না। দিবা দ্বিপ্রহরে জাগিয়া জাগিয়া স্বপ্ন দেখে বিজয় মল্লিক।...

তুই পাঁচ হাজার চরকা ঘুরিতেছে একতালে...এক ছন্দে ওঠা-নামা করিতেছে শত শত মাকু...সারা বাংলা ছাইয়া গিয়াছে আশ্রমবালাদের হাতেকাটা তুতার খন্দরে...ঘরে ঘরে ছেলে বুড়ো সকলের গায়ে সার্ট, প্যাণ্ট, ফ্রক, পাঞ্জাবী—সেলাইঘরের অপূর্বকীর্তি!

বিধবারা আর অপরের গলগ্রহ নয়, সংসারের আবর্জনা নয়, স্বাধীন স্বাবলম্বী উপার্জনশীল স্বপ্ন দেখা নিবারণ করিবার উপায় নাই।

গড়েরমাঠের গরু কি অড়রক্ষেতের স্বপ্ন দেখে না? পেট ভরিলেও দেখে।

জ্যোতির্ষ্মীর দিন আর কাটিতে চাহে না।

প্রবীর নাই, মন্দিরা নাই।

একজনকে জ্যোতির্ষ্মী স্বেচ্ছায় বিদায় দিয়াছেন, আর একজন জ্যোতির্ষ্মীকে ত্যাগ করিয়া চলিয়া গিয়াছে।

ত্যাগ ছাড়া আর কি? যখনই জ্যোতির্ষ্মী প্রবীরের কীর্তির কথা মনে করিবার চেষ্টা করেন, ঘুণায় লজ্জায় শিহরিয়া শুক্ক হইয়া যান।

জ্যোতির্ষ্মীর জীবনের অবলম্বন, হৃদয়ের আশ্রয়, একমাত্র গৌরব প্রবীর, কোন্ তুচ্ছবস্তুর লোভে আপনাকে নষ্ট করিয়া বসিল?

জ্যোতির্ষ্মীর উঁচু মাথা চিরদিনের জন্ত হেঁট হইয়া গেল না কি?

বাধ্য বিনীত মাজিঙ্গ তরুটি ভদ্র ছেলে জ্যোতির্ষ্মীর, উচ্ছন্ন যাইবার জন্তও মায়ের কাছে মত চাহিতে আসিয়াছিল। বলিয়াছিল—মা, তোমার কাছে আমি অনেক বড় উত্তরের প্রত্যাশা করে এসেছিলাম—তুমি তো শুধু আমার মা নয়, আমার বন্ধু। আমার ছুদিনে তোমার সাহায্য পাবো এ আশাটুকু কি অন্ডায়?

কিন্তু জ্যোতির্ষ্মী প্রবীরের আকাঙ্ক্ষিত 'বড়' উত্তর দিতে পারেন নাই।

জগতে কোন মা কবে পারিয়াছে? সন্তানের মমতা যতই গভীর হোক, তবু সন্তানের হৃদয়ের পানে চাহিয়া আপন স্বার্থ খর্ব করিবার ক্ষমতা আর যাহার থাক মায়ের থাকে না।

সর্ব্ব্ব ছাড়িয়া যে গুরুমন্ত্র আঁকড়াইয়া ধরিয়াছিলেন তাহারও নুতনত্ব হ্রাস হইয়াছে, ধ্যানের মন্ত্রে ইষ্টদেবতার মূর্ত্তি স্পষ্ট হইয়া উঠে না। লক্ষ জপ করিবার সংকল্প লইয়া যে মালা হাতে জপের আসনে বসেন, সে মালা কখন হাত হইতে খসিয়া পড়ে তাহার হিসাব থাকে না।

স্বামীর এনলার্জ করা প্রমাণ সাইজের ছবি, রূপার ফ্রেম, গুরুদেবের খড়ম, আর সোনার সিংহাসন, বালগোপালের মূর্ত্তি ও তাঁহার সেবার অসংখ্য উপকরণ, একে একে অনেক কিছু আসিয়া জড় হইয়াছে পূজার ঘরে।

প্রথমে উৎসাহের অবধি ছিল না, এখন ধূলার পূক্ক স্তর জমিয়াছে রূপার ফ্রেমে আর সোনার সিংহাসনে।

চন্দনকাঠের পালকে নেটের মশারি ফেলিয়া বালগোপাল তাঁহার ছোট্ট বালিশটিতে মাখা রাখিয়া দিনের পর দিন ঘুমাইয়া আছেন। তাঁহাকে ঘুম ভাঙাইয়া টিপ কাজল পরাইয়া, চূড়া-বাঁশীতে সাজাইয়া, ক্ষীর ননী বা ওয়াইয়া গোষ্ঠে পাঠাইবার খেলা আর ভাল লাগে না।

বিস্বাদ বিবর্ণ দিনগুলি যেন বাঁধিয়া মারিতেছিল জ্যোতির্ষ্ময়ীকে। কাহারও জন্ত কিছুই করিবার নাই, কী ভয়ঙ্কর এই অবস্থা!

মন্দিরা হাতথরচ ফিরাইয়া দেয়, প্রবীর অর্ধ সাহায্য লইবে না পণ করিয়াছে, এত অর্ধ লইয়া তবে করিবেন কি জ্যোতির্ষ্ময়ী? দীর্ঘ জীবনভোর যতীন যুজ্যে যে ভিতরে ভিতরে কত সঞ্চয় করিয়া গিয়াছেন, এতদিনে তাহা ধরা পড়িয়াছে।

এমনি দুর্দিনে বিজয় মল্লিক আসিয়া ধরা দিল বিধবাপ্রমের আইডিয়া লইয়া। এখন দিনগুলো তবু কতকটা সহনীয় হইয়াছে। কথায় কাজে, আলাপে আলোচনায়, নূতন নূতন ছুঃখের কাহিনী শুনিয়া সহজে কাটিয়া যায় দিন।

জীবনেই কি আসে নাই কিছু সরসতা? খ্যাতির আর তোষামোদের মিষ্টিরস কম সারালো সার নহে। নির্ঝিচারে সকল বয়সের বিধবারা 'মা' বলে। শুধু মা নয়, 'দেবী মা'!

বিজয় শিখাইয়াছে।

ছাঁটা কৌকড়ান চুলের উপর সাদা গরদের খান বেড়িয়া প্রশান্তমুখে যখন আশ্রমের তত্ত্বাবধান করিয়া বেড়ান জ্যোতির্ষ্ময়ী, সত্য সত্যই দেবীর মত দেখিতে লাগে। তাকাইয়া তাকাইয়া দেখিতে ইচ্ছা করে।

জলিয়া নিঃশেষ হইয়া যাওয়া মোমবাতির মত যাহা নিশ্চেষ্ট হইয়া আসিয়াছিল, বিজয় মল্লিক তাহাতে নূতন পলিতা সংযোগ করিয়া কাজে লাগাইয়াছে।

এসব কাজের অবশ্য দায়িত্ব সোজা নয়, তবে মানুষ যখন দেবীর প্রাপ্য সম্মান পাইতে থাকে, তখন দেবীর মত কঠিনও হইতে হয় বৈ কি। আশ্রমের কড়া আইনের ফাঁকে কে কখন কি বে-আইনি কাণ্ড করিয়া বাসিল সে দিকে দৃষ্টি সজাগ রাখিতে হয় অহরহ। এতটুকু অসতর্ক হইবার জো নাই।

রাত্রে গেটের চাবি পড়িলে চাবি গাচ্ছত থাকিবে জ্যোতির্ষ্ময়ীর নিজের কাছে। চিঠি যদি কাহারও আসে, পাশ হইয়া আসিবে জ্যোতির্ষ্ময়ীর হাত দিয়া। চিঠি লিখিতে গেলেও সেই এক হুকুম।

তাছাড়া কে উপাসনায় সময় দিয়াছে কম, আর স্নানের ঘরে সময় লাগাইয়াছে বেশী, কাহার ঘুম ভাঙিতে বেলা হয়, আর কাহার ঘুমাইতে ঘাইতে দেবী হয়, এসব তত্ত্বাবধান না করিলেই বা আশ্রম চলিবে কোন শৃঙ্খলায়?

তবু ইহার ভিতরও মাঝে মাঝে বেথাপ্পা ব্যাপারের অবতারণা হয় না এমন নয়। আট ফিট উঁচু প্রাচীরের অবরোধের মধ্যেও বেহায়া বসন্তবাতাস দৈবাৎ ঝাপটা মারিয়া যায়। মুগ্ধিতমস্তক ব্রহ্মচারিণীর মনেও হঠাৎ একছোপ সবুজের আভাস লাগে। তাই জ্যোতির্ষ্ময়ীও নিশ্চিন্ত শাস্তি ঘুচিয়াছে। এসব অনাচারের প্রশ্রয় দিলে চলে না, শাসন কড়া না হইলে বাধ-ভাঙা নদীর স্রোতের মত বিশৃঙ্খলার ঢেউ আসিয়া বিধবা-আশ্রমকে ভাসাইয়া লইয়া যাইবে কিনা তাহারই বা নিশ্চয়তা কি?

তাই সেদিন সকালবেলা তিনতলার পূজার ঘর হইতে নামিয়াই কমলা নামের যে মেয়েটি কিছুদিন হইল ভক্তি হইয়াছে, তাহাকে লইয়া পড়িলেন।

কমলার বিকল্পে বর্তমান অভিযোগ সাবান মাথা লইয়া। আশ্রমের নিয়মামুসারে সে আসিয়া মাথা মুড়াইয়াছে, নরুণপাড়ের ধুতিখানা ছাড়িয়া সাদা খান ধরিয়াছে, আহাৰাদিতেও তাহার সন্ধে কোন অভিযোগ আসে নাই, কিন্তু ওই—সাবান সে মাধিবেই।

কেমন করিয়া জোগাড় করে সে কথা বলা শক্ত, কিন্তু দেখা যায় স্মরণে পাইলেই সে উক্ত অপকর্ম করিতে ছাড়ে না।

জ্যোতির্শ্রী তীব্র তিরস্কারের ভঙ্গীতে কহিলেন—কমলা, আবার তুমি সাবান মেখেছ ?

বোলা শ্যামবর্ণা পাতলা ছিপছিপে মেয়েটি, বছর বাইশ বয়স হওয়া অসম্ভব নয়, কিন্তু দেখিতে ছোট লাগে।

দেবী মার সামনে মুখ তুলিয়া কথা কওয়ার রেওয়াজ নাই, তাই মাথা হেঁট করিয়া দাঁড়াইয়া থাকিল। থাকিল বটে, তবে ভয়ে কাতর হইয়াছে দেখিলে মনে হয় না। বার বার তিরস্কারেও 'ধার করিব না' এমন কথা তাহার মুখ দিয়া বাহির করিতে না পারিয়া জ্যোতির্শ্রী অন্ত পয়েটটা ধরিলেন বলিলেন—সাবান তোমায় কে জোগায় বলতে পারে ?

ইহারই উত্তরে ফস্ করিয়া আর একটি মেয়ে বলিয়া উঠিল—বাগানের দরজা দিয়ে রোজ যে দেখা করতে আসে, সেই বোধ হয়।

বিস্ময়ে হতবাক হইয়া যান জ্যোতির্শ্রী। কিছু প্রকৃতিস্থ হইলে বলেন—কমলা এসব কি শুনছ ? কে দেখা করতে আসে ?

—একটি ছেলে।

অনুটম্বরে এইটুকুই শুধু বলিতে পারে কমলা।

—ছেলে, সেটুকু কষ্ট করে না বললেও চলতো—কে সে তাই জানতে চাচ্ছি।

—আগে আমাদের পাড়ায় থাকতো।

—ওঃ। তা বেশ, কিন্তু কি বলতে চায় সে ? কি জন্মে আসে তোমার কাছে ?

হঠাৎ মরিয়া হইয়াই যেন কমলা স্পষ্ট গলায় বলিয়া ফেলে—বলে খে ওর সঙ্গে চলে যেতে। আমি যাবো।

—কোথায় যেতে বলে ?

—তা জানিনা।

তোমায় নিয়ে গিয়ে খেতে পরতে দেবার সামর্থ্য ওর আছে ?

—তা জানিনা।

—তাও জানো না ? চমৎকার ! কি করে, কি নাম, তাও জানো না বোধ হয় ?

—নাম অরুণ, কিছু করে না।

—শেষ পর্যন্ত না খেয়ে মরতে হবে সেটা জানো ?

—ও বলে এখানে থাকলেও মরে যাবো।...আর—আর—দুটি ভাত খেয়ে শুধু বেঁচে থেকে লাভ কি? আমায় ছেড়ে দিন।

—তা'হলে এলে কেন?

—আমি ইচ্ছে করে আসিনি, বিজয়বাবু রোজ রোজ আমার কাকাকে বলে বলে রাজী করিয়েছিলেন। কাকারা দশ বছর ধরে পুষছেন, তাই রাজী হয়ে গেলেন।...ও তখন থেকেই আমাকে—কমলা চুপ করিগা যায়।

নন্দরাণী একজন পাকা বিধবা। সাতচল্লিশ বৎসর যাবৎ বৈধব্য পালন করিয়া আসিতেছেন তিনি। আশ্রমে ভর্তি হইবার মত অনাথা তিনি নন। শুধু এখন আতপ চাউলের দর সাতচল্লিশে উঠিয়াছে বলিয়াই চেষ্টা চরিত্র করিয়া অনাথার দলে নাম লিখাইয়াছেন।

মিথ্যা কথাও হয় না বটে—প্রায় অর্দ্ধশতাব্দীব্যাপী যিনি নাথ-হারা হইয়া কাটাইয়াছেন, অনাথা ছাড়া কি আর বলা যায় তাঁহাকে? নন্দরাণী হাতের মালাটা কপালে ঠেকাইয়া খন্ খন্ করিয়া বলিয়া উঠিল, তখন থেকেই যদি এত পিরীত তো বেরিয়ে গেলেই পারতিস? আশ্রমে এসে ঢলাঢলি কেন?

ক্রুদ্ধ কমলা ফৌস করিয়া বলিয়া উঠিল—তুমি আর মুখ নেড়ো না নন্দাদি! তুমি চুরি করে খাওনা? একাদশীর দিন গোপালকে ঘুষ দয়ে বেগুনী ফুলুর আনালে না সেদিন? দেবী মা'র আংটিটা তোমার বাক্স খুঁজলে বেরোবে না? তবে? এসব বুঝি দোষ নয়?

জ্যোতির্ষ্ময়ী অবাক হইয়া বলেন—ছি: কমলা, কাকে কি বলছো? থাকতে না চাও চলে যেও, তাই বলে—

নন্দরাণী নাচিয়া উঠিয়া কহিল—চলে গেলেই হ'ল? খাতায় নাম সুই করেনি? বেরিয়ে গেলে আশ্রমের কেলস্বারী নয়? ওর জন্তে কি নতুন আইন ছিটি হবে নাকি? বলি কমলি, ইহকাল তো গেছে, পরকালের চিন্তেও কি এককড়া নেই।

কমলি বুনো ঘোড়ার মত ঘাড় বাঁকাইয়া স্বচ্ছন্দে জানাইল—না। পরকালের চিন্তায় ঘূমের ব্যাঘাত হয় নাই তাহার।

মার্জিত রুচিসম্পন্ন বাসন্তী কমলার চাইতে সামান্য কিছু জ্যেষ্ঠত্বের দাবীতে উপদেশের সুরে মিহির্গলায় কহিল—ছি: কমলা, এসব কথা উচ্চারণ করতে লজ্জা করে না তোমার?

কমলা বোধ করি এতগুলি রসনা আর দৃষ্টির সম্মুখে তোপের মুখে সৈনিকের মত মরিয়া হইয়াই উঠিয়াছিল, তাছাড়া সাবানের অপমান তখনো মর্মান্তিক জ্বলিতেছিল, তাই তীক্ষ্ণস্বরে কহিল—সবাই মিলে আমার সঙ্গে লাগতে এসনা বলছি—সকলের সব কথা বলে দেব।

বাসন্তী চাপাধলায় কহিল—কি কথা শুনি? বলবার আছেই বা কি?

—কেন থাকবে না? তোমার মাসতুতো ননদের দেওর—বিশু না কে—নিত্য চিঠি শেষ না তোমায়? জানলায় তিল বেঁধে নাওনা তুমি? বিধুদিরা পান-দোক্তা খায়না চুপি চুপি? স্বধারাণী খালি শুয়ে থাকে, কিছু খেতে পারে না. আর দেবী মা'র সামনে বেরোয় না কেন, জানি না বুঝি? তবে?

দেখা গেল যত ভালমাহুষ ভাবা গিয়াছিল মেয়েটিকে তেমন নয়।

জ্যোতির্দয়ীর দুই কান ঝাঁ ঝাঁ করিয়া সমস্ত মুখ আগুনের মত রাঙা হইয়া আসে। দীর্ঘকাল দেবীগিরিতে পোক্ত না হইলে এত কথা হজম করিবার মত আয়ু সবল হয় না।

ব্রহ্মচর্যের যে অপূর্ব আদর্শ দেখাইয়া এতগুলি অসহায়া নারীকে স্বর্গের কাছাকাছি লইয়া গিয়াছেন ভাবিয়া আত্মপ্রসাদ লাভ করিয়াছিলেন, তাহার সহসা যেন নিজেদের সঙ্গে তাঁহাকেও আছাড় মারিয়া ধূলায় ফেলিয়া দিল।

বিজয় মল্লিককে ডাকিয়া জ্যোতির্দয়ী আশ্রম ভাঙ্গিয়া দেবাব সংকল্প ব্যক্ত করেন।

আজ না ভাঙিলেও—ভাঙিতই একদিন।

বিজয় মল্লিকের বুকটাও ভাঙিয়া গেল।

যাক হয়তো কোনদিন দেখা যাইবে—ভাঙা প্রাণে পলস্তারা লাগাইয়া আবার কোন নতুন স্বপ্ন গন্ডিয়া তুলিতেছে বিজয় মল্লিক।

॥ এগারো ॥

দীর্ঘকাল পরে আবার মন্দিরাকে দেখিলাম।

পশ্চিমের এক অখ্যাত সহরে ধূলি-ধূসরিত ক্ষুদ্র একটি ধর্মশালায়। বেশভূষার অবস্থাও ধর্মশালার চাইতে খুব বেশী উচ্চাঙ্গের নয়, কিন্তু সে বিষয়ে বোধ করি সে নিতান্তই নির্বিকার!

বসিয়াছে—‘বাগান’ নামধারি একটি আগাছার জঙ্গলের ধারে, চটাগুঠা ইটভাঙ্গা সিঁড়িতে পা ঝুলাইয়া, আর ছোট ছেলেদের গল্পবলার ভঙ্গীতে পাশের ভদ্রলোকটিকে রূপকথা শোনাইতে শুরু করিয়াছে।

ভদ্রলোকটি যদিও মন্দ চকচকে বক্বকে নয়, কিন্তু ধূলায় বসিতে তাহারও আপত্তি আছে বলিয়া মনে হয় না।

—ই্যা কি বলছিলাম? তারপর কি না—ভোরের পাখী বাসা ছাড়বার আগে শুক-তারাকে সামনে রেখে ছুঁখিনী রাজকন্তা নিষ্ঠুর রাজপুত্রী ছেড়ে চললেন তেপান্তরের মাঠ-ভেদে নিরুদ্দেশ রাজপুত্রের উদ্দেশে। কত মাঠ কত পথ পার হয়ে, কত নৌকো ইষ্টিমার রেলের গাভী গরুর গাভী চড়ে, অবশেষে এক সহরে এসে হাজির হলেন রাজকন্তা!

হলেন তো, কিন্তু কোথায় রাজপুত্র? মুস্থিল এই—এটা আবার কলিকাল। চোখের কাজল দিয়ে পদ্মপাতায় পত্ররচনা করে হংসদূতের মারফৎ, রাজপুত্রুরের সম্বান নেবেন তার জ্যোতি নেই।

কাজেই—অল্প বুদ্ধি খাটাতে হয়। তারপর—চোখের কাজলের বদলে ছাপার কালি, আর হংসদূতের বদলে সংবাদপত্রের শুভে বার্তা পাঠিয়ে বসে বসে রাজপুত্রুরের আশায় দিন গোণে। দিন যায় রাত্রি আসে, রাত্রি যায় দিন আসে—ভেবে ভেবে রাজবস্ত্রার চক্ষে

ঘুম নেই। এদিকে—রং হ'ল ময়ত্যা, দেহ হ'ল ক্ষীণ, মুখ হ'ল শুকনো আর, চুল হ'ল রুক্ষ, সাজ-গোজের কথা বলেই কাজ নেই—মোটের মাথায় রাজকুমারীর যখন একটি কাঠ-কুড়ুনীর মত অবস্থা, তখন নিষ্ঠুর রাজকুমার এসে দিলেন দেখা।

বললেন—রাজকন্যা, কি বার্তা ?

রাজকন্যা বললেন—সাধনার সিদ্ধি হ'ল এই বার্তা।

রাজপুত্রুর বললেন—সিদ্ধি তো হ'ল, এখন চাও কি ?

—কিছু না, শুধু তোমাকে।

শ্রোতা ভদ্রলোকটি হঠাৎ ভারী যেন রেগে উঠে—‘কিছু না শুধু তোমাকে’—মানে ? আমি বুঝি ‘কিছু না’র সামিল ?

—তুমি ? তোমাকে আবার কে কি বললো ? গায়ে পেতে নিচ্ছ কেন ? আমি তো শুধু গল্প বলছি।

—হোক গল্প, আমিও অল্পে ছাড়ছি না।

‘অল্পে’ তো দূরের কথা, অনেক কষ্টেও রেহাই পায় না বেচারা।

—কি হচ্ছে ? জানো এটা ধর্মশালা ?

—হয়েছে কি ? অধর্ম কিছু করছি নাকি ?

—হয়েছে, হয়েছে, এত ভালবাসা কোথায় ছিল শুনি ?

—ভালবাসা যেখানে থাকবার ঠিক সেইখানেই ছিল মন্দিরা, শুধু ভালবাসার লোকটিই ছিল দূরে।

—মিথ্যে কথা বোলো না বেশী,—মন্দিরা স্বভাবগত শাসনের স্বরে শ্রায় ধমকই দেয়—নিকরদেশ হয়েছিলাম বুঝি আমি ? জানো এতে আমার কত অপমান হয়েছে ?

—অপমান কিছু হয়নি মন্দিরা, কাছে থাকলে তোমার এ মনকে তুমি সহজে খুঁজে পেতে না। অভাবেই অভাব বোধটা এত তীব্র হয়ে ধরা পড়ে।

—হয়তো তাই, কিন্তু সত্যি বলছি, এতদিন ধরে শুধু এই একটি মাত্র প্রশ্নই তোমার কাছে ছিল আমার—ভালবাসলে যদি তো কেমন চলে গেলে ?

—একটিমাত্র উত্তরে ও কৌতূহল মিটবে না মন্দিরা, ওর পিছনে জমানো আছে অনেক মানির ইতিহাস। ভালবেসে বিশ্বাস এসেছিল, ভেবেছিলাম ভালবাসার যথার্থ অধিকার আমাদের নেই, এত ছোট এত হীন এত তুচ্ছ আমরা।

—কিন্তু ভালবাসাই কি আমাদের বড় করে তোলে না ? সমস্ত মানির উপর এনে দেয় না গভীর মর্যাদা ? সত্যি করে ভালবাসলে নিজেকে আর ছোট মনে হয় না, হীন মনে হয় না, তুচ্ছ মনে হয় না। কিন্তু থাক ওসব কথা, এ সব সাধু ভাষায় কথা কইলেই বেজায় হাসি পেয়ে যায় আমার। তার চেয়ে তুমি বল তোমার অজ্ঞাতবাসের কাহিনী।

—তার আগে তুমি বদলে এসো তোমার কাঠকুড়ুনীর বেশ। এখান থেকে স্টেশন পর্যন্ত হেঁটে গিয়েছিলে ভেবে অবাক লাগছে আমার, আগে গাড়ী নইলে যে—আচ্ছা থাক, পরে হবে

সব কথা। এখন যাও লক্ষ্মীটি গায়ের ধূলো ধুয়ে ফেলো গে।

টুকটুক ঠোঁটের উপর উদ্ধৃত দু'টি দাঁত কিলিক মারিয়া ওঠে, শ্রিয় পরিচিত ভদীতে।

—ধূলো শুধু শাডীতে, গায়ে ধূলো লাগে না আমার।

কিন্তু কিছুক্ষণ পরে অমরেশ মন্দিরার খোঁজ করিতে আসিয়া অবাক। অমরেশের খোলা স্টকেসের সামনে গঙ্গার মুখে বসিয়া আছে মন্দিরী, বেশভূবার পরিবর্তন কিছুই করে নাই।

—এ কি, কি হ'ল তোমার ?

—তোমার স্টকেসে এত শাড়ী কেন শুনি !

—ও হো হো, এখুনি চোখে পড়েছে ? কিন্তু যদি না বলি ?

—বলতে বাধ্য।

—এখন থেকেই শাসন সুর ?

—নিশ্চয়।

—সত্যি কথা বিশ্বাস করবে মন্দিরী ? হেসোনা কিন্তু ? কোম্পানীর এজেন্সি নিয়ে কত দেশ বিদেশে ঘুরে বেড়াতে হয়েছে—বঙ্গে, মাদ্রাজ, লাক্ষী। শাড়ীর দোকানের কাছাকাছি গেলেই তোমার গায়ে মানায় এমন শাড়ী একখানা কেনবার ছুঁদাস্ত সখ হ'ত।

—অর্থাৎ সর্বদা আমি তোমার অন্তরে বিরাজ করছিলাম—এই তো তোমার বক্তব্য ? মন্দিরী ছদ্ম গাঙ্গীর্যে বলে—আমার বিশ্বাস এ কৈফিয়ৎ সম্পূর্ণ কাল্পনিক। যাক পরে এর বিচার হবে। আপাততঃ এই প্রিন্টেড শাড়ীখানি দয়া করে গ্রহণ করলাম।

—এ অমুগ্রহের জন্ত ধন্যবাদ।

—উহু, বলতে হয়, আমি ধন্য।

—সেটা কি মুখে বলবার দরকার হবে মন্দিরী ?

স্টেশনে আসিয়া মন্দিরী প্রশ্ন করিল—এখন কোথায় যাবে ?

—এই গরীবের কুটিরে।

—একেবারে সোজাসজি ?

—লক্ষ্মী যখন নিজে এসে ধরা দিয়েছেন, তখন আর ছাড়বো কেন বল ?

ঈর্ষ্য চিন্তিত ভাবে মন্দিরী বলে—কিন্তু সংসারের চোখে, সমাজের চোখে, আমি হারিয়ে যেতে রাজী নই। তাছাড়া আমার মার কাছে আমার নিজের মার কাছে প্রতিজ্ঞাত আছি তোমায় নিয়ে গিয়ে দেখাবো বলে।

—কি বলে দেখাবে ?

—বলবো ? বলবো—মা দেখ তো, জামাই পছন্দ হয় ?

—কি সর্বনাশ ! পারবে বলতে ?

—অনায়াসে। এত তপস্কার পর বর মিললো—পারবো না? সেখান থেকে বিধিবদ্ধ ভাবে তোমার দণ্ডমুণ্ডের কর্তা হয়ে—ভাবছি যাবো এলাহাবাদে দাদাভায়ের কাছে।

সহসা স্তব্ধ হইয়া যায় অমরেশ, একটু চূপ করিয়া ধীরে ধীরে বলে— সে হস্ত না মন্দিরা!

—কেন?

—সত্যি কথাই স্বীকার করবো মন্দিরা, মন থেকে সায় দেবার ক্ষমতা নেই। একথা ঠিক যে, দাদার ব্যবহার আমায় সর্বদা পীড়ন করেছে, বৌদির নিরীহ বাধ্যতা, তাঁর বিক্কে, সমাজের বিক্কে, উত্তেজিত করে তুলেছে—অহরহ চেয়েছি তাঁর বন্দী জীবনের মুক্তি, কিন্তু তবু এ আমি সইতে পারবে না। হয়তো দূরে থেকে প্রার্থনা করবো তাঁদের কল্যাণ, কিন্তু বৌদিকে বৌদির মতন ভিন্ন অজ্ঞ ভাবে দেখবার সাহস আমার সত্যিই নেই। খোকন নেই, বৌদি আছেন, এ কি দেখা যায় মন্দিরা?

প্রফুল্ল ছুইখানি মুখে নামিয়া আসে ছুইটি মেঘছায়া।

হয়তো এই নিয়ম, সাংসারিক বিধি ইহাকেই বলে। পরিপূর্ণতার মাঝখানে দেখা দেয় শূন্যতা, আনন্দের উপর পড়ে বিবাদেদর ছায়া, জীবনের কোলাহলের ভিতর ধরা দেয় যুত্বের স্তব্ধতা।

॥ বারো ॥

উত্তর কলিকাতার এক অপরিচরিত গলির একপ্রান্তে হাড়-পাঁজরা সার সেই জীর্ণ বাড়ীখানি তার দীর্ঘ দেহখানি লইয়া এখনো একই অবস্থায় টিকিয়া আছে।

ঋতুর পর ঋতুর পরিবর্তন ঘটে। বর্ষার জল বৈশাখের ঝড়, বারে বারে আসিয়া পুরানো বনেদের শিকড়ে ঘা মারিয়া কাঁপন ধরায়, ভাঙিতে পারে না।

বোমা যদি সত্যি কখনো বজ্রের বেশে নামিয়া আসে, তখনই হয়তো একদিন অরাজক দেহটা লইয়া হুড়মুড় করিয়া ভাঙিয়া পড়িলে, তার আগে নয়।

শুধু দেওয়ালের দাঁতগুলি হইয়া উঠিয়াছে আরো প্রথম স্পষ্ট, আরো নির্লজ্জ হইয়া উঠিয়াছে খাপরি গুঠা মেঝের নিরাভরণ নগ্নতা।

আজকাল চটা গুঠা রোয়াকের উপর শীতের রৌদ্রে শিঠা দিয়া বসিবার লোভে ষাহারা আসে, তাহার। বড় কথা লইয়া তর্ক করে না, বড় চিন্তা লইয়া মাথা ঘামায় না, স্বদূরপ্রসারি দৃষ্টি মেলিয়া উজ্জ্বল ভবিষ্যতের পানে তাকাইয়া থাকে না।

ছোট কথা লইয়াই তাহাদের কারবার।

সিঁড়ি ভাঙিতে কষ্ট হয় বলিয়া মেনকার মা আসেন বড়ির টিন লইয়া, বড়ি দিতে সর্ভাবধা ছোটবো মানমুখে আসে শিশুপুত্রের ভিঙ্গা বিছানা রৌদ্রে দিতে। উষাবতী তাসো

জোড়া কোল আঁচলে ঝাঁপিয়া গীতাখানা খুলিয়া বসে, তাস জোড়াটা বাহির করিতে লজ্জা পায়। আনিয়াছে, একথা টের পাইতে দেয় না কাহাকেও, তবু আনিতে ছাড়ে না।

ভাই যাওয়ার পর হইতে এই এক উপসর্গ জুটিয়াছে—চক্ষুলজ্জা। সহজ ভাবে হাসিতে, গল্প করিতে, তাস খেলিতেও সঙ্কোচ বোধ হয়। অথচ ওসব না করিলেও যে প্রাণ হাঁকাইয়া আসে।

আর আসেন কুম্বালা।

হরিনামের ঝুলিগাছটা লইয়া বিরসমুখে বসিয়া থাকেন এক পাশে। বড় বৃষ্টির প্রলেপ কিছুটা লাগিয়াছে তাঁহার দেহে। সামনের কয়টা দাঁত পড়িয়া গিয়া মুখের ভাবে আসিয়াছে উগ্র নিষ্ঠুরতার পরিবর্তে অসহায় কুশ্রীতা।

ভবিষ্যতের উজ্জ্বল আলোর আভাস ইহাদের চোখে ধরা দেয় না—প্রত্যহ দেখা সংসারের, ঘটনা গ্রন্থা পুরাণো কাহিনীয় পুনরাবৃত্তিই ইহাদের আলোচনার বিষয়বস্তু।

নূতন যদি কেহ আসে, সোৎসাহে শুনাইতে বসে—পুরাণো দিনের গল্প।

আজ এ আসরে নূতন শ্রোতা আসিয়াছে মেনকা।

খোল বোরাকে এ তত্ত্বলো চোখের সামনে বসবা নিক্কিকার চিত্তে কোলের ছেলেকে শুভ্র পান করাইতে কবাইতে খুশুরবা দাঁর সুখ ঐশ্ব্যের গল্প ফাদিয়াছে।

বড় গরী বডিব ডালমাখা হা তখানা উষাবতীর প্রায় মুখের সামনে নাড়িয়া বলিয়া ওঠেন—এই শুনল তো? তখন আমার মেনিকে কানাঘুঘো কতলোকে কত নিন্দেই করেছে, আর এখন? এান দেব—মেনির আমার গোছাভক্তি সোনার চুড়ি, পঞ্চাশখানা পঞ্চাশ রকমের শাড়া সেমিজ, কোলে সোনারচাঁদ ছেলে, দেখাছিস্তো? বাবা ধর্মের কল বাতাসে নড়ে। যারা ভালোমানুষ্য দেখিয়ে ভিজ্জে বেডালের মতন থাকতেন তাঁদের কীষ্টির কথাও ভাবো।

মেনকা মহোৎসাহে প্রশ্ন করে—ইয়াগা অখিলেশদার বৌর কথা যা শুনি তা কি সত্যি?

—কপাল আমার, সত্যি না তো কি মিথ্যে? শুনতে পাই এলাহাবাদে না কোথায় আছে। হোঁড়া তো মাযের ত্যাজ্যপুস্তুর, খেতে দেবার মুরোদ নেই—নিজে ইস্কুলে মাষ্টারী করে, ছুঁড়িকেও মেয়ে ইস্কুলে গানের মাষ্টারী করে পেটের ভাতের যোগাড় করতে হয়। অমন শিরিতের কাঁথায় আঙুন! শুনতে পাই একটা মেয়ে না ছেলে কি হয়েছে! ছি ছি ছি—অমন সোনার পুতুল ছেলে হারিয়ে—

নূতন করিয়া আর একবার সকলের ঘুণায় ওষ্ঠ কুঞ্চিত হইয়া আসে।

কৌতুহলী মেনকা বলে—অমরেশদার খোঁজ খবর কিছু পাওয়া যায় নি?

—ও মা তা জানিস না বুঝি, সে তো 'ইনসোয় আপিসে' দিব্যি মোটা মাইনের চাকরী করছে—যতীন যুজ্জোর দৌত্রীর মেয়েটাকে বিয়ে করেছে। সেও এক কেলেঙ্কার কাণ্ড!

মেয়ে নাকি একলা হিন্দি-দিল্লী ঘুরে পাকড়াও করে এনে বিয়ে করেছে। কালে কালে কতই জনবো, কতই দেখবো! বামুন কায়েতের বিয়েও তা'হলে 'চল' হ'ল!

মেনকা একটা নিঃশ্বাস ফেলিয়া বলে—অধিলেশ দা'র কি হ'ল খেঁষটা? হঠাৎ গলায় দড়ি দিয়ে—

—গলায় দড়ি আর দেবে না? বেম্‌চারীই হোক আর নাগা ফকিরই হোক—ব্যাটাচ্ছেলে তো? বিয়ে করা পরিবার—নাকের সামনে দিয়ে ড্যাং ড্যাং করে পর-পুরুষের হাত ধরে বেরিয়ে গেল, কোন ঘেম্মায় মুখ দেখাবে পাঁচজনকে?

বিষদস্তহীন কেউটের মত নিঃশেষ কৃষ্ণবালাকে বেশী সমীহ করিবার আবশ্যকতা কেহ আর অস্বপ্ন করে না। আলোচনার শ্রোত যথেষ্ট বহিতে থাকে।

শুধু সময়ের কথা উঠিতেই কয়েকটা করুণ নিঃশ্বাস চাপা-গলির রুদ্ধ বাতাসকে ভারী করিয়া তোলে। যুদ্ধে যাওয়ার পর হইতে আর কোন সংবাদ নাই তাহার।

হয়তো মারা গিয়াছে—হয়তো মারা যাইবে—একই কথা।

স্বপ্ন আর স্বাভাবিক মাহুয কালো গৌরান্দ্র মোটাসোটা কালোকালো একটি মেয়েকে বিবাহ করিয়া স্নেহে সংসার পাতিয়াছে। বোধকরি বংশের ধারা, আর জীর্ণ-গলির চিরন্তন জীবন-লীলার ধারা অব্যাহত রাখিবার ভার তাহারই।